

THE HISTORY OF THE CITY OF BOSTON

BY
JOHN B. HENNING

VOLUME I
THE FOUNDING OF THE CITY

1630-1639

BOSTON
1910

PUBLISHED BY
THE BOSTON PUBLIC LIBRARY

AT THE
CITY OF BOSTON

187 STATE STREET

BOSTON, MASS.

1910

MADE IN U.S.A.

Copyright, 1910, by
The Boston Public Library

Printed by
The Boston Public Library

187 STATE STREET
BOSTON, MASS.

1910

欽定剿平粵匪方略卷二百四 戊午年

九月初八日庚辰德興阿奏言臣自八月二十五

日以後病勢稍愈擬俟潰兵到齊整隊赴援六
合詎賊竄儀徵天長亦復失陷揚州爲清淮門
戶儻不設法堵禦必難遏其北竄之路臣飛咨
和春囑其兼顧六合飭副將鞠耀乾嚴督師船
防堵並留礮船協同駐守昨據和春來咨已調

黃彬師船駐守鎮江李新明師船駐泊石埠橋
臣飭該員等星夜下駛以期南北聯絡江防既
定卽親至萬福橋查看潰兵共有三千餘名臣
派員管帶擇要扼守當令安勇紮營司徒廟寶
山一帶英貴等紮營三汊河毛三元於萬福橋
六牖仙女廟邵伯等處督練民團設要安置礮
船以顧東路復派鄧鳳林於邵伯趙樹棠於仙

女廟攔截潰兵彈壓土匪又飭詹啟綸駐守西
門外王希堂駐守刁家廟臣安營五臺山成明
隨同駐紮鞠殿華安營北門外其馬隊招集五
百餘名令海全博奇帶赴蔣王廟復飭淮揚道
郭沛霖等督率揚城文武加意扼守另撥勇三
百名協防城內儻得保守揚州則清淮可免竄
擾諸將士養蓄之後必能勉效前驅前據江浦

縣知縣陶金貽稟稱逆衆犯城官軍被圍三日
均由水師渡往南岸茲據馬國陞來見始知兵
雖渡出而散者頗多亦未能爲六合之援臣思
羅玉斌溫紹原因守城內外援不至恐糧藥垂
盡勢弱不保臣擬俟馬隊喘息稍蘇仍令富明
阿等帶從小路救援六合奏入

上命軍機大臣傳諭德興阿曰天長儀徵相繼失陷此

時維持北路大局自以力保揚城爲要現在收集潰散兵勇三千餘名暫令休息俟揚城一帶布置定妥仍當激勵兵勇恢復儀徵等縣爲進取之計不得株守揚州致逆賊知我虛怯更肆鴟張六合孤城被困雖溫紹原素得民心暫堪固守若日久無援亦恐力竭失陷和春調回之周天培援浙一軍有六千餘名之多著卽飛咨和春知照周天培等帶兵各員分半

援六合分半馳赴揚州協同德興阿攻剿兩處兼顧不至疏虞

同日慶端奏言閩省收復浦城圖攻水吉建陽兩處總兵周天受周天培等於七月二十八日派前敵敗賊於迴龍塘旋即進攻水吉嗣因對岸股匪尙多周天培督隊前赴迴龍駐紮挑隊往水吉相度地勢見該逆在老佛菴築有賊卡

二座當派副將郭啟舉等率隊攻擊立斃黃衣
賊目二名而水吉突有三四千賊由營頭地方
分兩路來援我軍亦從捲橋分隊迎擊當將該
逆擊退追至上瑤我軍立將上瑤賊巢數處踏
毀卽督隊追殺至水吉河邊該逆撲河逃竄仍
由水吉退回八月初五日周天培復會合周天
受派到策應之軍分隊一攻老佛菴賊卡一在

沿河布陣攻不踰時而老佛菴賊卡俱破斃賊
極多周天培又督隊涉水渡河進攻南岸其營
頭地方又有賊營抗拒卽派都司榮陞等率隊
由右路攻之副將郭啟舉由青潭小路攻水吉
大巢副將陳開選等由中路直逼水吉該處地
面寬闊爲閩省水陸要衝賊巢堅固拌死抗拒
我軍衝鋒冒石節節進逼營頭賊卡先爲我破

大巢賊衆卽自慌亂郭啟舉等乘勝擒入該逆
棄巢鼠竄我軍兜殺無數餘匪逃奔建陽大路
當將水吉南北兩岸一律肅清陳開選等追殺
二十餘里迴龍水吉一帶鄉民亦藏於僻徑見
賊卽殺更助軍威又據總兵王捷元林向榮會
稟吉陽鄉村被賊攻陷該鎮等拔隊進剿擊斃
賊匪多名水吉餘匪竄併建陽旋分股半由南

路徊窺竄順昌半由西路入邵武初八日經濠
墩等鄉聯勇由東北兩門攻擊斃匪無算該聯
勇首先入城己革知府匡開益帶領楚勇繼進
收復建陽縣城查水吉建陽兩處被匪攻陷之
時林向榮各隊兵勇節節潰退建郡大局幾將
瓦解此次周天受等乘勝進攻水吉聯勇規復
建陽均屬奮勇可嘉惟該逆現由房村竄併邵

武且崇安尙未克復亟應乘勝分投攻勦以期
盡殲醜類現飭饒廷選等速由浦城入閩馳攻
崇安周天培分兵由延平進擊上洋以便上攻
邵武克復郡城一面分飭保泰林向榮等搜捕
建屬餘匪毋任竄越漏網其在事出力文武員
弁兵勇聯丁容臣擇尤保奏仰懇

恩施奏入

上諭內閣曰總兵周天受周天培派令前敵敗賊於迴
龍塘旋即進攻水吉周天培等親督各隊涉河進攻
先破營頭賊卡當將水吉南北兩岸一律肅清餘匪
竄併建陽等處經濠墩等鄉聯勇由建陽東北兩門
攻擊斃匪無數該聯勇首先入城叅革知府匡開益
帶勇繼進當將縣城克復辦理尙屬得手著該署督
卽分飭保泰等搜捕餘匪無任竄越所有在事出力

員弁聯丁准其擇尤保奏

慶端又奏言總兵周天受周天培於七月初十日攻復龍泉後周天培率副將陳開選等爲頭二隊周天受率副將李嘉萬等爲後隊周天培先於龍泉浦城交界之龔村嶺分紮營卡二十日賊來撲營經參將馬承恩等分投迎擊其衝陣悍賊往來驕戰我軍佯退將賊引至近卡卽

放排槍轟斃逆賊無數賊卽奔敗我軍掩殺三十餘里於關莊地方屯紮賊又回撲我軍併力抵禦鏖戰至晚陳開選等各帶隊趕到抄於賊後榮陞等聞後路喊聲大震愈殺愈奮面面環攻斃賊甚多賊乃抵死奪路奔竄入城我軍乘勝儘追時已昏夜於離城十里之松波橋紮隊連夜催集後軍並約會西坑地方統帶福建兵

勇之遊擊戴慶吳等定於二十一日攻城迨至
黎明卽令郭啟舉等分率各軍先攻城外賊營
踏毀七座遂圍攻東北兩門逆匪突啟西關撲
出又被兵勇截殺榮陞等率隊抄過南門截賊
後隊斬擒不少撲河死者無算餘匪奔竄廣豐
崇安兩路我軍追擊二十餘里當將浦城縣克
復所有出力員弁兵勇應查明奏懇

恩施以示鼓勵奏入

上諭內閣曰福建浦城縣城收復先由總兵周天受周天培親率各軍在龔村地方與賊力戰復乘夜由關莊及松波橋進紮攻毀城外賊營會同福建官軍克復縣城並將奔竄廣豐崇安兩路殘匪斬馘千餘名所有周天受等軍出力員弁兵勇著慶端查明保奏

同日曾國藩奏言臣軍改道援閩正在料理成

行疊接探稟邵武光澤之匪分股萬餘人竄出
鐵牛關直犯瀘溪八月十三日竄入安仁縣撫
建饒廣處處戒嚴臣於十四日調道員張運蘭
率老湘營自河口拔營往剿臣亦於十五日移
紮弋陽以便調度張運蘭等行抵貴溪探聞該
逆將趨樂平萬年歸併皖南卽與知府王文瑞
分截樂萬去路賊遂折回安仁踞城抗拒臣於

第十七日加派主簿吳國佐帶勇由弋陽馳往策
應並調平江營戰船及水師濟勝軍扼截安仁
河面使賊不能南渡十九日張運蘭等折赴安
仁行抵青山鋪命老湘營一二旗伏山之右副
湘營吉左營伏山之左自率六旗出中路誘賊
該逆登陴堅守另以悍賊數千埋伏城外見官
軍無多徑犯中路張運蘭鳴鼓爲號伏兵從左

右殺山適王文瑞帶隊分三路馳至我軍力戰
該逆敗退入城張運蘭等跟蹤追勦千總周玉
田等首先入城死之逆黨閉關抗禦各勇遂從
兩旁攀堞而登縱火先燒民房以斷街道水師
戰船自南面轟擊該逆無路可逃城內伏屍山
積約斃四千餘賊遂收復安仁縣城賊黨奪路
狂奔張運蘭等復出東北門分路追奔又斃賊

約二千人溺斃約千餘人水師轟斃數百生擒
七百七十六名奪僞印七十顆羸馬五百餘匹
軍械數千件吳國佐一支因繞道包抄於城破
後數刻始到次日仍分路奮追王文瑞等追二
十餘里殪賊無算吳國佐追至萬年境內尙未
收隊此股賊衆數萬係石逆前隊僞經略楊在
田所帶逃去者不過二三千名惟石逆是否尙

在閩境未得確探如無另股竄出臣擬改道由
瀘溪入雲際關至光澤進剿延邵各屬惟聞景
德鎮尙有大股果否內竄撫建尙未可知臣當
專視悍賊所在以定趨向卽選道張運蘭攻戰
皆合機宜可否

賞加勇號知府王文瑞可否以道員儘先選用水陸各
營出力員弁兵勇可否擇尤保獎出自

天恩陣亡千總周玉田請照守備陣亡例

飭部議卹奏入

上諭內閣曰福建邵武光澤等處賊匪分股萬餘人竄出鐵牛關擾入安仁縣城曾國藩移營弋陽飭令道員張運蘭等軍分路進攻當將安仁縣城克復著曾國藩乘勝督飭諸軍迅將各路竄匪剿除淨盡毋令蔓延卽選道張運蘭帶兵攻剿進止合宜著賞加克

圖爾格依巴圖魯名號候選知府王文瑞著以道員
儘先選用其餘水陸各營出力員弁兵勇著該侍郎
擇尤保奏候朕施恩陣亡千總周玉田著照守備例
議卹

同日翁同書奏言用兵日久西北勁旅皆成疲
頓鮮能得力至募勇則皆市井烏合之徒本無
鬪志臣此次汰除疲兵簡覈虛伍業已不避嫌

怨極力整頓然兵非豫教之兵臨陣交鋒尙未
可信擬請

旨飭下直隸總督挑選正定鎮兵五百名大名鎮兵五
百名配齊槍礮器械派員管帶由清江浦赴臣
定遠軍營聽候調遣如蔣壩緊急即可暫留蔣
壩協勦一俟蔣壩解嚴仍卽來皖臣俟此軍一
到當卽將此間疲兵抽撤以省虛糜奏入

上命軍機大臣傳諭翁同書曰現在皖省南北兩路賊
匪甚熾自應汰除疲兵添益勁旅以資攻勦惟山東
曹單等處土匪蠭起尙煩兵力掃蕩直隸與山東交
界地方亦須防範所有正定大名鎮標各兵斷不能
遠赴皖省轉致北地空虛前據官文奏李續賓等軍
仍由潛山舒桐步步進逼當可與勝保大軍會合又
江西普承堯一軍亦由英霍一帶進援定遠皖省得

此兩路官兵當可分投剿辦

初九日辛巳勝保翁同書奏言八月二十四日突

有大股賊匪闖入天長縣城次日復有馬步大隊由西南而蠶擁而至民團全潰該縣爲皖中東面門戶接壤盱眙又爲我軍一綫僅通之餉道臣勝保派令遊擊保英等帶隊前往會合莫爾賡額馬隊先赴天長迎勦以顧盱眙前路並

由臣翁同書添派兵勇令副將惠成帶赴明光
鎮與該處原駐之軍一同扼紮爲盱眙後路聲
援此皆於無可抽撥之中設法圖維以顧東路
大局德興阿不知現在何處能否一蹶復振力
保六合使不致逆蹤再行北犯刻下北路捻氛
復熾南路粵燄方張東路盱眙天長岌岌不可
終日而臣等兵力祇有此數東徵西調實已應

接不暇祇可先其所急緊扼盱眙前路以通餉道前擬亟攻廬郡此時萬不敢拘泥成說輕率從事若一經移軍專注廬郡誠恐三路逆蹤乘虛侵入定遠池河臣等圍困垓心決無立足之地惟有先圖自固以立於不敗之地然後謀定後動計出萬全惟賊衆兵單憂心棘手所有歷次請調之馬步官兵以及請撥馬匹至今未到

仍懇

聖恩分別飭催趕緊赴皖以資截剿奏入

上命軍機大臣傳諭勝保翁同書曰現在皖省南路逆
燄方張北路捻氛復熾加以東面天長旣失盱眙爲
我軍通餉之路不容再有疏虞此時總宜力護餉道
勿令阻梗勝保等兵力雖難兼顧惟須探明有賊之
區向前迎擊若使逆蹤侵入定遠池河則受困垓心

更難展布諒該大臣等必能妥籌辦理至綏遠城馬
隊三百名屢諭袁甲三撥往並帶所撥馬匹一併催
令迅速遄行該大臣卽可就近咨催以資攻勦

同日官文都興阿李續賓奏言逆匪分股屯聚
潛山縣城及懷甯縣所屬之石牌鎮地方八月
十八日臣李續賓飭副將趙克彰等進駐小池
驛又派總兵李續燾等移紮黃泥港二十一日

趙克彰等進至潛山縣城北門外之彰法山駐營賊出大隊六七千人蠶擁來撲各營趙克彰等突出擊之殪其先鋒悍賊數十人該逆稍卻仍列陣山岡副將何紹彩等由右路抄出保慶等馬隊由山谷繞出賊後四圍掩襲賊大驚潰署潛山縣胡履坦亦率團練相助各營乘勢攻壘把總熊士正等首先登壘各勇奮猛齊撲計

破賊壘七座壘中之賊殲斃無遺隨卽進逼城
根緣登數次均爲礮石所阻該逆於是夜四更
時欲由東門遁去馬步跟蹤追擊三十里約斃
賊四五千名奪獲大礮七十三尊羸馬五十餘
匹刀矛旗幟無算當將潛山縣城克復臣都興
阿派翼長多隆阿進駐蠟樹柯又派副將鮑超
進駐李家店自率各營進駐茶鋪嶺以圖石牌

二十三、四等日我軍營盤未定賊屢次來撲均經擊退二十五日鮑超等進攻下石牌雷公埠等處賊壘多隆阿率隊進攻上石牌西北岸賊壘臣都興阿率親兵馬隊出中路策應該逆見大兵分至力圖抵禦鮑超力攻雷公埠賊壘拔椿越濠拋擲火罐壘中火起各勇奮躍入圍壘賊盡斃時多隆阿攻破上石牌西北賊壘亦殲

賊殆盡餘壘之賊皆驚竄覓渡各勇分途截殺並梟水奪獲礮船截斷浮橋賊溺斃者不少其鎮中屋內之賊先逃過東岸者又經馬隊繞渡抄擊步隊各營遂乘勢過河分攻東岸各壘賊紛紛奔竄馬隊追殺四十餘里屍骸徧地計平毀賊壘十六座殺溺之賊約六千餘名所殺騎馬賊目甚多生擒四百餘名奪獲大礮六十餘

尊羸馬七十餘匹石牌上下兩鎮賊壘一律踏
平所有陣亡外委周興文等擬請照把總例議
卹把總熊士正擬請照千總例議卹臣等查潛
山東至安慶一百里東北至桐城一百二十里
皖北之賊頻年四處分竄皆以安慶爲老巢而
恃桐城爲犄角二處各屯逆衆數萬幾成不拔
之禍基而桐城毗連舒城尤楚軍北行必由之

路臣等擬以一軍聯絡水師進攻安慶以一軍力擣桐城俟安慶桐城克復後卽督師北上相機堵剿奏入

上諭內閣曰逆匪屯聚潛山縣城及懷甯縣屬之石牌鎮地方都興阿李續賓分路進剿克復縣城並將石牌上下賊壘全行踏平著都興阿等卽聯絡水師進攻安慶並力擣桐城迅殄賊氛所有出力文武員弁

著官文等覈實保奏陣亡外委周興文張得金劉寶
賢均著從優照把總例議卹把總熊士正著從優照
千總例議卹

初十日 壬午 德興阿奏言皖逆攻徧六合尙未解

圍又突有天長之賊直奔揚州本月初二日賊
大股萬餘由司徒廟徑撲揚州西門鞠殿華從
北門迎擊富明阿海全等帶馬隊分路包抄詹

啟給帶勇斜擊奮力合勦淮揚道郭沛霖督團
勇周巡各門張得龍扼守西門見賊攻城連開
大礮擊倒黃衣賊目三名該逆未敢遽進我軍
正欲鼓銳冀圖壓退不料賊愈來愈衆官軍爲
數甚少抵敵不住初三日攻破南門遂致失陷
臣思萬福橋爲裏下河要隘又屬通泰門戶諄
囑鞠殿華帶兵駐守派令富明阿等併力合堵

復派成明於二道橋攔截潰兵又添王希堂帶
勇駐守霍家橋至邵伯爲揚州北路第一要區
高寶清淮實資關鍵臣親自紮營邵伯派安勇
等駐守六牖並派毛三元擇要安設礮船又派
海全等各帶馬步兵分段嚴扼總以力顧邵伯
嚴防北竄爲要刻下兵勇總計不足四千名經
臣招集來者漸多惟臣孱病之軀一誤再誤應

請

旨治臣重罪六合一城羅玉斌溫紹原因守十有餘日
偵探和春調回赴浙之兵六千名日內可以渡
江富明阿屢思帶隊從小路馳救因儀徵天長
俱陷徧地賊蹤敢請

飭下勝保派兵赴援得此兩軍圍或可解並請

飭令派兵迅克天長俾免渡湖直達高寶抄過邵伯致

清淮更形喫緊昨據郭沛霖稟稱揚城府縣均
隨同出城擊賊其文武未有下落者及傷亡官
弁兵勇容臣一併查明再奏

德興阿又奏言高郵州湖西一帶與安徽天長
縣連界天長業已失守本月初一日該州迤西
之菱塘橋宋家橋等處火光突起俄有馬步賊
匪蠡擁而至查天長逆匪旣陷揚州另股又撲

向高郵儻該州有失則臣現駐之邵伯前後皆賊賊可直竄淮安清江浦闖入東省尤於北路大有關繫已飛咨漕臣邵燦河臣庚長派兵防堵刻下邵伯以西之陳家溝陳擺渡地方復有火光臣已添派偵探並飭安勇海全等整隊嚴防遇賊痛加勦截不使越竄

同日楊能格奏言本月初二日有賊七八十人

行至方家巷地方縱火意圖焚掠司徒廟五臺山等處營盤一見西北火起立即望風而潰萬福橋雖有一軍亦不足恃江北大局情形益加危急不獨揚州邵伯爲可慮也臣護臺之勇所存僅一百數十名糧餉軍火已分移裏下河一帶仍當相機妥爲守護

楊能格又奏言頃接揚州探報知初二日方家

卷之四
三三
巷縱火之賊爲數不多至夜間逆匪大股麕至
直撲揚城併力圍攻至初三日早間攻破南門
官兵力難堵禦城池當卽失陷現在德興阿移
營萬福橋以遏賊竄裏下河之路均奏入

上命軍機大臣傳諭德興阿鞠殿華毛三元楊能格曰
賊陷揚州德興阿退扼萬福橋覽奏實堪憤懣該大
臣收集潰兵移紮五臺山方冀其重振軍威力圖儀

徵等處爲進取之計乃天長之賊直奔揚州攻破郡城各路兵勇望風潰散德興阿自浦營失陷後已不能成軍現在退守邵伯揚州南路已屬空虛而高郵又有賊蹤設再有疏虞北路亦不堪設想德興阿現尙患病翰殿華受傷未愈本日已降旨令總兵毛三元幫辦軍務該總兵卽協同德興阿加意整頓申明軍律扼要設防以遏賊匪北竄現諭勝保撥兵徑赴

揚州以助德興阿等兵力復命和春帶兵駐紮鎮江
派兵北渡爲攻取揚州地步所有調回援浙之周天
培所帶官兵仍諭和春分半救援六合分半攻取揚
州俟該官兵到後卽由和春調度或親自督帶過江
攻勦揚州屆時德興阿等務當會合夾攻以圖恢復
楊能格現在裏下河所有該處糧臺著妥爲保護勿
許疏失

上又命軍機大臣傳諭邵燦庚長崇恩曰揚州府城已陷另股又撲向高郵儻該州有失則邵伯前後皆賊清淮道路隔斷賊可直竄清淮關入東省現在德興阿駐紮邵伯收集潰兵節節退避邵伯以西之陳家溝等處地方亦有賊蹤清江相距不遠情形愈增喫緊必須重兵堵剿以杜北竄所有山東派赴清江之兵如尙未起程著崇恩迅派得力將弁管帶飛速前

往以便邵燦等趕緊布置援應高郵一帶如兵力尙屬不敷卽著邵燦庚長與袁甲三伊興額等函商如徐州兵可以分撥卽當先其所急派赴清江協同防剿儻徐州亦形喫緊自可毋庸勉強邵燦等惟當撥兵擇要設法爲高郵邵伯後路策應並嚴扼清淮以固北路藩籬

上又命軍機大臣傳諭勝保翁同書曰揚州失守德興

阿退紮邵伯而高郵迤西及邵伯之陳家溝等處均有賊蹤北路情形更形喫緊該處收集潰兵斷不足恃著勝保等卽飭前派各兵繞至揚州萬福橋一帶以助德興阿兵力現在勝保等旣無暇攻勦廬州惟有酌分兵力以助揚州亦於大局有益至六合孤城存亡未卜仍著德安馳往救援和春所撥兵勇到後並著勝保就近調度

上又命軍機大臣傳諭和春張國樑何桂清曰揚州失陷賊燄愈張德興阿等退守邵伯已在揚州上路而南路無兵扼守恐該逆復擾瓜州卽鎮江亦屬可危金山峙立江心尤爲扼要之地雖有副將鞠耀乾督帶師船駐守並有黃彬師船駐泊鎮江恐尙不足以資遏截萬一瓜鎮有失則前功盡棄實屬不堪設想著和春暫將金陵攻勦事宜交張國樑妥爲調度該

大臣卽酌帶官兵前赴鎮江駐紮就近調遣水營戰
艦嚴扼金山並另派勁兵渡江駐紮瓜州勿令揚城
逆賊南竄俟調回之周天培各軍到後卽照前諭分
撥一半救援六合其餘一半和春卽可督帶渡江攻
復揚州另諭勝保撥兵赴揚以助德興阿等保守北
路屆時卽可爲南北合攻之計何桂清著折回常州
藉資彈壓俟和春渡江卽移紮鎮江以資控馭至揚

雙喜真圖之四卷二百四
三六
州失陷在城文武如何下落並著查明具奏

上諭內閣曰江北逆匪攻撲浦營疊陷江浦天長儀徵
並攻偏六合縣城尙未解圍賊復由天長直奔揚州
德興阿派安勇過河堵禦鞠殿華等分路合剿官軍
衆寡不敵被賊由南門攻破入城此次逆賊攻陷浦
營德興阿等節節退守尙冀其收合兵勇力圖補救
乃至揚城失守重被賊陷實屬調度乖方德興阿著

革去騎都尉世職翰殿華著拔去花翎仍責令嚴守
邵伯萬福橋等處要隘以遏紛竄並卽重整軍律催
集各路援兵督率將士迅圖克復城池稍贖前愆

上又諭內閣曰直隸大名鎮總兵毛三元著幫辦德興

阿軍務

十一日 癸未 趙德轍奏言天長儀徵相繼失守六

合被圍甚密匪衆數萬由滁徑撲揚州和春先

後調兵七千一戰而潰擬收集潰兵在揚州之
蔣王廟等處紮營爲保守裏下河之計現在揚
州存城兵勇僅三四百名向未見仗自六合至
揚州百數十里之內亦無一兵一卒北竄甚爲
可虞前次援浙兵勇遠赴閩疆緩不濟急江南
大營勢難再行分撥可否仰懇

聖恩簡派謀勇素著之提鎮大員酌調精兵數千名統

帶馳赴淮揚一路會同堵剿以冀補救東南幸
甚奏入

上命軍機大臣傳諭邵燦庚長袁甲三曰清淮一帶實
屬空虛各路帶兵大員均有鞭長莫及之勢清江淮
安北路要衝卽該漕督等之責所有漕河兩標官兵
及清江所募練勇急應挑選精銳擇要布置近防不
如遠剿總期力扼高郵邵伯庶清淮可保無虞至揚

州兵力尙單著袁甲三傳諭傅振邦卽行選帶精兵
馳往邵伯一帶力扼要衝與鞠殿華毛三元等協力
進攻迅圖規復前調山東兵一二千名已諭崇恩迅
速派往卽歸傅振邦統帶至徐州勦匪應須武職大
員卽著袁甲三於得力將領中酌派一員督率進剿
毋任遲延

上又命軍機大臣傳諭崇恩曰昨諭崇恩將前調之精

兵一二千名迅速派員管帶前赴清淮交邵燦等擇
要布置著崇恩仍遵前旨迅派得力將弁管帶飛速
起程前往卽交傅振邦統帶截剿竄賊助攻揚城以
壯北路聲勢毋稍遲延至諭調精兵一二千總須多
多益善不可再行酌減致令兵力不厚難於得手

同日

上命軍機大臣傳諭慶祺曰此時皖北賊氛延蔓儀徵

天長揚州各郡縣相繼失守高寶均已震動北路籌防極關緊要惟有聯絡民心使之固結不解則內匪無由竊發卽外匪無可窺伺直隸省南路各處與山東河南兩省在在毗連尤應未雨綢繆以期有備無患著慶祺督飭所屬文武商同各該地方公正紳士將應行團練各事宜實力籌辦毋得有名無實儻地方官有陽奉陰違不肯認真勸辦或藉端騷擾以致

民心解體者卽著從嚴叅奏其能盡心勸諭及紳民人等實能捐資出力者准其隨時保奏並著妥速舉行不得稍涉延緩

十三日 乙酉 崇恩奏言前袁甲三奏兗曹官兵悉

聽調遣奉

旨 諄飭何敢冒陳惟念山東地廣兵單勢分力弱先期徵調則經費不貲聞警呼援則遠難濟急臨時

失策其勢實有無可如何者若於此時再將東省官兵聽袁甲三隨時調遣是事權不一腹地更虛本省防勦以後愈難措手從前賊在徐州以南猶可設法固我藩籬今皖南徐北大營環寇之師兵力不爲不厚而賊蹤仍不免於北擾卽或添此一旅之衆亦未必克奏膚公而山東則捉襟見肘立形掣動實係全局攸關所有竟

曹二鎮之兵實有萬難聽調之勢應請免其調撥至連界處所苟有緩急臣亦斷不敢略分畛域致誤機宜奏入

上命軍機大臣傳諭崇恩曰山東兵力本單設再聽袁甲三調遣則事權不一本省防勦愈難措手所有袁曹二鎮官兵設遇有袁甲三咨調之處仍著崇恩斟酌辦理不得遽行出境轉致該省腹地空虛至前諭

三十一
派赴清淮精兵一二千名則因揚城失陷急須重兵
堵賊北竄事機至緊不得以無兵可撥稍涉推諉並
著崇恩將挑出精兵迅派得力將弁統帶剋日起程
交傅振邦調遣毋稍遲誤

崇恩又奏言臣前請將徐州調去官兵撤回備
用原因北路匪燄日張出於萬不容已今則餘
逆南竄土匪被勦星散目下情形較前實爲鬆

緩所有前項官兵自可暫留徐州以擣巢穴至
奉調之郝上庠現署沂州協副將經 臣隨帶軍
營一時接替乏人應俟曹屬善後事宜辦理清
楚再行飭令交卸赴徐聽袁甲三調遣至曹屬
情形目下雖已鬆緩而盜源未絕恐後患復生
臣惟有乘此聲威將本地匪類實力撲除務使
腹地一律肅清一面相度邊界形勢分別籌防

聞

以消內患奏入報

十四日丙戌和春奏言六合被圍甚急雖溫紹原

忠勇素著嬰城固守先後擊斃逆匪數次然日
久無援萬難爲繼天長儀徵失陷賊氛直趨揚
州大局潰決因與張國樑等籌商於各營挑選
精銳六千六百人由張國樑親自統帶督同總

兵李若珠拔隊啟行由鎮江渡至瓜州步步爲
營先克維揚次復儀徵迅速西趨以解六合之
圍則辦理方有把握至南岸防勦事宜臣等先
聞儀徵被擾鎮江一水可通當派得力師船分
泊京口高資江面以備水路又飭總兵張玉良
管帶兵勇三千馳赴鎮城高資以備陸路現在
大兵由鎮江北渡南岸暫可無虞已飭張玉良

仍帶所部馳回金陵防守又督飭將弁於西路
石子岡以至小行一帶添築長牆嚴防外援臣
與許乃釗隨時查察督率並新募壯勇二千分
別填紮惟金陵地廣營多從前賊勢已衰是以
尙可分援他處今則逆燄復張甯國外援又復
麕集兵力已不能支此次大隊渡江係於各營
抽撥不敢全調一軍致露空虛之跡祇以六合

儀揚事關大局不能不作此舉一俟六合解圍
江北軍務稍有就緒張國樑仍率所部折回南
營蓋金陵爲逆首老巢各路悍賊又已畢聚知
我分兵四出必以大股乘虛張國樑總統諸軍
全局在胸常鎮蘇浙士庶莫不倚若長城尤未
便久離南岸也至高淳東壩一帶係江浙兩省
藩籬又屬大營後路壘據探報花津博望護駕

墩之賊蟻聚蠡屯旦夕分途內竄已飭總兵魯
占鼇虎嵩林等嚴行堵截萬一有警仍須設法
兼顧其鄭魁士一軍現在灣沚督防前據胡興
仁咨因周天培遠在建陽請先由該鎮募勇二
千赴援六合臣查奎潭石碓等處逆勢蔓延灣
防正當喫緊督率需人未便臨敵易將因咨令
該鎮仍駐皖南毋庸帶勇北援儻東壩高瀆有

警尙可彼此互相策應 臣等當通籌緩急竭力
防維以冀勉支全局奏入

上命軍機大臣傳諭和春張國樑許乃釗曰據奏續派
重兵赴援江北深合機宜現在揚州已失德興阿退
駐邵伯收集潰兵不足四千勢難復振得張國樑親
督重兵前往援剿揚州可望克復此時張國樑進兵
由江南北渡該逆自不能徑撲南岸而浦口儀徵通

江之路正復不少總以金山爲扼要該大臣前調黃
彬李新明師船分泊鎮江及石埠橋其金山要隘尤
須有水師扼守以爲大江鎖鑰南岸鎮江亦宜妥爲
布置至六合被圍已久若待張國樑克復揚州儀徵
再往援救恐其力已不支浙江調回之兵又緩不濟
急鄭魁士旣不能遽離灣沚其所募之勇或另派得
力將領統帶援救六合亦可稍資策應前命勝保派

德安帶兵救援六合但恐安徽所撥兵力較單此時
江南大營屢次分兵賊勢方張該大臣等務當通籌
兼顧毋稍疏虞

同日勝保翁同書奏言 臣前派營總莫爾賡額
馳赴東路卽於天長盱眙交界適中之地擇要
安營一面密派差弁分向東南二路確探賊情
以便迎擊本月初一日探知南路賊隊數千名

奔撲距盱眙正南之汭澗集地方尙未進至街
口卽經該營總兵擊該逆很命抵禦我軍奮前
趕殺適東路來匪衆數千名直撲汭澗街該營
總商令吉隆額迎攻中路烏爾滾布穆克登額
分攻左右兩路逆勢不支該營總兵將南路一
股奮力擊退追殺二十餘里沿途斃賊不少飛
卽回兵與吉隆額等併力合擊東路一股見南

路之賊已敗亦遂舍命狂奔向東南一帶敗竄
我軍又乘勢追殺十餘里共斃匪二百餘名此
次派兵分路截勦以少勝多殊爲幸事但皖中
四面皆賊無處非危地危機而以兵力通盤籌
計本非有餘臣等一繫池河以扼東面狂氛一
紮定遠以顧廬州後路均屬萬難輕動他如撥
赴張家橋蔣家巷各軍係嚴截梁園店埠要道

駐守清流關一軍乃專拒和巢無爲逆蹤此外
分布各軍均難抽撤遇有緩急僅能於隨營中
派出二三千名策應當數百里猖狂賊勢祇仗
此孤軍支持雖此次東西兩路之捷稍振軍威
究竟賊衆兵單情形仍然危急非得請調新兵
及早到營難望補救奏入

上命軍機大臣傳諭勝保翁同書袁甲三曰天長逆匪

直撲盱眙經營總莫爾賡額等截擊敗回設盱眙再
有疏失則清淮亦屬可虞該大臣派莫爾賡額駐紮
天長盱眙之間卽飭該營總乘此賊勢挫敗速行進
剿籌復天長前調湖南四川官兵據王慶雲奏已遵
撥一千名於九月初二日起程湖南省尙未奏至六
合孤城被圍日久浙中調回周天培等所帶兵勇深
恐緩不濟急前諭勝保等派兵交德安往援卽著飭

令迅速前進實力援應不得稍涉遲誤傅振邦前諭
飭赴清淮並令崇恩撥兵一二千名交該總兵統帶
助剿此時天長賊匪圖撲寶應是邵伯後路已不免
有賊蹤清淮萬分危急著袁甲三卽飭傅振邦迅速
前進迎頭截擊勿使賊氛蔓延所撥山東官兵並著
飛催應調

同日邵燦庚長奏言揚州前兩次被陷其西面

六合天長皆屬完善祇有運河一路可以北上
且三年有大兵躡其後六年有壯勇扼守東路
故未敢長驅北犯現在揚州西路天長來安等
縣賊蹤徧野江南大營遠隔一江東路又極空
虛淮安池下戴家灣地方已於四月初撤防今
自揚州以至清淮並無重兵抵禦設被衝突則
北路震動臣邵燦在淮安存營兵丁內挑選八

百名以四百名留守郡城其餘四百名飭令馳
赴下游二堡一帶擇要紮營相機防勦並飛札
海州鹽城東海各營一體撥兵來淮並飭縣丞
曹文煥添雇壯勇四五百名以資策應查清淮
之南以高郵爲第一重門戶寶應爲第二重門
戶各處團練雖屬整齊然無官兵爲前敵究恐
臨時膽怯適有西安馬隊三百餘名將抵清江

探聞係浙省所撤現卽遴委知府劉咸馳往迎
截並派都司秦懷揚等帶領兵勇二千名在揚
河大隄並高寶湖隄分段駐紮與二堡之防聲
勢聯絡較爲得力復飭河標副將聯昌統帶兵
勇在山陽紮營查拏奸細土匪以爲後路聲援
又查浮山一軍隔湖出省本屬鞭長莫及茲不
能不先其所急暫行調回分撥蔣壩清江自顧

藩籬力遏北竄至前請調東省勁旅現飛咨崇
恩速飭駐紮沂州之帶兵官兼程南來力保危
疆奏八

上命軍機大臣傳諭邵燦庚長曰據奏分派兵勇駐紮
各處布置均尙周妥惟清淮究無勁兵前調之山東
官兵屢論崇恩催調諒必能如數赴援傳振邦如已
到淮此項官兵卽可令其統帶擇要扼紮以勦爲防

本日又據和春奏張國樑已帶兵六千六百名渡江
馳援揚州聲威較盛而清淮高寶空虛恐揚州攻勦
得手賊必乘虛北竄邵燦庚長惟當就現有兵勇妥
爲督率加意設防賊至則分投截擊不可稍有疏虞
致令揚州以北復遭蹂躪

同日胡興仁奏言臣連日接和春何桂清咨稱
六合危急揚鎮震驚自應先其所急臣卽咨商

鄭魁士趕募得力勇二千名選派將官帶往六合援勦查周天培統帶金陵援浙之師俱遠在福建建陽水吉等處緩不濟急李定太統帶金陵援浙兵勇三千餘名內副將朱承先等所部湖南等營兵勇二千餘名現在婺源參將和順所帶水勇三百名現在徽州副將李嘉萬所帶固原河州兵七百餘名現紮江山移緩就急自

聞

應令徽甯江山兵勇先期迅赴六合援剿本日
又據和春派弁前來催提臣卽調周天培趕緊
回援六合毋得片刻遲延其浙江邊防容臣另
行布置奏入報

十五日丁亥德興阿奏言萬福橋爲裏下河要隘
邵伯爲高寶門戶皆該逆所必窺因將上年所

製水礮臺二座一安設萬福橋口一安設六幡
本月初四日賊匪數千直奔萬福橋河西離河
五六里列陣另股千餘名由灣頭用小船過河
到瓦窰鋪搭造浮橋欲撲我營後路富明阿飭
令詹啟綸帶領水勇數百名乘快划繞至瓦窰
鋪該逆正在紮筏詹啟綸率勇登岸衝擊賊匪
紛紛敗竄奪船過河被我小划船駛至轟沈賊

划三隻斃賊三百餘名落水淹斃者不計其數
生擒十二名初五日逆賊數千至萬福橋河邊
列陣騎馬賊數百名南北馳驟河道窄處賊復
運木紮筏意欲過河又有賊船十餘隻由灣頭
奔萬福橋臣鞠殿華親率富明阿等帶馬步列
隊河東槍礮齊施約斃賊數百名詹啟綸復率
水勇乘划船三十餘隻飛奔賊船擊沈賊划五

集賢堂臣田名三十四
三
隻約斃賊四五百名奪獲賊划四隻旗幟刀矛
百餘件是日揚城之賊分股數千駕筏由邵伯
西南之陳家溝入河意圖攻撲臣卽派令魁霖
等各帶兵勇接應密飭安勇毛三元等分兵壘
伏六牖東岸待賊半渡槍礮環開該逆被擊落
水死者甚衆餘賊不敗再渡直奔葛家大莊守
備譚興魁等連開大礮擊斃騎馬賊百餘步賊

二三百名餘悉敗遁初六日賊由南門徑撲霍家橋意在直兜萬福橋經王希堂帶勇截勦斃賊多名又有賊船乘風下駛我軍施放火箭全行焚燒是日又有賊數百名在灣頭搭造浮橋詹啟綸復帶勇乘船攔截用礮轟斃數十名餘皆逃竄當將浮橋拆毀該逆本欲圖犯裏下河又欲直窺高寶因邵伯萬福橋兩軍堵扼甚嚴

集賢堂 卷之三十四 四
不能飛越 臣駐守邵伯傳諭各鄉齊心團練並
委員彈壓土匪安輯居民總期兵民相顧協力
同仇以防賊匪竄逸江浦救出之兵現甫招齊
因揚州失陷不能不留扼萬福橋等處前奉

諭旨飭 臣等在本營鎮將申擇其謀勇兼長堪勝幫辦
者奏保一員等因 臣等公商總兵成明有勇有謀能
得兵心堪勝幫辦之任相應請

旨遵行奏入

上諭內閣曰提督銜甘肅西甯鎮總兵成明著幫辦德

興阿軍務

欽定勦平粵匪方略卷二百五 戊午年

九月十六日 戊子 王懿德奏言 臣前因患病蒙

恩賞假調理現精力稍可支持曷敢藉病偷安署督 臣

慶端自克復松溪等縣復聞收復崇安城池邵
武郡城尙未收復現經 臣飭令副將繼興管帶
省標兵丁三百名另雇壯勇三百名合成兵勇
六百名配足軍火器械定於八月二十日 臣親

續赴延接辦軍務總期激勵士卒迅掃欃槍奏

八

上命軍機大臣傳諭王懿德慶端曰前因王懿德患病給假調理茲以病體稍痊卽起程赴延平督辦軍務具見急公惓忱覽奏欣慰崇安克復以後邵武賊勢窮蹙卽著該督激勵弁兵速籌攻克至省城亦關緊要王懿德行抵延平接印後慶端著卽回省周天培

一軍因江北儀揚失陷六合被圍屢經和春等奏請
調回援應業經諭令速行調往並著王懿德飭令該
總兵統率所部迅速起程馳往江蘇聽候和春張國
樑調撥

同日慶端奏言逆匪竄陷崇安縣城負固不退
適有延建邵道趙印川委員新募河南光州勇
五百名已至河口取道由桐木關進紮轉至大

安值星村縣丞錢燕昌招集聯丁六百餘名在分水關駐紮千總許得捷帶坑口聯丁數百名將近大安適典史胡瑩等各帶聯丁先後齊到於七月二十九日行至四渡橋地方該逆約二百餘名在彼擄搶遊擊王興棠帶領聯丁四面圍擊殲除無遺隨令各軍乘勝趕追擁至城下我軍隨帶木梯登城各軍奮勇喊進該逆卽紛

紛逃竄我軍斬馘甚多餘黨盡逃當將城池收
復計福建全省現僅邵武府城尙爲賊踞該逆
勢已窮蹙亟應乘勝進兵 臣飭周天受統師疾
趨建陽會同已革知府匡開益等由莒口麻沙
一路進兵周天培等由延平上勦洋口敗匪卽
由順昌大幹一路進兵分攻邵武務會迅復郡
城以靖全省奏入報

十七日己丑德興阿奏言吉林甯古塔副都統富

春近探知其養傷在邵臣駐邵後該副都統來
見察看所受之傷亦不甚重富春以帶隊大員
徑自離營久稽時日理合從嚴懲辦惟念該員
因受傷遠適且年已衰邁可否籲懇

天恩將副都統富春以原品休致回旗其所帶馬隊卽

交富明阿管帶奏入

上諭內閣曰吉林甯古塔副都統富春當浦口失守時受傷並不甚重輒自離營赴邵伯養傷實屬懦弱無能僅予休致不足蔽辜姑念該員前在軍營尙有勞績現在年已衰邁著卽革職從寬免其治罪

德興阿又奏言本月初九日張國樑行抵萬福橋各兵陸續過江臣當派成明與富明阿會商

分帶各營馬步兵勇隨同進剿並於萬福橋搭
造浮橋便於進隊揚州之賊屢由西北角竄擾
晝則旗幟絡繹夜則燈火往來自六牐灣頭萬
福橋霍家橋等處屢次獲勝該逆漸消窺伺之
念俟南軍部署稍定會合攻剿揚城當易得手
臣派留安勇等扼守邵伯毛三元等扼守六牐
其餘步隊悉令成明管帶至各起馬隊暨吉林

聞

新來馬隊詹啟綸所帶之勇並飭富明阿管帶
合勦時由富明阿調度前進鞠殿華創痕未愈
仍在萬福橋霍家橋兩處堵扼使賊知我有備
不敢四犯而裏下河旣可力保高寶清淮亦可
無虞防勦兩端均有裨益奏入報

十八日

庚寅

勝保翁同書奏言德興阿自浦口失

事後竊冀其趕緊設法收集潰軍尙可力圖補救不期一敗塗地至於此極始則臥居礮船繼而退住泗溝舟次置陸路於不顧潰敗兵勇因軍無統率或奔天長或趨六合茫茫無所復之不數日而大股賊衆果由儀徵一路跟蹤而至揚州嗣又聞其移紮東岸之萬福橋查揚城尙在西岸中隔大河一道該處距賊巢甚遠不知

如何堵截攻勦昨接其告急文移又稱自邵伯
大營發遞種種俱堪詫異頃於盱眙接見地方
官員又知邵伯鎮被匪焚燒該大臣退守高郵
似此節節退避愈離愈遠勢不至引賊北驅不
止漕河兩 臣設防兵勇爲數想亦無多是否足
資堵遏殊無把握應如何

嚴飭德興阿實力前進以免再有疏虞抑或另行

簡派重臣以扼北犯之處伏候

聖裁奏入

上命軍機大臣傳諭勝保翁同書曰此次德興阿堵剿不力以致兵勇潰散儀揚等處相繼失守一敗塗地實所不料因念德興阿患病鞠殿華受傷故僅予薄懲責令其收集潰兵迅圖克復復派總兵毛三元成明幫辦軍務張國樑親督重兵渡江赴援已抵萬福

橋勝保因儀揚失守馳抵盱眙力籌扼剿實屬不分
畛域此時東路有張國樑等剿辦一經得手該逆勢
必回竄自應扼要堵剿未便深入致西北空虛盱眙
密邇天長該大臣業經派兵攻擊若能迅拔天長則
亦可孤六合儀揚之賊勢惟鳳臨捻匪尙未剿除廬
州亦未收復賊蹤紛竄在在堪虞如翁同書一軍堪
資禦侮則勝保自應仍駐盱眙以壯聲威而籌攻剿

設或定遠等處情形緊急該大臣仍當折回策應未
可偏重東路致有疏虞

勝保翁同書又奏言粵匪竄陷天長雖經官軍
擊敗而猖獗殊甚後路五河縣城復被捻逆繞
越撲擾旋即退竄回臨是盱眙兩面受敵東路
情形萬緊又據報稱天長匪衆竄至縣北五十
里之同城鎮該鎮緊接盱境且西北即係蔣壩

要地距清江祇百二十里上犯之路最捷 臣等
先其所急力扼同鎮以顧北竄當卽抽調副將
張得勝暫駐池河 臣翁同書仍紮定遠策應各
路並於殷家澗明光一帶添兵堵剿 臣勝保赴
定營會商一切布置後卽將池河隨營各隊調
令由明光澗溪一路親督東行連接各路探報
知六合尙在危急揚州儀徵相繼復失又接據

河臣庚長來咨清淮俱已震動該處原設防軍甚單不得已將前此派防洪湖要隘之浮山口兵勇全行撤調回浦堵禦北路門戶囑由臣等另行撥兵防守浮山查浮山係由皖至淮入湖隘口關繫亦重現派守備許保清星馳前往隨同候補道張清元所帶礮船水勇實力防堵接奉

諭旨以六合被圍令臣等轉飭提督德安由皖馳往救
援該提督前由江南赴皖時本未帶有官軍臣
等一面遵

旨飛飭赴援並由臣翁同書就皖軍內酌撥令其帶同
前往祇恐爲數無多難稱得力且該提督必須
由定遠繞道清江東岸方能與德興阿會合深
恐緩不濟急天長與揚城犄角今該逆又分踞

同鎮情殊詭譎若復長驅而北直達清江一無
險隘可扼是此時北竄情形萬分緊急臣勝保
倍道疾馳行抵盱眙惟當審度賊情或先規同
鎮或徑擣天長總以力扼北犯爲主至池河與
定遠輔車相依臣若久離池營則臣翁同書一
軍遇有緩急勢成孤立擬察度東路攻勦事機
儻能得手可以扼住北竄兇鋒臣勝保仍回池

聞

河居中調度以顧全局奏入報

同日

上命軍機大臣傳諭德興阿鞠殿華成明毛三元曰現在張國樑已統帶重兵渡江援勦該大臣等務當嚴飭將弁會合南軍圖復揚州以贖前愆前派總兵毛三元成明幫辦軍務該總兵等卽與鞠殿華幫同德

興阿申明紀律重整軍威以遏賊匪北竄

二十日壬辰協辦大學士湖廣總督官文江甯將

軍都興阿浙江布政使李續賓奏言桐城城高而堅係皖省東北路之樞最爲要害自咸豐三年十月間該逆盤踞城中淪陷至今其城之北門跨山該逆於山上修大甄壘二座東北一帶修大甄壘三座小壘四座又於西南一帶修壘

四座恃爲負嵎久計臣李績賓派副將趙克彰等拔營先進親率副將何紹彩等繼之趙克彰等至城外五里墩地方正在紮營該逆分五路來撲趙克彰等列陣於中路山上以當其衝黃勝日等排列於右丁銳義等隱伏於左該逆逼近趙克彰等齊出橫衝刺斃悍賊多名賊皆狂奔保慶等各率馬步急追遂乘勢攻破西南四

壘計斃賊一千六七百名次日賊復由西門出
撲趙克彰等整隊鏖戰其東北面城中壘中之
賊潛出大股自山後繞抄我營後路適 臣李續
賓率後隊各營甫至突前迎擊出賊不意各營
奮力前衝賊滿山奔竄殺斃約二千餘名其前
面撲營之賊亦驚潰繞奔東北門入城固守 臣
李續賓卽率營追至近城當飭各營偏城之西

南北三面駐營連日加修營壘派副將何紹彩等攻西南城門親率李續燾等馬步由西門繞南門而東先攻東面兩大壘各營一鼓猛撲銳氣百倍越濠緣登其賊壘祇有一門及各勇攻入無路奔竄圍而殲之遂分攻四小壘羣賊見兩壘悍賊盡被屠戮蒼黃驚亂棄壘而逃趙克彰等各率勇攔截殺之其第三大壘切近城垣

各營分兵近逼城門賊不敢出各弁勇奮力撲壘破其壘門盡殺壘中之賊轉攻北門山上大壘仰攻逾時火彈拋入二壘相繼火發羣賊被焚被殺無得脫者自卯至申共破賊壘九座殺賊約六七千名諸壘旣破乘夜飭趙克彰等伏東門外之高更樓木魚山一帶朱希廣等攻北門李續燾等攻南門周寬世等攻西門列炬環

城火光如晝三更時各勇乘隙緣登賊拌命開
東作向陽二門分路衝出趙克彰等伏兵齊起
前後夾擊追殺四五十里屍積道旁奪獲羸馬
五百餘匹大礮百餘尊旗幟軍械火藥鉛彈五
千餘件臣李續賓進城招集士民桐城縣城業
經克復所有在事最爲出力之副將趙克彰等
謹先行開列懇請分別獎敘其餘出力文武員

集賢堂 卷之三十三
一三
弁可否由 臣等覈實奏獎出自

天恩至陣亡之把總賀宏勝擬請從優照守備例議卹
外委彭福清夏鵬程擬請從優照把總例議卹
奏八

上諭內閣曰李續賓督軍進攻桐城派令副將趙克彰
等各營先後繼進攻破城外賊壘乘夜進攻各門各
勇攀登前後夾擊縣城收復安徽桐城縣地方險要

被賊盤踞數年此次進攻克復迅速著官文飭令李
續賓等督率各軍以次進克舒城等處掃蕩逆氛所
有最爲出力之副將趙克彰著免補副將交軍機處
記名遇有總兵缺出請旨簡放副將楊得武著賞加
總兵銜朱希廣著賞給勁勇巴圖魯名號都司饒萬
福著免補都司以遊擊儘先補用並賞換花翎參將
劉神山著免補參將以副將儘先補用其餘出力文

武員弁著官文等查明保奏陣亡把總賀宏勝著從
優照守備例外委彭福清夏鵬程著從優照把總例
議卹

二十一日 癸巳 胡興仁奏言探聞閩境已無大股

粵賊惟九龍山土匪時出滋擾皖南一帶惟東
流建德爲賊蹤出沒之所饒州若有重兵彈壓
則皖南可資策應現在江西全境肅清應請

飭下撫臣耆齡選派得力將弁統帶重兵駐紮饒郡於

三省邊防均有裨益奏入

上命軍機大臣傳諭耆齡曰饒州爲皖南浙江福建等
省邊防重地若以重兵扼紮饒州則皖南可資策應
而於三省邊防均有裨益現在江西全境均已肅清
惟景德鎮尙有賊蹤正宜移撥官兵擇要扼紮杜三
省之竄越卽以固江西之藩籬耆齡酌量選派得

力將弁統帶重兵前赴饒州駐紮以資防守

胡興仁又奏言臣接准張芾咨稱總兵周天受

統帶兵勇二千八百人於八月二十八日由壽

昌起程九月初二日馳至徽郡與張芾函商卽

派都司陳大富等率勇馳赴太平以助江長貴

防勦都司周光順等率勇赴濠亭以助余永椿

防黟祁一帶遊擊熊廷芳等率勇赴清華街助

攻婺源周天受率親軍及參將李春寅等由上
溪司口前進督攻婺源迅圖克復此次婺祁石
埭三面同時告警幸將士用命江長貴調度迅
速不致內犯而祁門團練竟能力遏狂氛太平
民團復能越境助勦以致祁石兩防早就肅清
惟婺賊尙未勦退適周天受率得勝之師前來
可期有濟等語臣查周天受已到徽防分投攻

勦皖南賊匪福建自浦城克復後饒廷選等統
兵與林向榮等合師攻勦又有曾國藩整旅入
閩建郡賊匪不難指日殄除總兵李定太自駐
紮常山以來嚴戢兵勇招徠商賈刻下民氣救
安又分兵援勦江西皖南復添勇兼顧浦城防
賊回竄一時難以遠離臣咨會相機而動勿稍
疏懈奏入報

聞

二十二日甲午德興阿奏言逆匪竄踞揚城屢欲

圖犯邵伯自張國樑由南岸帶兵渡江臣飛飭

搭造萬福橋浮橋張國樑親督工役於本月十

四日搭成拔營前進臣撥兵五千名協同進剿

是夜張國樑密派官兵出隊進攻揚城東西兩
門一面知會鞠殿華等進攻廣儲便益兩門並

飭地方文武隨同攻剿逆匪由南門擁出五六
千人由便益廣儲兩門各擁出三四千人由東
門擁出六七千人我軍勇氣百倍殺賊無數逆
匪抵敵不住旋行敗退馮觀勝等帶兵追殺直
至南門黃靖等帶勇殺至東門成明等殺至廣
儲便益兩門突有騎馬悍賊由北門擁出七八
千人張國樑揮令張永清等飛馬迎擊並飭令

楊福增等督兵施放大擡礮連環繼進騎馬賊
紛紛倒地賊隊驚亂張國樑揮令官軍一齊搶
進鞠殿華等相繼追擊逆賊自相踐踏兵勇愈
戰愈勵擊斃賊匪以萬計遂於十五日將揚州
府城克復餘匪向西路竄走兵勇跟蹤追剿李
若珠等入城會同地方文武安撫難民臣猶恐
敗匪反竄當飭毛三元督令管駕水礮臺各員

纂要卷之三十三
一八

緊扼六牖復派副將魁霖等帶兵由邵伯過河
至黃珏橋一帶搜捕餘匪適逃竄之賊藏匿各
莊又殺斃數百人餘仍向西北奔去現在張國
樑統率諸軍由儀徵進兵冀解六合之圍臣囑
毛三元率領成明等督兵五千名隨同前進鞠
殿華帶兵二千名駐守揚州城內並派穆克登
額帶馬步一千名扼守萬福橋仍一面看守浮

橋刻下天長大股屬聚恐各兵移營前進該逆
復竄揚州該處駐兵甚單尙爲可慮且天長與
高郵僅一湖之隔儻由湖徑渡則邵伯仍屬喫
緊臣是以尙駐邵伯派魁霖等帶兵二千名扼
守其露筋祠一處緊接邵伯飭令馬國陞照舊
駐防所撥水礮臺二座仍於該處堵扼臣一面
飭揚城文武入城辦事一面飛飭各軍前進六

皇朝通志卷之三十三
合嬰城固守候補道溫紹原總兵羅玉斌等恐
力有不繼張國樑聲威久著加以各路援兵陸
續湊集諒易解圍臣惟有策勵將士勉圖補救
在事出力員弁兵勇可否容臣與張國樑會商
奏保出自

逾格鴻慈

同日楊能格奏言自本月初九日張國樑到後

卽在仙女鎮親督委員搭蓋浮橋竭五晝夜之力甫得完竣官兵分起過河十五日張國樑整隊分三路進兵奮勇向前分門攻打斃賊極多張國樑揮兵一擁進城將府城克復賊由西門逃竄張國樑令兵勇追勦斬殺尤多臣督飭委員等搜捕餘匪現在人心大定堪以仰慰

聖懷均奏入

上命軍機大臣傳諭德興阿鞠殿華成明毛三元楊能格曰此次揚城失陷經張國樑督兵北渡迅復城池勦辦甚爲得手現在張國樑已由儀徵進援六合自可力解城圍德興阿收集兵勇現有一萬餘名尤應妥籌布置成明毛三元分帶兵勇隨同張國樑進勦其揚州府城已有鞠殿華帶兵駐守惟天長賊匪時圖窺伺高寶湖面巡防尤關緊要著德興阿酌撥兵

勇分赴高郵一帶協同堵剿不得專委之邵燦庚長
致滋貽誤三河以南賊匪據勝保奏稱業已被剿南
竄但沿湖旁竄處處可通若專守邵伯是但能顧揚
營後路而於北竄要衝仍難堵遏德興阿等卽當迅
籌調度毋誤事機至張國樑一軍現赴六合其餉需
軍火或有缺乏卽著楊能格妥籌接濟不得因係南
岸官軍稍存膜視

上諭內閣曰逆匪竄踞揚城經張國樑由南岸督帶大
兵渡江於九月十五日將府城克復此次賊踞揚城
旬餘卽行克復勦辦尙爲迅速所有在事出力人員
著准其會同張國樑擇尤保奏

德興阿又奏言據高郵州知州于醇儒稟稱本
月初六日有賊船七隻自西向東馳駛當卽分
起迎擊民勇悉在東岸堵截各船追至湖心開

槍擊沈匪船一隻又據寶應縣知縣陳兆齡稟稱十二日蔣壩之三河以南有賊匪數千與我兵隔河轟擊至今未退請撥兵援勦刻下分兵前進圖解六合之圍邵伯存兵不多難以撥赴高寶協堵惟有飛咨邵燦庚長請其就近設法扼守使賊不至過湖乃能遏其北竄奏入

上命軍機大臣傳諭邵燦庚長曰揚州府城業已克復

張國樑已赴援六合勝保亦進攻天長自應以清淮
一路爲最要著邵燦等督飭在事員弁實力堵剿務
使賊蹤不能過湖北路方有把握如不敷調度卽飛
咨德興阿將諭撥之兵迅速派撥以厚兵力傅振邦
是否已抵清江前調山東官兵據崇恩奏已派兵四
百名派勇六百名兼程前進儻該總兵帶兵到浦可
令其暫留助剿俟逆氛漸遠再行折回徐州

德興阿又奏言此時下游江防喫緊前和春咨
調各船於本月初七日全幫均抵瓜鎮江面當
飭管帶各將弁擇要分撥堵禦庶使聲勢聯絡
不至賊船游駛總兵毛三元於臣駐守五臺山
時督帶水礮臺兵勇扼守萬福橋六牖等處刻
當進兵儀六毛三元卽統領馬步兵勇五千名
隨同張國樑進剿總以力解六合之圍爲要著

其調回援浙之周天培一軍此時揚州雖復天
長尙爲賊踞該官兵過江時仍當遵

旨辦理奏入報

聞

同日勝保翁同書奏言天長賊勢日益北趨臣
勝保馳抵盱眙方布置調派間忽報稱同鎮之
賊全行退走臣趕緊飭令營總莫爾賡額等分

帶馬步進勦該逆大股約近兩萬人連夜由天
長北竄於本月十二日已抵三河集一帶地方
幸河 臣 庚長派防蔣壩之道員赫特赫訥所帶
練勇堵禦嚴密未能卽竄過河該逆連夜搭造
浮橋意欲由下游之觀音寺偷渡以抄後路蔣
壩情形萬分危急 臣 雖先期派撥各隊前往截
擊仍恐兵力不敷復添派遊擊德元督帶甘兵

連夜拔營會合莫爾賡額等軍一同進紮並派副都統麟瑞等星夜赴援該副都統等帶兵疾馳而進遇賊於盱眙東四十里之高橋突向賊隊衝入匪衆紛紛敗竄十三日大股逆衆麕聚蔣壩對岸十里之三河集撲擾蔣壩防兵竭力擊該逆抵死不退而附近數十里內各村莊羣匪分屯散踞肆行焚掠幾於徧地賊蹤官軍

乘其浮橋尙未搭就分由西南面之馬壩西面之高橋兩路衝突該逆始猶分股抗拒我軍一齊衝擊匪勢不支殲斃轟斃之賊不計其數遂將各村莊一掃而清餘匪悉竄併三河集一帶匪黨受創賊膽頗寒臣於是夜自率親軍馳往督勦行近三河集天方黎明各軍隨同前進該逆一見大隊掩至遂不戰而潰全股向南狂奔

馬隊乘勢跟蹤痛勦沿途趕殺三十餘里斃匪
五百餘名其三河集未及竄逃餘賊均被我兵
搜殺淨盡當飭各隊向馬壩一路追擊一面就
近派令在籍江蘇候補道吳棠會同該地方官
邀集天盱團練聯絡聲勢協助官軍臣仍卽折
回盱眙居中調度以資控制此股粵逆潛圖假
道北犯經臣督軍痛加勦洗轉危爲安在事出

力員弁兵勇容查明奏懇

恩施其蔣壩防堵出力人員應由河臣酌保請獎奏入

命軍機大臣傳諭勝保曰天長竄匪直撲三河集意圖北犯經勝保督飭弁兵擊退辦理極爲得手惟該逆被勦南遁設由湖內竄撲高郵寶應則清淮仍形喫重必應將天長縣城速爲克復庶賊衆無由東犯卽可杜其北竄現在張國樑親赴六合於儀徵等處

集賢堂 卷之三
三

尚可兼顧至天長地近盱眙卽著勝保乘此聲威將
該處賊匪痛加攻勦速復縣城無任逆賊久踞提督
德安一軍業經起程並著飭令迅速前赴六合會同
張國樑速解城圍

上諭內閣曰逆賊竄踞天長意圖北竄分股直撲三河
集經派防蔣壩道員赫特赫訥帶勇堵禦未能過河
適副都統麟瑞等馳至於高橋遇賊接仗勝保復督

軍抵三河集該逆悉數南遁三河集地方肅清所有
在事出力員弁兵勇著勝保俟追勦竄匪淨盡彙請
獎勵其蔣壩防堵出力各員並著邵燦庚長查明保
奏

同日慶端奏言漳州鎮總兵周天受鶴麗鎮總
兵周天培統帶雄師援閩屢立戰功該二員久
歷我行深明韜略前日晤周天培談論之下該

鎮直以地方引爲己任其忠勇尤爲可嘉閩省
地方多故人無將材能得周天受周天培在閩
坐鎮使之整頓營伍緝辦匪徒則濱海巖疆當
可永靖烽煙奏入

上命軍機大臣傳諭王懿德慶端曰總兵周天受周天
培帶兵援閩克復各城戰功懋著該撫請留該總兵
等在閩坐鎮自係爲保障地方起見惟周天受一軍

因皖南緊急經張芾調回防勦昨據胡興仁奏該總兵現在籌攻婺源周天培一軍因江北軍務喫緊業經飛調該總兵回至江蘇現在揚州雖已克復而浦口天長儀徵尙淪於賊需兵甚急未便遲留現在閩省邵郡克復全境肅清並有饒廷選等員堪資差遣卽著王懿德等妥爲調度俟徽郡軍務稍鬆再令周天受回漳州鎮本任可也

慶端又奏言邵武府城被逆久踞八月十六日
都司武明良帶勇由光澤赴邵同上坪聯丁攻
進西北兩門千總吳連升協同攻入東門斬馘
甚多卽日克復郡城查江右逆匪竄陷閩疆郡
縣節經次第克復茲邵武府城又據武明良等
攻克被陷各郡縣一律收復臣飛飭各文武搜
捕餘匪籌辦善後並飭總兵周天培等速將洋

口等處敗匪悉數殲餘其邵郡在事出力文武
兵勇聯董人等容另行擇尤保獎奏入

上諭內閣曰福建邵武府城被賊占踞經都司武明良
等協同聯丁將郡城克復此次逆匪竄擾閩疆疊陷
郡縣經慶端出省督勦現已次第收復一律肅清慶
端調度有方著交部議敘在事出力員弁人等准其
查明保奏

同日者齡奏言福建股匪竄至廣豐復竄玉山
勢極猖獗經候選道李元度廣饒九南道沈葆
楨等力保兩縣危城擊敗數萬狂寇實屬異常
出力江省各營及地方文武員弁可否准 臣 擇
尤請獎以昭激勸至景德鎮之賊現經 臣 飭令
劉于瀆招集樂平浮梁團勇力杜內竄一俟援
剿之萬泰段起所部兵勇到日合力夾擊劉于

瀉水師之挫實由饒郡陸勇孱弱遇賊奔潰以致水師受困尙非該員督戰不力仰懇

恩施免其置議奏入

上諭內閣曰逆匪由閩回竄江西廣豐復竄玉山均經官軍擊勦獲勝所有江西各營及地方文武員弁著者齡擇尤請獎至竄入景德鎮之賊經甘肅安肅道劉于瀉督兵馳勦因陸勇潰敗以致水師不能得手

所有該員應得處分著免其置議仍著整頓各營迅速勦辦毋使再有延蔓

耆齡又奏言逆匪回犯新城七月二十二日遊擊劉光明督勇防守開槍斃賊數十人並親率練勇潛出西門猝衝賊隊各門守城兵勇亦齊出奮擊賊衆奔潰追殺四五百人二十三日卽選道張運蘭率老湘等營自建昌馳至又飛調

王文瑞自南豐前進逆匪進退無路勢迫乞降
張運蘭等挑出精壯悍賊八百餘名概行正法
其餘裹脅老幼男女釋放回籍並經劉光明將
賊渠僞檢點胡其相等四名解省張運蘭旋赴
河口會師隨同曾國藩援閩臣飛調補用道劉
長佑率領楚勇扼紮新城並分撥參將鄧在富
等駐防瀘溪八月初六日福建賊匪竄至鐵牛

關鄧在富等率領各營堵剿賊匪萬餘來撲我軍分路力敵該逆分股由小路繞出我後焚燒營壘我軍腹背受敵遂致潰敗退回撫州賊旋闌入瀘溪縣城初九日賊竄金谿縣直撲入城卽經撫州府知府李瑞章等飭臨川崇仁兩縣團勇馳赴許灣一帶金谿縣知縣鄧國恩等亦招集鄉團進剿該逆望風奔逃分爲兩股一竄

安仁縣屬之鄧家埠一退回瀘溪是夜瀘溪一
股復竄入金邑城內次日鄧國恩等會同各縣
團勇進攻斃賊六十餘名餘匪竄入鄧家埠當
將金谿縣城收復瀘溪縣城亦經寶副中營羅
近秋馳往收復鄧家埠之賊屢犯東鄉縣邊界
均爲東邑團勇擊敗該逆於石港地方河水淺
處偷渡北岸經礮船擊斃無數逆衆屯北岸山

背旋陷東鄉縣城十六日賊擾黃金埠署餘干
縣知縣莫廷蕃督勇堵剿斃賊甚多賊遁回安
仁十九日曾國藩派張運蘭等馳往攻剿殺賊
七千餘人康國器等率水師並餘干東鄉兩縣
團勇合力兜剿擒斬多賊立復東鄉城池是夜
餘匪約二千人竄入萬年縣境經吳國佐追擊
並被萬年團勇截殺遂穿城而過二十二日竄

入樂平縣城經樂邑團勇攻勦殺賊三百餘人
敗匪退屯北門外復被道員劉于瀆派軍進勦
賊匪悉遁景德又先於八月十四日福建邵武
府大股賊匪竄出黃土關前隊已至新城縣熊
村另股繞出中站劉長佑令遊擊翟國彥率勇
赴司前堵勦自率親兵繼之至長陂前力斬賊
目二人餘匪遁去十五日翟國彥等直抵熊村

逆衆萬餘猝起翟國彥等分三路衝擊賊乃退
去又追數里另股賊由山上來援崔大光率勇
截勦賊退過黃土關擁擠落後者悉爲我軍所
殲右路之賊亦經李明惠追逐出境是日約斃
賊千餘人生擒四十餘名逆匪二萬餘人復出
黃土關十九日劉長佑督勇進勦賊衆悉奔熊
村李明惠進攻董家坳督隊猛衝賊乃返奔時

劉長佑督同席寶田等從中路進拊賊之背該
逆亦退向熊村李明惠等率勇分撲賊從市後
奔逃適崔大光左路擊敗之賊亦追逐至此騎
馬賊十餘人屢次回撲均爲各勇所殲餘匪逃
往關下是日殺賊千餘人生擒五十四名二十
一日劉長佑派勇擊磔下規源之賊各勇爭先
奮進斬賊百數十人賊匪敗退高岡李士恩等

分路衝上另股賊由洞口抄出李篤勝等率勇
適至併力衝擊賊乃大潰各勇沿途追奔直至
中站左路翟國彥等至梘源有賊數百在該處
擄掠見官兵至越嶺而遁殺賊約四五百人二
十四日賊衆復分三路來犯新城劉長佑派勇
分路迎擊自率親兵接應賊不能支亦卽潰敗
我軍追至衝口敗匪自相踐踏李明惠等復追

殺數十人約共殺賊三四百名此次連日獲勝
足挫兇鋒但此等窮寇鋌而走險旁竄堪虞惟
有督飭各軍堵剿兼施務殲羣醜至新城安仁
勦匪出力各勇除老湘營應由曾國藩保奏外
其餘水陸兵勇可否容臣擇尤酌保以資鼓勵
其陣亡之千總陳吉昌應請

旨飭部照守備例議卹萬年樂平二縣如何被擾以及

瀘溪在城員弁下落查明另行辦理奏入

上諭內閣曰逆匪回竄江西新城等縣經張運蘭等戮
勦旋即撲滅其另股賊匪由瀘溪直竄安仁又經張
運蘭及各屬團勇水師合力攻勦殲斃七八千名餘
匪遠遁邵武大股復犯新城經道員劉長佑連日勦
辦均獲大勝殺賊三四千名攻勦尙屬得手卽著張
運蘭等乘勢將回竄賊匪勦洗淨盡此次新城安仁

勦匪出力各軍所有老湘營員弁兵勇著曾國藩查明保奏其餘水陸弁勇著耆齡擇尤酌保陣亡之千總陳吉昌著照守備例議卹萬年樂平二縣被擾情形及瀘溪縣在城員弁下落著一併查明具奏

欽定勦平粵匪方略卷二百六 戊午年

九月二十三日 乙未 官文都興阿楊載福李續賓

奏言自克復潛山桐城後 臣都興阿由石牌率
師東勦安慶派翼長多隆阿總兵鮑超爲前敵
由清河三橋鎮進兵齊會大橋頭該處踞賊築
壘山旁及橋南一帶以拒官軍進勦之路乘我
兵初至遙擁出敵官軍各起馬隊踰橋涉水數

路衝擊賊遂潰退兵勇分途追殺斃賊過半前去二十五里集賢關有賊踞關守險多隆阿帶隊由總鋪繞攻關內賊壘鮑超率隊由團山徑趨集賢關參將石清吉率飛虎三營暨各馬隊兩路接應關內壘賊不料官兵繞山突至棄壘驚逃我兵四路追殺賊壘賊卡盡行削平時鮑超率霆營已至集賢關守關賊匪正在抵禦見

壘賊潰敗卽蒼黃失措我兵乘勢攻之遂破其
關潰賊緣山繞谷復被我兵追殺甚夥共計殺
賊千餘名我兵遂進集賢關分紮十里鋪一帶
九月初七日賊乘我營未竣由北門數路來撲
正值多隆阿帶馬隊前往瞥見賊來一面飛調
步隊接應一面分途衝擊射斃騎賊數名餘始
挫退次日臣都興阿商會福建提督臣楊載福

豫派礮船南列江面東由上新河入湖西由楊柳洲入湖三面轟擊牽制城賊初九日多隆阿鮑超率勇分攻城邊賊壘先派張萬祿等馬步隊列陣西岡以防西門援賊派石清吉等馬步隊列陣東岡以防東門援賊巴依爾呼蘭馬隊中路策應其壘俱極高堅火器難施壘外濠深兩丈密布椿籤濠外復有溪池護繞多隆阿鮑

超各督勁旅鳧溪越籤拔樁入濠鑿級而上賊
抵死抗拒我兵奮勇爭先各壘賊皆驚惶我勇
各路齊登直突橫衝巷戰良久賊屍枕藉其竄
踞屋中者經我兵揭椽掀瓦搜斬無遺北門城
邊大壘四座同時平毀官兵勇氣倍增復乘勢
攻破東西山灣小壘五座其城賊由東西兩門
出援數次均經接應馬步隊擊退共計破壘九

座殺賊五千有餘奪獲大礮七十三尊大小檣
槍九百餘件生擒長髮賊五百二名臣都興阿
當飭多隆阿鮑超等卽於近城處修營開濠力
圖偏攻惟該逆憑踞堅城又多積聚其屬集城
中者率皆強悍兇逆而下游外來援賊復偏近
縱陽一帶官兵內攻堅城外勦強援臣等惟有
勉勵各軍水陸會合迅圖克復此次偏城一戰

卽平九壘皆由多隆阿鮑超督飭有方官兵十分奮勇可否由臣等擇尤彙請獎敘出自

天恩奏入

上諭內閣曰官軍進勦安慶先將大橋頭一帶賊壘攻破徑趨集賢關賊衆棄壘驚逃我軍四路追殺賊壘賊卡盡行削平城邊賊壘復乘勢攻破殺賊五千餘名生擒賊匪五百二名著官文等卽飭在事文武認

真攻勦迅復堅城並將附近縱陽一帶援賊分投掃蕩所有出力員弁著官文等查明保奏

同日和春奏言南岸防勦事宜臣等屢飭水陸各營晝夜嚴防竄越九月初七八等日烏江一帶帶有大幫賊船乘風下駛我軍迎頭兜勦轟沈逆船十餘隻奪獲九隻斃賊五六百名連日金陵賊匪因我兵四出多方肆擾均經守牆鎮將

督率兵勇合力擊回其鋒稍戢其石子岡一帶
濠壘計長一千數百丈現已晝夜趕築約須一
月可以蕨工惟西路銅井慈湖等處逆援愈集
愈多號稱數萬均由青陽池州而來揚言分道
內犯高瀉溧水秣陵關等處以救金陵已飭總
兵虎嵩林等嚴密防維互相策應並咨鄧紹良
就近兼顧至鄭魁士督辦灣防前經胡興仁奏

令募勇二千馳援江北該鎮新募業已募足俟
浙省解到軍裝卽行拔隊前來 臣函囑其取道
高瀆東壩察看賊情緩急設法圖維儻該處警
報稍紓仍來金陵調遣以收指臂之助

和春又奏言八月二十二日蕪湖股匪傾巢直
撲魯港水營遊擊鄭吉星等開礮轟擊接仗未
久老鴉山白馬山兩處各出悍匪千餘蠡擁而

來會合石碓股匪抄襲馬步橋營卡都司馬喜
督帶划船輪流迎擊該逆從礮火叢中填濠直
進遊擊郭定猷連開大礮轟斃悍賊數名守備
梁正源等各率所部四面包抄賊衆大潰由蕪
湖竄逸同知林士志督帶廣勇橫抄截擊一路
賊屍枕藉直抵老鴉山始行收隊其劉家村高
埂鋪兩路之賊亦經參將李起高等擊退共計

斃賊七八百名生擒賊目傅均振等十八名

同日翁同書奏言粵逆由和州全椒巢縣合肥等處窺擾仙蹤地方月餘以來殆無虛日經署含山縣運漕巡檢徐模等督團堵剿屢獲勝仗八月十九日大股賊匪猝至把總宇安邦等親督練勇設伏圍攻斃賊數十名追至清水塘昭關會團擒獲賊目七名陣斬賊匪無數逆眾棄

聞

械奔逃追襲二十餘里該巡檢徐模等齊團殺賊保衛地方殊堪嘉尙擬飭查明出力員弁紳董酌量存記彙案奏請獎勵均奏入報

二十四日丙申袁甲三奏言粵捻兩逆倡亂數載

自廬城復陷以來勝保奉

命南征雖極力兼籌已覺應接不暇不意江北大營自

浦口失事後節節退守揚儀一帶居民既逃避一空兵勇亦不戰而潰是江北大局已敗壞不堪揚州而北並無一兵河臣漕臣雖於洪湖蔣壩及淮安等處設防而限於經費兵勇無多不足以扼險要萬一浦六儀揚之賊長驅而北何以禦之况臨鳳捻匪本與粵逆呼吸一氣通計江北粵捻兩逆不下數十萬人若互相牽引同

時突過清淮上下千餘里門戶洞開何恃不恐
臣軍自伊興額挫折後整頓非易豫兵在鹿邑
祇能顧及西面山東兵在曹單又相離較遠以
現在大局而論惟徐州歸德淮安三處屯紮重
兵可以橫截南北以固藩籬臣現既駐紮宿州
則宿徐一路臣自當專任其事若歸德但恃東
豫防兵既不相統轄卽未免各分畛域名爲自

固邊防其能固與否實未敢遽信至清淮一路
防兵更少地方之緊要事機之迫切又有倍於
西路者從前由歸德至清江尙有黃河以限南
北今則頭頭是道統計清淮歸德去 臣等營均
在數百里外 臣與勝保兩軍非惟無兵可撥實
亦鞭長莫及合無仰懇

聖恩迅簡大員各督重兵分駐清淮歸德兩路力遏要

衝與臣等互相援應庶北路有備無患臣亦無
旁顧之憂得以盡力進剿俟東路逆氛稍緩再
行分路並進與勝保諸軍四面兜擊以期一鼓
蕩平奏入

上諭曰汝思此時有何大員可派不過欲將東豫邊防
盡歸汝調遣必至各撫臣紛紛請旨朕總握大局實
不能爲爾等排解也

袁甲三又奏言現在賊勢浩大粵捻兩逆均有
北趨之勢北路地勢平曠該逆動以馬隊縱橫
馳突我軍專恃步隊萬難制其死命臣營馬隊
甚少各路軍營一律喫重旣難抽撥其東三省
馬隊又萬不敢再請添調因徧詢各馬隊弁兵

據稱

盛京吉林黑龍江等處聞多獵戶平日練習馬上

槍箭專以打牲爲業膽氣素壯槍箭均無虛發
若招募隨征必能悉成勁旅可否請

旨飭下盛京黑龍江吉林各將軍選派曾經出征得力
大員就近招募一二千名酌照征兵給予行糧
責成嚴加約束帶領前來以資攻剿奏入

上命軍機大臣傳諭玉明景瀆奕山曰盛京吉林黑龍
江等處向多獵戶平日練習馬上槍箭專以打牲爲

業其膽氣素壯若招募隨征必當可用著玉明景瀄
奕山各就地方情形酌量察看該獵戶等如果技藝
嫻熟情願充當兵丁卽著擇其乘騎便捷槍箭有準
者招募若干作爲餘丁隨時訓練旣可以備本地邊
防兼可以資他省調撥之用若此項人等專以打牲
爲業生計攸關不願應募遠行並著據實具奏勿庸
勉強

二十五日酉丁德興阿奏言張國樑督率諸軍馳

抵儀徵縣屬茅家橋地方該逆知我軍乘勢壓
下聞風喪膽自相驚懼東北兩門外賊衆全撤
入城張國樑飭令總兵李若珠由東門直入成
明富明阿等由北門直入張國樑親督各勇並
飭該縣民團隨同助剿該逆望見旗幟紛紛逃
竄各軍乘勝擁入殺斃逆匪數百名將儀徵縣

城收復張國樑統領各軍暨毛三元等剋日移師西上步步爲營以期力解六合之圍惟天長一縣悍賊悉聚其中西北山尙有賊蹤往來六合大營後路關繫綦重且揚城僅有兵二千餘名由鞠殿華統帶駐守亦形單薄刻下桐城鎮時有賊匪數千直至三河南岸離蔣壩不過四五里僅隔一水儻該逆紮筏過河直撲清淮則

高寶又在垓心 臣疊咨邵燦庚長設法堵禦如
該逆由湖東越則高郵首先喫緊邵伯後面尤
應嚴防 臣派令副將馬國陞帶兵扼守高郵湖
口並撥水礮臺二座嚴飭兵勇堵截要隘協防
露筋等處 臣思天長一日不克高寶清淮一日
不能安枕邵伯裏下河揚城各路斷難撤防卽
六合官兵亦有首尾相畏之勢惟有仰懇

飭下勝保翁同書迅速派撥重兵進取天長力遏北竄
而保裏下河完善之區奏入

上命軍機大臣傳諭德興阿張國樑鞠毀華成明毛三元曰張國樑克復揚州後督率諸軍進復儀徵縣城實屬奮勇可嘉現已移師西上步步爲營卽著乘勝迅解六合之圍並將江浦浦口逆賊次第掃蕩俾浦口仍得安營以扼守江北大局方能重整該逆此時

聞風竄遁必至復擾他處務須盡力合圍就近殲除
方爲妥善惟天長未克張國樑一軍勢難兼顧已命
勝保帶兵攻勦至天長得手其竄出賊匪恐由洪湖
擾及高郵一帶雖有邵燦庚長所派兵勇曾獲勝仗
但兵力尙單儻有大股賊匪竄至恐難抵禦德興阿
業已收集兵勇布置防守所有邵伯後路著卽督飭
帶兵各員實力嚴防務與邵燦庚長所派兵勇聲勢

聯絡以資保衛

上又命軍機大臣傳諭勝保曰張國樑等攻克儀徵現
圖力解六合城圍惟天長一縣悍賊麕聚其中勝保
昨在三河獲勝幸有蔣壩防兵夾擊不令竄至清淮
勝保自必遵旨進攻天長惟兵力尙單著通籌酌調
以期迅速奏功至克復後敗竄之賊如遁入洪澤湖
中則清淮以下必受其害邵燦庚長等所派兵勇雖

曾獲勝而爲數不多該大臣務當撥兵進剿勿令天
長逆匪由湖東趨是爲至要

上諭內閣曰提督張國樑克復揚州後卽督率各軍馳
抵儀徵縣屬茅家橋地方該逆聞風驚懼張國樑飭
總兵李若珠等率領兵勇由東門北門直入並親督
大隊繼進將儀徵縣城收復張國樑援剿江北所向
克捷實屬奮勇可嘉著卽乘勝將六合等處賊匪一

律埽除迅速奏功待膺懋賞

同日慶端奏言我軍攻克建邵各處城池以後該逆勢甚窮蹙餘股敗竄上洋臣當飭參將黃禮鈔等由房村嵐下大厓口等處進攻以杜該逆奔竄建陽之路參將惠壽等帶領兵勇由順昌下攻上洋以杜該逆奔竄邵武之路延建邵道潘駿章督勇在江汜以上一帶堵剿以杜該

逆奔竄沙縣之路並飭周天培陳維漢水陸分
路進攻洋口務期妖氛迅掃俾地方及早肅清
以仰慰

聖主眷顧南邦之意奏入報

聞

二十六日戊戌勝保奏言臣此次攻勦北犯逆匪
擒獲生賊多有金陵逃出者據供浦口各營撤

退後沿江北岸皆賊雖經江南官兵堵剿嚴密而賊之糧米火藥接濟已多並金陵逆首僞令將江北各賊及新脅之衆放入城中約有萬餘令其守城又將城內長髮之賊若干驅至江北歸各逆首統轄令向各路撲竄據稱浦營未潰之先金陵賊衆缺糧飢斃者填塞道路衆心業已潰散若無此變總在九十月間必能克復金

陵全數殄盡等語不意江北大局一旦決裂至此誠爲可惜臣連日督兵盱境力挫北竄賊鋒本擬節節掃蕩卽日直擣天長再分奇兵以援六邑不期有六合城中潰勇縋城逃出由小路前來抵營報信據稱縣城已於九月十八日寅刻失陷溫紹原不知下落臣反覆詰其情狀不覺憤懣填胸該道數載守城保全甚大此次嬰

城效命更爲人所難爲乃因德興阿浦口退軍
不保六合竟令忠臣良吏坐陷賊手而不一援
數萬生靈盡爲齎粉失律之罪實所難辭除由
臣探明六合實在情形外謹就所知所聞據實
具陳奏入

上命軍機大臣傳諭德興阿張國樑鞠殿華成明毛三
元曰據勝保奏據六合潰勇傳說縣城失陷溫紹原

尙無下落等語覽奏實深憤懣張國樑於十七日收復儀徵卽可力解六合之圍乃據勝保傳聞該縣於十八日寅刻失守其時大兵自尙未趕到候補道溫紹原守城數載保全甚大茲以力竭被陷著德興阿等卽查明該員如何下落並確查失守情形詳細具奏儀揚雖經克復而六合被陷與天長江浦之賊勢成聯絡於江北大局頗有關繫張國樑諒已督兵進

勦著卽乘賊蹤未定奮力攻擊迅拔堅城本日據胡
興仁奏周天培已赴延平副將朱承先等管帶兵勇
徑赴揚州副將陶茂森等所帶湖南兵勇亦日內可
到著德興阿等俟此項兵勇到揚卽行飭赴張國樑
軍營以厚兵力德興阿鞠殿華仍當嚴扼揚城及邵
道要隘毋令賊蹤北竄

勝保又奏言賊匪趨撲蔣壩經臣勝保督軍於

三河集一帶擊敗其前股先已奔回天長老巢
後股逆衆萬餘憚我馬步緊躡卽擁至馬家壩
憑河恃險爲死守計臣因趕緊嚴密布置於野
貽前路之喬家橋穆店狀頭橋各要隘分軍屯
紮飭令迅速合力進攻一面親率各軍前紮連
日鏖戰屢有斬擒夜間時復派隊驚擾使之不
能休息該逆抵死抗拒膽敢繞赴迤北之高橋

一帶縱火焚燒潛圖劫我營盤均經各營齊力
擊退斃賊極多九月十八日臣親自督軍直抵
馬壩賊壘各軍更番疊進該逆仍復擁衆迎拒
卽經揮軍猛擊屢撲屢壓始行敗退我兵一齊
進逼傷斃賊匪不計其數臣密派副將張得勝
選帶勁旅乘夜潛往襲取另派營總莫爾賡額
等策應張得勝卽於是夜率勇潛抵賊巢左近

先用火彈噴筒拋進壘內立時火起兵勇齊聲
吶喊該逆不料官兵黑夜突來蒼黃驚亂各軍
一擁而入奮力擊刺無不應聲倒地逆衆由小
窠竄向村前大壘各馬步一齊抄殺所向披靡
張得勝等復乘機策馬橫截左右衝突賊屍填
滿溝壑殺斃刺斃者不可數計馬壩一帶附近
大小賊壘一律肅清餘匪概向東南竄去當卽

派馬步各隊乘勝連夜追剿不容該逆喘息以
期直搗天長所有屢次出力員弁兵勇可否准
臣擇尤保奏出自

逾格鴻施奏八

上諭內閣曰天長竄匪趨撲蔣壩經勝保督軍於三河
集擊敗該逆於高橋地方焚擾均經各營擊退斃賊
甚多勝保督兵直抵馬壩賊壘縱火焚燒逆衆倉猝

驚亂各軍乘勢擁入一齊抄殺逆衆大潰追殺無算
當將馬壩大小賊壘一律肅清仍著勝保督飭各軍
迅將竄向東南賊匪追勦直搗天長克復城池出力
員弁兵勇准其擇尤保奏

勝保又奏言提督德安疊奉

諭旨令其援救六合臣察看該提督詞氣尙屬安詳心
地殊欠明白前此紮營大墅街因粵逆有蠢動

之意輒卽稱病回廬迨廬郡失陷退居定遠仍
復託病不出自臣奉

命總制皖軍遂卽日銷假揆厥情事殆慮臣查出病勢
虛實有干叅究九月初拾逆竄撲北鑪橋經翁
同書商令帶兵進剿詎該提督行出三十里一
聞鑪橋有失登時退回未免巧於避就臣與翁
同書皆謂其難當大任卽如前由江南來皖時

所帶官兵沿途不能約束以致兵丁中道擅自
折回曾經和春叅其不善駕馭當此勦賊喫緊
之際畀以一旅之師或可勉強從事若令獨當
一面深恐貽誤軍情

聖主知人善任自有權衡但臣既有確見不敢不據實
直陳奏入

上諭內閣曰湖北提督德安自廣西勦匪以來久歷戎

行擢至專閫大員乃前由江南赴皖沿途不能約束
兵丁以致中途折回曾經和春附叅今當攻勦喫緊
之時輒託病規避有意遷延實屬有負委任德安著
革去巴圖魯名號拔去花翎以示薄懲儻再不知振
作卽著勝保嚴叅懲辦

勝保又奏言粵逆大股麕集浦六天長一路臣
先期飭派已革總兵吉順統軍移進前路之蔣

家巷設法進攻迅籌規取其懷遠擒逆南撲之路總以定遠西北之黃宜鋪殷家澗爲要隘該處早經派兵扼紮臣現復飛飭遊擊唐玉輝等會合嚴密防範以便扼要兜剿遇有緩急兵力亦尙不單臣現在盱天一帶攻剿正在萬分喫緊斷難抽身遽去如果東路驟能得手而西路果有警信臣亦必兼道馳往若西路別無動靜

則天長毗連六合臣卽在此路調度策應亦不敢稍分畛域至前奉

諭旨令臣將江南派援六合之軍就近調度仰見

聖明倚賴先其所急今提督張國樑已由江南大營抽帶兵勇取道儀徵揚州進援六合臣趨赴天長必可與該提督浹洽於東南大局均有裨益奏
入報

聞

同日胡興仁奏言賊匪由華埠竄往德興旋於
七月二十七日直徧婺源參將余永椿等迎擊
獲勝該逆大股犯黃瓜尖嶺參將丁文尙等迎
戰已勝後股賊衆麕至兵力不支千總周占雄
等傷亡適同知蘇式敬等來援賊始退卻旋由
別路肆擾勢將徧城經署婺源縣知縣吳崧慶

率團迎擊賊遂由澆嶺退出婺境竄至景德鎮
方馳勦間德興另股悍賊遽於八月初六日突
竄海口進撲婺城吳崧慶等率團固守官軍後
隊未及趕到衆寡不敵遂致失陷張芾派參將
王夢麟等攻勦十數次屢有斬獲會總兵李定
太等陸續到婺策應知府林廷選復赴婺督團
助勦悍賊繼至者絡繹不絕官軍盡力合攻尙

未得手同時閩賊回擾廣饒竄踞景德鎮道員
劉于瀆攻勦失利勢甚臨張初十日由景鎮竄
入祁境之倒湖經南鄉鄭姓團練擊走十二日
又經署知縣林用光率團併力堵勦賊竄平隴
林用光等三路進勦鏖戰三時之久陣斬僞將
軍蕭明奎生擒僞先鋒黃亮德僞司馬謝先潰
等五十餘人該逆由高低嶺全數退出張芾度

賊旣不能逞志祁門必合景鎮浮梁青陽之賊
乘虛轉窺石埭之崇覺寺黃土嶺兩防正在布
置賊果兩路竄至石埭七都該處防兵止存二
千人副將吳偉奇督率防堵實形單薄卽飛咨
江長貴自漁亭赴石埭督勦調余永椿填紮漁
亭飛飭參將張應超等各率隊伍馳援知縣楊
裕仁集團越境助勦賊至甲子嶺我軍擊退二

十二日賊犯雍溪吳偉奇等迎擊賊卽敗走二
十四日進犯黃土嶺營盤經袁國祥擊卻都司
黃朝升陣斬僞指揮葉有手一名是日青陽另
股賊匪進犯崇覺寺營張應超等迎擊太平青
陽民團齊出助戰賊亦敗逃二十五日吳偉奇
擊賊陵陽鎮分流嶺銷封村等處斃賊甚多次
日賊又犯黃土嶺營勢甚兇猛賊攀都司閱步

璦營門率衆直上守備許培剛砍斃僞指揮葉
汝才一名乘勢掩擊賊始敗退而青陽之賊又
犯崇覺寺我軍在黃土嶺得勝回擊又得大勝
二十七日各路之賊又合攻黃土嶺營江長貴
率親軍掩至把總張天爵首先馳入手刃數賊
戰歿於陣旋因我軍奮力圍擊賊勢大敗越日
賊兩路同犯崇覺寺黃土嶺兩防官軍民團合

力擊散賊併力攻黃土嶺營江長貴率各隊從
左右山梁縱擊吳偉奇等合軍會戰主事楊摛
藻知縣楊裕仁各集團數千助勦賊遂潰走是
夜江長貴派隊各帶火器潛入賊營又派隊四
山埋伏同時縱火賊乃驚潰九月初一日又派
隊四出勦賊於霧露嶺魚龍洞陵陽鎮等處賊
經大創之後望風回竄青陽石埭現已肅清婺

源賊匪負嵎死拒幸總兵臣周天受自閩回徽
卽派都司陳大富等馳赴太平助江長貴以防
青陽之賊回竄派都司周光明等馳赴漁亭助
余永椿防祁門黟縣一帶派遊擊熊廷芳等馳
赴清華街助攻婺源周天受率親軍由上溪口
前進督飭各軍迅圖克復其應卹應獎應劾之
員俟事竣彙案辦理奏入

上命軍機大臣傳諭胡興仁張芾曰此次竄賊先由華
埠窺伺婺源方經官軍擊退遽有另股從德興撲陷
縣城其竄踞景德鎮之賊分擾祁門不能逞志遂復
合青陽悍賊糾竄石埭屢犯崇覺寺黃土嶺等處賴
張芾先期布置江長貴策應迅速不至內犯祁門練
勇太平民團復能用命助勦俾祁石兩防得就肅清
惟婺源尙爲賊踞周天受現自閩回徽於青陽祁門

黟縣一帶均各添兵助防周天受亦已督率親軍由
上溪口前進著胡興仁張芾迅飭各軍克復婺城毋
令久踞並嚴防該匪回竄祁門石埭等處以期全境
均臻靜謐

胡興仁又奏言周天培一軍聞赴延平此時想
已在道尙未折回浙境副將朱承先管帶楚駿
固原兵勇一千五十餘名又遊擊韓廷貴等帶

鎮靜健勇四百餘名參將和順帶水勇三百名
均於九月十四日到杭臣卽檄令先赴揚州聽
候和春調遣其副將陶茂森所帶湖南兵七百
五十名仁勇四百五十名亦日內可到遵令馳
赴揚州並飛咨鄧紹良鄭魁士將甯防舊勇選
派二千名馳赴六合卽以新勇留於甯防臣前
接和春咨稱鄭魁士不可離甯一俟周天培到

杭仍令其帶隊前進奏入報

二十七日己亥德興阿奏言臣接張國樑函暨成

明等稟稱帶領兵勇馳往陳板橋紮營次日卽
偪六合城下乃途中獲被擄難民陶元一名據
供六合縣城已於九月十八日黎明失陷又據
城內逃出勇丁馬福升等供稱十八日天明北

門地雷聲發未曾打開各營仍然守牆忽小東
門又地雷聲響城牆轟開火光四起賊已進城
兵勇見賊多難禦由北門城角越城鼻水而出
候補道溫紹原總兵羅玉斌知州李守誠存亡
未卜連日諜報天長又添賊黨該處各路可通
如由西北出竄則揚州可危比擾蔣壩則清淮
難守若由高寶湖面東越則邵伯裏下河必至

蹂躪甚爲可慮臣控衄之後疊咨勝保翁同書
請其分兵勦辦乃六合守及一月不遣一卒赴
援天長未經失陷之先旣無防兵失陷以後僅
有馬隊數百迄無重兵勦辦今賊勢猖獗異常
惟有仰懇

飭下勝保等統兵分駐天長迅圖克復以弭切近之患
又據張國樑函稱南岸溧水縣亦於十八日失

守擬酌留兵勇二三千名協守北岸餘卽親帶
南渡 臣思張國樑重兵皆去江北各軍分扼儀
徵又恐該逆往來其間探知虛實從西北山抄
我後路且溧水旣失鎮江必當置防北岸瓜州
必得撥兵駐守 臣咨請張國樑撥留精銳二三
千名派員管帶徑赴瓜州紮營以期南北聯絡
設揚州有警亦可就近援應總兵成明奉

旨幫辦軍務 臣卽囑令管帶各隊來揚與鞠殿華裏外
扼堵毛三元卽於萬福橋六牖兩處往來防禦
臣督率海全等仍扼邵伯馬國陞防守高郵湖
口距天長僅六十里再德安尙未有起身信息
周天培援浙一軍亦未知行抵何處刻下各處
防不勝防兵力單薄籲請

飭催迅速來揚其周天培之兵勿爲南岸截留江北防

勦乃爲有益一俟此項官兵到齊再行拔營前進奏入

上命軍機大臣傳諭德興阿鞠殿華成明毛三元曰昨據勝保奏六合潰勇傳說縣城失陷會諭德興阿等確查情形具奏本日該大臣奏六合不守兵民所供略同並有溧水復陷張國樑已渡江南去各情覽奏更深憤懣六合孤城困守日久德興阿等潰師不振

節節退守未曾撥兵救援及至張國樑趕到勢已無
及今張國樑旣因南岸緊急馳回應援並酌留兵勇
二三千名協守北岸總兵成明旣隨同張國樑往援
六合卽當督同兵勇會合張國樑留下之兵進攻六
合何以德興阿轉令帶隊回揚勝保因天長被賊竄
踞親赴盱眙扼截曾於三河集等處勦敗蔣壩竄匪
昨已飭令迅擣天長以顧北路並據奏已派德安帶

兵援勦六合德興阿等挫敗後株守邵伯今復調回
成明又欲將張國樑所留兵二三千名防守瓜州置
六合於不問實屬一籌莫展昨據胡興仁奏周天培
遠在延平未能卽到已派朱承先等帶兵到杭卽日
前赴揚州其陶茂森等所帶兵勇亦日內可到此項
兵勇本諭德興阿飭赴張國樑軍營今該提督回至
江南所有朱承先等兵勇到揚著德興阿等仍令成

明帶往六合與張國樑所留兵勇會合將六合逆匪
迅速勦除以圖克復稍贖前愆如揚州兵力尙單可
將成明前次帶往之兵酌留一半交德興阿布置毛
三元現在萬福橋六牖兩處往來防禦卽可責令兼
顧瓜州若瓜揚等處再有疏虞恐德興阿等不能當
此重咎也

上又命軍機大臣傳諭和春張國樑許乃釗曰六合縣

城已被地雷轟陷溧水縣城亦於是日失守張國樑
援勦江北連克儀揚滿擬迅解六合之圍而該城於
大兵未到之先業經被陷該提督因溧水失守折回
南岸自係先其所急溧水偏近高淳東壩及鎮江一
帶處處可虞和春張國樑務當體察賊情妥爲布置
此時江南江北賊勢臨張情形俱屬喫緊張國樑留
兵二三千名協防北岸尙恐不敷攻勦胡興仁前奏

副將朱承先陶茂森等管帶兵勇曾諭德興阿飭赴
張國樑軍營現在該提督已赴江南此項兵勇仍令
馳赴揚州由德興阿派員管帶與張國樑留下之兵
同攻六合毋庸截留

二十九日 辛丑 楊能格奏言儀徵克復後六合縣

城被賊攻陷溧水縣城亦報失守提臣張國樑
大隊即日渡江江北各軍所餘無幾揚城內外

分布寥寥况屢潰之餘士無固志聞賊先驚揚
州西北甘泉山一帶地接天長賊蹤徧野窺伺
百端數十里坦途朝發夕至勢極危險若果賊
衆復來安能望其固守而德興阿自屢退之後
惟怯不能自振偃仰僧寮幾於一籌莫展不思
天長一路賊如分股包抄卽邵伯亦難苟安清
淮隨卽震動北路門戶何所恃以無恐臣目擊

情形不敢不據實直陳伏維

皇上宸謨廣運燭照幾先大局幸甚奏入

上命軍機大臣傳諭德興阿翰殿華成明毛三元曰昨
諭德興阿仍飭成明會合張國樑所留兵勇進攻六
合原因儀揚甫經收復必須前路有兵截勦庶可杜
其紛竄若但知遠避邵伯一籌莫展不知振作則賊
勢方張何處不可竄越現在翰殿華駐守揚州成明

帶兵會同張國樑留下之兵進攻前路使賊不敢再
向東竄則儀揚可保加以浙江撥回朱承先等所帶
兵勇如果振刷精神申明紀律未嘗不可轉敗爲功
儻仍毫無布置則六合大股賊匪必至仍擾儀揚德
興阿等自問當得何罪至天長一路雖有勝保督兵
進勦西北甘泉山一帶地接天長亦應嚴防竄匪鞠
殿華成明毛三元均係幫辦大員亦應力圖振作儻

集賢堂
三
布置未周再有疏失朕惟有執法從事將德興阿等重治其罪懷之慎之

上又命軍機大臣傳諭勝保曰昨據德興阿等奏溧水失守張國樑已帶兵渡江僅留兵二三千名協守北岸已諭德興阿等仍令成明帶兵會同張國樑留下之兵進攻六合惟德興阿自遭挫敗不能振作雖經撥兵分扼各隘而潰敗之兵恐不足恃現在揚州後

路如清淮高寶均屬空虛儻天長賊匪由湖東趨必
至蹂躪腹地雖有邵燦庚長派防兵勇亦恐力難堵
遏勝保旣攻克天長務須驅賊仍歸來路勿令由湖
竄擾高寶清淮等處方可維持北岸大局著勝保妥
籌兼顧並將攻勦情形迅速馳奏以慰廑念

楊能格又奏言揚城之東南北長河一道計寬
一百二十餘丈上建萬福橋爲八裏下河必由

之路咸豐三年前大臣琦善恐賊東竄將橋拆去並於東岸駐紮勇營扼險據守是以數年以來裏下河一帶賴以保全昨因張國樑統兵前來搭造船橋渡兵西進現在德興阿留爲兵勇退路未便卽行拆卸臣查勘有橋則河失其險儻賊匪乘間豕突必至猝不及防當將雇募之甯波綠皮艇五隻安設礮位選派練勇移泊該

聞

處以助守禦奏入報

同日和春奏言湖北宜昌鎮總兵虎嵩林奉派
駐守溧城該處近接小丹陽博望等處當逆衆
聲言內犯屢經嚴飭該鎮加意防維如能堅守
待援何至逆氛闖入乃遇賊卽潰以致失陷城
池實屬大誤事機迄今四日之久始據稟稱退

至溧陽縣城殊出情理之外似此恇怯無能自
應嚴行叅辦惟念其子虎坤元戰功屢著臨陣
捐軀尙可稍從末減相應請

旨將總兵虎嵩林卽行革職永不敘用以爲臨敵退縮
者戒奏入得

旨虎嵩林著革職永不敘用

和春又奏言據虎嵩林稟報小丹陽之賊大股

竄至紅藍埠參將馬騰超失利該逆旋撲縣城
適鄭魁士派副將蔣錫光帶勇到溧水合力擊
回無如賊悍兵單臣派總兵張玉良管帶馬步
三千星馳援應乃該逆已於九月十八日酉刻
分股抄撲虎嵩林等眾寡不敵竟被闖入縣城
四面紮營聲言分竄溧水北至金壇東南至溧
陽均不及百里與高淳東壩相爲唇齒又係大

營後路藩籬當於無可抽調中添撥兵勇二千
由張玉良統帶趁該逆立腳未定直搗其巢迅
圖克復並檄鄭魁士由高淳倍道前進兩路夾
攻以期得手惟是臣營馬步將領兵勇屢經派
赴江北福建實已單薄張國樑酌留兵勇卽於
二十二日督同總兵李若珠先後帶隊回營臣
等面商現在溧水一城甫經賊踞必須趁其守

具未備一鼓驅除方免滋擾因添派總兵馮子材帶兵三千會同張玉良由湖墅進兵迅圖攻復仍派總兵戴文英帶兵三千駐守秣陵關以顧大營後路此時西南各路營盤最爲喫重均由張國樑督率李若珠等相機堵禦以壯聲威奏入報

三十日

壬寅

會國藩奏言臣行抵雙港節據探報

閩賊大股三萬餘人回竄新城道員劉長佑扼
守隘口連日苦戰雖屢獲勝仗而該逆愈來愈
多更番猛撲又吉安城中八月初十日夜乘大
筭衝出追殺未盡之賊尙餘數百人沿途裹脅
復聚至千餘人連陷崇仁宜黃兩縣撫建各屬
處處戒嚴臣以撫建兩城收復未久民心易於

動搖劉長佑一軍兵力本不甚厚其分防瀘溪
各營曾於八月失利堵禦閩賊大股已慮難以
支持復聞崇宜之警尤恐軍心不固民間喧傳
石逆全股希圖回竄南城等縣飛書請援張運
蘭亦稟請先救新城遂令張運蘭率所部兼程
馳進臣亦改道南行回顧建昌途次接奉八月

十四日

諭旨知石逆窺伺撫建之說早已上達

宸聽

聖天子明見萬里無微不照臣督隊趨行馳抵金谿聞
劉長佑大獲勝仗自八月十五至九月初五等
日竭力痛勦殲擒之賊不下二萬人餘匪仍由
建甯一帶竄去接見各團紳民無不稱爲奇捷
現在建昌肅清崇仁宜黃之賊亦由南豐竄入

閩境 臣 抵建昌後擬將撫建甯都各府州防勦
事宜咨商江西撫 臣 妥爲布置卽率師由杉關
入閩至劉長佑堵勦獲勝情形應由耆齡奏報
奏入報

續編

四

欽定勦平粵匪方略卷二百七 戊午年

十月初一日癸卯德興阿奏言查江甯藩司楊能

格一聞浦口師潰卽從揚州開船臣飭令招集

潰兵該司復由邵伯至裏下河或數日一遷或

一日數遷民心因之驚慌該司又欲乘坐紅船

出江軍火器械錢米等項在在俱無不知糧臺

安設何所候補直隸州知州于昌遂倚爲心腹

諸事聽其把持當該司遷移時軍火四棄灣頭
則堆積火箭噴筒邵伯河西則堆積硝磺五千
餘斤均爲鄧鳳林等之兵所起張國樑進隊於
萬福橋搭造浮橋臣囑令勿拆以穩軍心該司
稟請拆毀臣未允行遂擅自往拆經管橋各員
阻止該司玩視軍情抗行已意實屬謬妄淮揚
道郭沛霖造爲兵潰之詞令百姓驚惑迨克復

揚城該道不敢遽進遲至六七日始行入城其
畏葸已可概見乃思自占地步多爲急切之請
致令軍情搖惑洵屬居心險詐相應請

旨將楊能格郭沛霖均行革職以示懲儆並請

飭派委員接辦江北糧臺事件其楊能格所用聲名狼
籍之委員容臣查明另行奏參奏入

上命軍機大臣傳諭邵燦庚長曰德興阿奏參司道大

員遷延跋扈等語楊能格於浦營失陷輒卽出城登舟已屬膽怯慌張若爲保護糧臺起見不應將軍火等項任意遺棄郭沛霖有管轄地方之責逃避出城已有應得之罪復稟報失實搖惑軍心所有德興阿叅奏各情著邵燦庚長逐款查明據實叅奏如楊能格不勝糧臺重任著卽撤回就近派梁佐中暫行辦理糧臺事務一面飛咨何桂清另派妥員接辦儻該

處兵勇不敷並著酌量派撥以資保護至所稱楊能格遣人往拆萬福橋浮橋一節前據楊能格奏稱德興阿欲留爲兵勇退路未肯拆卸並稱有橋則河失其險恐賊匪乘閒而入猝不及防現雇艇船守禦等語究竟該處浮橋是否應拆著邵燦等查明具奏楊能格委員何人聲名狼籍著一併查明叅奏毋稍瞻徇

上諭內閣曰江甯藩司楊能格聞浦口師潰後屢次遷移以致居民散徙紛紛失所又將軍火器械遺棄灣頭等處實屬遇事慌張心存畏葸淮揚道郭沛霖逃避出城已有應得之咎又妄稟官軍潰退搖惑人心尤屬可惡楊能格著卽革職暫行留任郭沛霖著先行革職均交邵燦庚長將德興阿所奏各款確切查明據實叅奏

同日邵燦庚長奏言九月十七日探得該逆分股於臥龍岡竹園莊及禮河尾一帶往來窺探意圖涉淺偷渡經副將鶴齡等各據要口開礮迎擊斃賊多名賊勢漸卻鶴齡等卽率勇渡河分路追剿從九品斬鎔等率練接應該逆見我軍追至引隊拒戰我軍奮勇直前槍礮齊施斬首二十餘級該逆始向東南狂奔十八日探知

勝保在高橋與賊接仗三官寺黎城等處均有
賊騎出沒當令秦懷揚等督勇由竹園莊渡河
同知董保成等率勇由觀音寺渡河於永豐鎮
會齊截擊鶴齡等帶團堵禦遙爲聲勢秦懷揚
行抵大雲山見該逆七八百人向北而來卽開
槍迎擊正相持間董保成等趕到施放排槍該
逆恐我軍夾擊回向東南漸退當令團勇繞出

聞

賊後四面環攻賊眾紛紛亂竄我兵勇氣倍增
刀斫矛刺共斃賊二百餘名追殺十餘名現仍
嚴飭派防兵勇擇要扼守以杜覬覦奏入報

初二日甲辰官文都興阿李續賓奏言臣李續賓

於桐城克復後親率馬步十四營於九月十五
日拔營進攻舒城探知該逆於距舒城三十餘

里地方跨山修壘高五六尺以千餘人屯守十
六日我軍行抵是處分隊包襲賊衆驚走約殺
斃七百餘名平其牆壘獲米一千六百餘石次
日我軍至城外西南紮營城賊蠡擁出撲總兵
李續燾等迎擊賊卽列陣鏖戰良久副將周寬
世等擊其後賊勢披靡紛紛回竄餘黨四散追
殺一千四五百名臣李續賓察看地勢其城之

西北有大堅壘二座高似城垣城上刀矛旗幟
密布槍礮之聲不絕賊意力圖抗拒十八日派
李續燾等五營攻西北面賊壘派李存漢等攻
東南城門以湘中湘右等營爲各路策應均於
五更出隊捲旗息鼓分陣布列李續燾等先撲
賊壘以柴草填塞濠溝該逆憑牆守禦槍礮環
施鏖戰四時之久李續燾等嚴督各勇奮呼齊

進槍礮仰攻火毬火罐拋入壘中火起賊衆大
亂各勇踰牆直入塞其壘門悍賊七八百名逃
死無路盡爲義勇殺斃復乘勝轉攻第二壘忽
城賊突開西門出戰欲燒我軍以援壘賊周寬
世督勇截擊劉人和率馬隊橫衝賊不能出其
第二壘之賊皆棄壘還竄入城約追斃二三百
人而李存漢等攻東南城門奮力攻擊俱爲槍

礮所阻臣李續賓恐賊夜遁卽派各營分路埋伏是夜初更後賊開大小東門遁走三河僞城各營伏兵齊起截殺追勦三十餘里賊屍徧地舒城縣城當經克復計奪獲大礮五十餘尊馬一百八十餘匹驢三百餘頭生擒六百餘名查舒城距廬州一百二十里距廬江縣九十里廬州之賊猶負嶠麕聚其距舒城五十里之三河

地方賊築有偽城一座堅壘八座逆衆屢年盤踞以爲廬州捍蔽臣李續賓擬卽進兵攻克三河直擣廬州以冀稍紓

聖廬此次最爲出力之總兵李續燾等擬請分別獎勵
奏入

上諭內閣曰官軍克復舒城勦辦尙屬得手仍著官文等督飭兵勇進攻三河直擣廬州以清餘孽所有此

次尤爲出力之總兵李續燾著交部從優議敘參將黃勝日著免補參將以副將儘先卽補並賞給強勇巴圖魯名號謝永祜著免補參將以副將儘先卽補並賞給振勇巴圖魯名號遊擊眭金城著免補遊擊以參將儘先推補其餘出力人員准其擇尤酌保

同日勝保翁同書奏言查天長縣西南四十餘

里之馬家集一帶大股匪衆一二萬人築壘分屯爲縣城犄角臣思馬家集之賊壘不除則天長之圖功不易因親督各軍移紮汭澗鎮選派精銳進剿該逆乘我軍營壘未就糾衆來撲鏖戰多時屢壓不退臣添派兵勇於前路列陣以待匪衆愈積愈多抵死抗拒穆騰阿率領馬隊向前抄截副將格洪額等帶領甘兵策應賊見

我軍大隊掩至勢遂不支各軍奮勇直前趕殺
二十餘里直抵馬家集賊壘該逆復糾合大股
萬餘人傾巢出拒我軍縱橫馳突臣亦親率勁
旅趕至該逆抵敵不住亡命奔逃立將賊壘五
座踏毀斃匪約二千名救出被脅難民一千餘
名奪獲槍礮器械旗幟五百餘件餘匪分向六
合天長竄去現在天長已成孤立自可乘機拔

取以期全數殄除奏入報

初三日巳乙勝保翁同書奏言臣等自克馬家集後卽派都司黃得魁連夜催督營總莫爾賡額等率領兵勇攻勦天長城北五里之護城橋該逆出悍賊數萬人迎拒兇很莫當我軍馬隊先進步隊繼至交戰時許極力環攻另分一軍由

西北抄裏賊後賊陣遂亂馬步各隊乘勢衝殺
計斃賊二三千名其自相擁擠被我人馬踏斃
者無算該逆敗退將抵濠邊李世忠見我兵大
至率衆突由城內殺出前後夾擊衆軍愈奮喊
聲大震該逆回城無路奪路南奔我軍一面追
殺一面整隊由北門入城將城內賊衆殲除殆
盡殘匪向六合一路竄去當將縣城克復奏入

上諭內閣曰逆匪竄踞天長意圖北竄經官軍奮力攻
勦旬日之間數獲大捷攻拔城池辦理尙爲迅速所
有在事出力員弁兵練著勝保等擇尤請獎其竄往
六合之賊仍著跟蹤追勦悉數殲擒

翁同書又奏言查皖省原有巢湖水師戰艇素
稱船堅礮利賊陷廬城時此項礮船被燬無存

請

飭水師提督楊載福總兵吳全美李德麟酌派師船駐泊裕溪口鍼魚嘴等處杜賊出江之路以清江面至東壩爲商船雲集之所向有釐捐賊匪於太平府之金柱關設卡抽釐直達東壩應請

旨由江蘇巡撫派令公正道府大員駐守東壩專司盤詰逆匪所至之處必先遣奸匪偵探或爲內應蘇州人煙稠密五方雜處必有奸徒溷跡其中

似宜於省城及潯墅關認真稽查毋令來往偷
渡奏入

上命軍機大臣傳諭和春何桂清趙德轍曰現在賊踞
巢縣廬州其裕溪口鍼魚嘴等處均係出江要路該
處並無重兵扼紮著和春卽飭總兵吳全美李德麟
酌派師船駐泊該處以資扼守至東壩爲下竄要隘
蘇郡係財賦之區該賊垂涎已久賊匪於太平府之

金柱關設卡抽釐直達東壩不可不嚴爲之備著何
桂清趙德轍迅卽選派公正道府大員駐守東壩認
眞盤詰如有商船形跡可疑暗藏軍器者立卽拏獲
訊究以塞亂源蘇州府城人煙稠密恐有奸徒溷跡
其中並著該督撫派委幹員於省城及許墅關等處
認真稽查毋令賊匪潛蹤

同日德興阿奏言六合被陷時總兵羅玉斌率

隊巷戰力竭陣亡候補道溫紹原聞北門地雷
聲發率勇迎擊賊股大至該道抵敵不住赴水
而死六合縣知縣李守誠捍禦力竭同時殉難
查六合一城該逆節次撲犯均被保護此時堅
守幾及一月四路援兵未集以致失陷羅玉斌
駐守來安經 臣 調守六合該鎮久歷戎行聿著
戰功溫紹原督團募勇六年勞瘁不遺餘力早

矢與城存亡之見爲江北軍民所敬憚李守誠
惘惘無華廉潔自守而復氣節不虧見危授命
以上三員均與尋常死事者有別合無仰懇

天恩飭部各照陣亡例從優議卹並請准於六合地方
飭建專祠以慰忠魂奏入

上諭內閣曰六合陣亡之直隸宣化鎮總兵羅玉斌著
追贈提督銜鹽運使銜江蘇候補道溫紹原著追贈

續通志卷之三十一
十三
布政使銜候補同知直隸州六合縣知縣李守誠著
追贈知府銜均照陣亡例從優議卹並於六合縣地
方建立專祠以慰忠魂其餘陣亡各員弁仍著德興
阿查明具奏

初五日 丁未 都興阿楊載福奏言查樅陽前祇賊

船數十號自六月十一日經王明山等焚燬賊
船後該逆築壘空濠護守十分堅固九月初五

日以後臣都興阿率馬步隊逐漸進逼安慶臣
楊載福分派礮船於東南西三面晝夜輪攻城
賊漸困旋探得下游池州一帶援賊萬餘擄取
民船由江南渡至樅陽來援安慶其前隊四千
餘人現已渡江分駐樅陽壘中並散住村莊民
舍當於十二日派副將陳金鼇等率各營兵勇
越過安慶往攻樅陽王明山等由銅鐵洲上夾

口進師至羅塘洲嘴見港中已有木椿鐵練攔
截其賊船百餘隻盡泊港內王明山率隊登洲
於賊船對岸施放擡槍火箭萬化林等率隊繼
進各營兵勇梟水過港奪船該逆槍礮抵禦我
軍奮勇攻擊斃賊百餘名餘衆股栗紛紛驚潰
當將所有賊船概行焚燬王明山等率隊回船
進攻樅陽街尾賊壘陳金鰲等由銅鐵洲下夾

口飛槩沂入攻縱陽街頭賊壘該逆開礮迎擊
劉德亮派船趨進斫斷新洲嘴攔河鐵練帶隊
登岸由上首攻打陳金鼇指揮長龍礮船向壘
轟擊一面率隊登岸由中路進攻李朝斌由下
首抄擊賊壘之後賊衆出壘死力抗拒陳金鼇
督率各弁勇在中路奮擊殺賊數千名賊仍退
入壘中開礮抵禦陳金鼇等三路進逼賊濠爭

拔木椿竹籤賊復蠶擁出敵我軍奮力衝擊該
逆不支棄壘狂竄王明山等從縱陽港口登岸
併攻各壘之賊潰走我軍隨後掩殺賊屍枕藉
追殺二十餘里斃賊不可數計生擒一百五十
二名踏平堅壘五座焚賊米船百餘號奪獲大
礮五十餘尊實足以寒賊膽所有在事出力員
弁兵勇尙有微勞可否由 臣楊載福擇尤保奏

臣等仍督率水陸各軍無分晝夜環攻安慶以期速拔堅城合兵東下奏入

上諭內閣曰逆匪久踞安慶於相距九十里之縱陽地方築壘窆濠負嶠抗拒我軍奮力攻擊踏平賊壘勦辦尙爲得手著都興阿等嚴督水陸各軍乘勝進逼迅拔堅城合兵東下毋稍延緩所有在事出力員弁兵勇准其就近由楊載福彙案擇尤保奏

初七日

己酉

耆齡奏言八月二十五等日熊村賊

衆復由三路來犯道員劉長佑等督軍攻擊斫
殺無數賊越呂公嶺而奔追至嶺後賊復回戰
李明惠自衝口繞出賊後賊遂大潰賊目數名
悉被殲除左路林內之賊亦經我軍擊走計殺
賊二三百人二十七八等日江忠義等率精捷
等營由崇仁馳至賊至五六七等都屯聚欲西

奔橫村劉長佑督率各營乘夜出擊李明惠等
由六都進李篤勝等由七都進劉長佑等由五
都進適大股賊自圓村出拌死拒戰李明惠大
呼直入賊衆披靡李士恩等合力夾擊斃賊千
餘人崔大光等由山城馳上又截殺七八百人
各勇追至高黎地方沿途殲賊無算翟國彥等
至五都賊衆踞險抗拒翟國彥直前刺賊日落

馬餘衆驚奔我軍縱擊之將至七都忽村內擁
出花旗賊千餘人回救李篤勝等繞出其前槍
礮齊施賊復奔竄自相踐踏均被我勇所殲共
殺賊四五千人生擒五百七十餘名衝散之賊
又經署新城縣知縣雷嘉澍督勇搜殺甚多旋
探賊至橫村收集黨與計圖再逞九月初一日
劉長佑派令各營進剿殲賊數百人天色將暮

該逆知我軍遠來不能久留遂依山麓回戰李明惠等用劈山礮環擊賊仍潰走生擒賊目二名斬獲首級三百五十顆敗竄之賊尙踞新城南豐兩縣邊界劉長佑飭令各營盡力窮追初三日劉長佑等齊至湯坊傅坊賊匪蠶擁出拒崔大光等直入賊隊擊殺悍賊百餘人賊退入坊死拒李明惠江忠義抄出坊後將賊包在礮

擒無遺初五日各營進擊甘家隘李明惠等由中路偏近賊巢槍礮齊施賊奔隘口該處山壁峭絕賊衆不能猝越各勇遇賊卽砍翟國彥等復由左右兩路蹙之賊進退無路延頸受戮餘賊抵死守隘江忠義率勇由山頂繞出隘後劉盛調等衝入隘口追殺二十餘里殲戮殆盡各營追逐一百六七十里約計斃賊六七千人奪

獲贏馬器械甚多伏查劉長佑一軍移紮新城
疊次迎擊八獲全勝我軍跟蹤窮追先後斬擒
一萬數千人邊境旋就肅清劉長佑以三千之
眾翦滅萬餘逆匪保全撫建要郡洵屬謀勇兼
備應請

恩施以昭激勸其餘出力人員容俟查明另行請獎奏

八

上諭內閣曰此次劉長佑一軍自新城擊勦福建竄匪
 直至南豐縣境先後斬擒逾萬大股狂寇殲滅幾盡
 邊境肅清劉長佑著交軍機處記名遇有江西道員
 缺出請旨簡放其餘出力人員著耆齡查明擇尤請
 獎

初九日 辛亥 和春奏言查蕪太逆援竄踞溧水攻

撲秣陵關分別添兵堵勦九月二十二日總兵

張玉良由湖墅進紮溧城北路之陳家橋豫派
參將雷安邦等部署各軍戒嚴以待東北兩門
各出逆匪數百直撲新營相持許久雷安邦等
出其不意三面分抄殪執旗逆目數名餘悉驚
潰乘勢追馘百餘名瞭見城上徧插五色賊旗
並於近城一帶修濠築壘意圖久踞張玉良當
飭趕緊紮營一面派令雷安邦等各帶所部分

攻東西兩門都司陳鵬舉等馬步直擣北門二
十三日我師馳抵外濠點放火器該逆離巢抗
拒陳鵬舉揮兵轟斃逆匪多名其勢稍卻適東
西各門賊壘悉衆來援雷安邦等左右兩軍一
擁而進立將賊援擊敗逆卡焚燬三路兵勇兜
抄夾擊賊衆膽落紛紛棄營而逃隨將北門逆
壘全行掃蕩一路殲斃悍賊甚多餘皆逃遁入

城二十五六等日會同候補總兵馮子材由陳
家橋步步爲營直抵後岡地方距城僅四里許
賊屢分股衝撲均經擊退我師聯營偪紮現已
直薄城根秣馬厲兵剋期大舉惟此次逆援內
竄後又復分黨攻擾秣陵關雖屢經懲創兇燄
未衰丹陽鎮逆股又於距關十里之祿口地方
築營打館意在襲取秣陵阻我後路臣與張國

樑等相商惟有嚴扼秣陵急攻祿口乘勢直擣
紅藍埠去其犄角則溧賊勢孤不攻自潰遂派
總兵王浚帶兵三千前赴秣陵會商總兵戴文
英剋日進攻祿口賊巢二十九日我師五路進
發將抵逆巢遙見後面土山黃旗林立有悍賊
二股蠶擁而來立即揮兵截勦將賊隊衝爲數
段富和等帶領馬隊乘勢蹙之逆衆大潰王浚

等攻其西戴文英等攻其北楊福增田宗揚等
攻其東直抵二道外濠將護營木卡毀平韋明
堂拔取木樁竹籬斬關而入我師鼓譟畢登殺
賊無算楊福增馮觀勝等振旆一揮賊皆披靡
並用火彈拋入營中燃動火藥烈燄蔽天立將
東北兩面賊壘全行攻克時王浚督攻西路逆
營冒險直入戴文英等指揮東北官軍三面夾

攻逆黨不敢迎拒均望鈴橋一路奔竄陳步高
伏兵齊起富和等各帶馬隊四面包抄追奔四
十餘里祿口內外賊營全行掃蕩斃賊約數千
名砍取首級一千二百餘顆其梟水淹斃者尤
不可數計從此溧賊聞風氣奪不敢復窺秣陵
卽日鼓行而南可期得手其金陵西路銅井一
帶逆援屬集二十二日探報逆匪千餘竄至江

甯鎮上道橋潛築卡牆總兵李若珠駐紮板橋相距僅三十餘里當派副將劉季三陳雲彪等分投勦捕踏平木卡數重逆黨踰橋而逸正追殺間突有逆股二千餘人飛奔接應我師奮力追勦殺賊約百餘名當我師分兵溧水接應秣陵時城逆知我營壘空虛由南門竄出悍賊二千餘名夤夜偷築兩營意在衝突安德門長圍

二十四日張國樑派令副將梁克勳等分左右包抄親督副將韋明堂等居中策應諸軍踴躍過濠分途抄擊聚寶門又擁出馬步逆匪約四五千人併力護持火器刀矛排牆而進梁克勳見賊勢兇悍直陷中堅縱橫盪擊殲賊約百餘名楊福增乘勢兜抄會攻賊壘立將逆壘二座毀平二十六日該逆復從太平門潛出悍賊四

五千直撲東北隅營盤兼營填濠以圍大逞經
我守濠將弁擊倒數名猶復悍不肯退副將張
威邦傳令各營以逸待勞俟賊衆逼近疊放擡
槍無不應聲而倒並以火器拋擲外濠燃動柴
草數百束一時烈焰飛騰羣賊自相踐踏退回
巢穴臣等現飭戴文英等迅攻紅藍埠以圖規
取溧水奏入報

同日王懿德奏言據兩江總督臣何桂清咨稱
江北軍情緊急飭調周天培星夜帶兵赴援惟
洋口一帶悍賊現經我軍圍剿該逆窮蹙之餘
勢必併力四竄非周天培一軍不能扼制萬難
移調他往現在前任侍郎臣曾國藩統帶大兵
將次抵閩先經臣移咨妥籌會剿現復咨商會

國藩酌派勁旅馳赴江北策應俟周天培掃蕩
逆氛閩省軍情稍緩再行調撥赴援奏入

上命軍機大臣傳諭曾國藩王懿德曰現在江北情形
較之閩省更爲喫重雖儀徵揚州業經收復而六合
尙爲賊踞該處並無勁旅應援急盼周天培協剿豈
容閩省久留曾國藩計此時已抵閩境著於所部兵
勇內酌分一軍馳赴洋口等處會同閩兵剿匪周天

培卽可交替迅速趕赴揚州德興阿軍營聽候調遣
毋再延誤

欽定勦平粵匪方略卷二百八 戊午年

十月十七日 己未 何桂清趙德轍奏言查都統德

興阿秉性蠱率於漢文不甚通曉易受人愚動輒與人爲難迨奉

旨將劉良駒等驅逐出營翁同書親自爲之辦理文案隨時匡救始與南岸協力和衷得以克復瓜州移營浦口數月之間壁壘一新堵剿嚴密江南

大營始得將金陵水陸合圍乃翁同書補安徽
巡撫離營赴任德興阿左右無人幫辦軍務之
鞠殿華僅一匹夫之勇毫無謀略以致浦口失
事全軍潰散德興阿鞠殿華避居舟中既不退
守六合又不嚴堵儀揚其駐紮三汊河之毛三
元一軍並未潰散亦棄揚州不守而退至萬福
橋使賊長驅直入若無溫紹原固守六合則該

逆顧忌毫無清江淮安裏下河一帶將不可復
問矣張國樑統兵渡江於九月十五日克復揚
州十七日克復儀徵十八日馳抵六合縣境之
陳板橋地方而溫紹原先於是日清晨與城偕
亡救援不及是克復儀徵雖係張國樑之力而
逆賊不敢遽行北犯東竄者實賴溫紹原扼守
六合之功是以一聞溫紹原被害凡屬居民無

不同聲痛哭而恨德興阿等之坐視不救臣等
猶望德興阿等乘張國樑破竹之勢鼓勵兵勇
卽由儀徵規取六合以贖前愆孰知德興阿轉
將張國樑派駐儀徵官兵調回揚州安坐邵伯
僧舍一味驕矜愈出愈奇幫辦軍務之鞠殿華
毛三元成明各擁一軍並不上前一步卽如萬
福橋河寬水深咸豐三年前大臣琦善飭令將

橋拆除裏下河居民卽恃河爲天塹前辦糧臺
藩司文煜於橋之東岸紮營一座駐勇數百名
以防賊匪偷渡本年九月張國樑救援江北時
由東路繞出賊前以杜北犯東竄之路在萬福
橋搭造浮梁係爲進兵而設乃德興阿不將浮
梁拆除爲兵勇豫備逃走之計以致民情惶惑
紛紛遷徙毛三元至今尚紮營於橋之東岸不

知其意何居至邵伯鎮原可無虞臣何桂清曾
經函囑移紮揚州乃德興阿仍偃蹇於邵伯僧
寮又有鄧鳳林李開武燒燬民房掠取民間糧
食貨物女子之案其餘紕繆之事不一而足奏
報亦多未確誤

國殃民莫此爲甚恐難望其翻然改悔若再稍爲
將就不獨揚州仍屬可虞卽江南大營亦爲所

累克復金陵竟不知在何日臣等焦急之餘與和春張國樑許乃釗往返熟商僉稱溧水旣復大營無內顧之憂亟應設法攻復金陵惟江北情形如此軍務終無了期應請

旨另派大員督辦江北軍務南北合力庶有把握備一時不得其人或請歸併江南則和春等必當勉力圖維全此大局訪之江南北官紳士庶意見

亦同奏入報

聞

何桂清又奏言前因溧水失守東壩告警民心
惶惑臣當由上海折回常郡旬日以來會商和
春張國樑許乃釗分別堵剿並督飭地方官聯
絡民團盤詰奸細遙助聲勢和春張國樑親督
兵勇先後將秣陵祿口三汊河援賊痛加剿洗

又飭總兵戴文英馳抵溧水會同張玉良等設
法籌辦頃據探報已於十月初七日將紅藍埠
青圩倉口等處賊巢全行盪平是夜克復溧水
縣城金陵西路援賊甚衆而屢張撻伐之後賊
膽已褫內犯似可無虞溧陽金壇句容建平宜
興荆溪等縣皆可解嚴東壩雖仍喫緊而有候
補道史保悠會同總兵鄭魁士魯占鼇帶兵駐

紮防勦祇此一路辦理較易民心卽當大定

同日德興阿奏言臣往揚州與翰殿華面商分

布各兵擇要扼守翰殿華卽紮營北門外鳳凰

橋成明抵儀徵西門外二十里鋪地方卽飭各

營周圍環紮計連營十八座當卽令富明阿等

進隊忽陳板橋迤西出賊千餘名我軍向前迎

敵該逆由西紛竄各兵跟蹤追勦約斃賊二百

餘名臣查此時要著必須緊攻六合惟兵力過單實難分派朱承先陶茂森所帶各營兵勇業經和春派赴東壩溧陽金壇等處防堵而江北新集之兵祇有此數可否請

旨飭令和春仍將朱承先等軍調撥北來以厚兵力均
奏入

上命軍機大臣傳諭德興阿鞠殿華成明毛三元曰逆

匪占踞六合亟應迅拔堅城總兵成明已抵儀徵西
門外二十里鋪環紮營壘自可力圖進攻六合德興
阿雖尙患病不可久居邵伯致懈軍心本日據何桂
清奏報已克復溧水東壩一帶情形已鬆副將朱承
先等各兵已諭和春等飭赴江北此項兵勇皆係勁
旅渡江後卽令會合成明等攻勦六合不可令其前
赴天長作爲防守之兵至天長甫經收復勝保留下

之兵尙屬單薄著德興阿於所統各軍內挑選精銳
會同駐紮以資扼守如此量爲調遣方合防剿機宜
德興阿鞠殿華連失各城其罪甚多因念德興阿病
體纏縣鞠殿華身受重傷是以未加嚴譴若再不知
振作未能迅克六合俾江北大局仍復舊觀必當執
法懲治勿謂寬典可以倖邀也

上
又命軍機大臣傳諭和春張國樑許乃釗曰前因江

北須添兵勦辦諭令和春等俟克復溧水後將調回
之朱承先等所帶兵勇飭赴江北本日據何桂清奏
溧水縣城業經總兵戴文英等督兵克復著和春卽
飭朱承先等帶兵馳赴德興阿軍營會同江北派兵
攻克六合毋稍遲延德興阿等一敗塗地幾至不能
復振實所不料殊堪痛恨姑念其病勢纏綿鞠殿華
又身受重傷未遽加以嚴譴現在責令奮勉立功其

能會同江南援軍攻克六合使江北大局重復舊觀
尙可補救惟收集潰兵恐未能得力和春營中如有
可調之兵仍著酌量情形隨時分撥應援至江南溧
水旣復東壩高瀆等處已可解嚴該大臣等卽當乘
此聲威進攻金陵是爲至要

同日王懿德奏言洋口等處被賊久踞周天培
與知府陳維漢等帶隊過河飭都司梁世安等

槍築營盤四座親督參將馬承恩等由沙洲上
攻副將郭啟舉等首先攻入謝屯賊卡該逆拚
死抵拒遊擊陳立昌等襲破洋口賊卡填濠而
進施放噴筒火器逆匪冒煙衝突紛紛過橋周
天培揮隊前進燒斷賊橋該匪落水死者甚多
並將沙洲賊卡踏毀其謝屯之賊經郭啟舉等
併力攻擊由洋口追出街市適滕嗣林攔截掩

殺逆衆大潰由順昌一路奔竄周天培追殺十
餘里共斃匪一千餘名知府陳維漢一軍水陸
助勦殲賊甚多當卽收復洋口地方謝屯沙洲
賊壘一律蕩平至順昌縣城被賊圍攻兵民協
力堵禦副將張騰蛟一軍尙未趕到周天受因
洋口逆勢狃猖未能應援九月十二日該逆由
西門埋藏地雷轟陷城牆蠡擁而入官軍抵敵

不住城池遂陷護延建邵道潘駿章仍駐師江
汜地方以杜逆匪下竄周天培飭令副將陳開
選等仍在洋口扼紮以圖進攻順昌乘勝恢復
至邵武府屬之泰甯縣城經知縣萬燾親率勇
丁防勦將樂擊敗逆匪乘虛闖入致城池被陷
萬燾調集甲丁四面圍攻十八日攻克城池餘
匪悉竄西北兩鄉卽令北勇乘勝追勦臣查泰

甯界連將樂刻下將邑匪徒充斥順昌踞匪尤
多自應先復順昌縣城並次第進攻將樂沙縣
等處以杜竄越而遏兇鋒奏入

上命軍機大臣傳諭曾國藩王懿德曰洋口逆匪及謝
屯等處賊壘業經周天培督軍蕩平卽當乘勝進攻
順昌而秦甯雖經收復連界之將樂等縣尙多踞匪
福建賊衆兵單須藉客兵之力惟周天培一軍因江

北急盼助勦曾諭曾國藩前往交替實未便久留閩境今該侍郎已由杉關入閩務當探賊所向節節掃蕩現在順昌尙未攻克或由曾國藩分兵往勦或由王懿德派令張騰蛟等馳往勦辦俾周天培得以交卸剋日起程

十八日 庚申 張芾奏言數月以來鄱陽池州安慶

繁昌奎潭各路悍賊俱圖內犯雖經總兵江長

貴督兵抄擊勢難兼顧婺源皖北楊載福李續
賓等軍次於樅陽圍攻安慶逆勢蹙甚江西吉
安餘孽尙踞建昌一帶臣竊計安慶建昌敗匪
分路潰竄必以皖南爲壑而徽郡尤當其衝况
浮梁景德鎮之賊密邇婺祁雖有鄧紹良江長
貴等堵禦而賊衆兵單顧此失彼總兵周天受
五載皖南地勢民情極爲熟悉臣擬俟婺城攻

復仍令周天受回駐石埭策應太平涇縣以備
安慶池州等處沿江羣賊並令江長貴專顧祁
門婺源以遏江西擊敗餘匪合無仰懇

天恩准將總兵周天受仍留徽防以資攻勦實於軍務
有裨奏入

上從之

十九日 辛酉 和春奏言查金陵逆渠被圍情急號

召皖北外援猝陷溧水縣城分踞紅藍埠以張
犄角之勢該處紮有賊壘五座木卡三座憑河
阻險遙爲溧賊聲援十月初六日戴文英等密
令各營會擣紅藍埠賊巢戴文英等攻其東張
玉良等攻其西馮子材等率敢死之士由閒道
繞出其背首尾夾攻參將田宗揚等馬步各軍
隨後策應另派參將陳步桂等帶隊攻城以牽

綴之初七日左右兩軍銜枚疾馳徑薄河東逆
卡先用噴筒火箭射入牆內烈燄沸騰雷安邦
帶隊直入手刃牆下逆匪餘皆驚竄三卡同時
火發賊猝不敢迎敵我師一面踏平逆卡一面
直撲賊營張玉良等督兵渡河而西該逆壘中
瞭見官兵大至礮火彈石密如雨注無隙可攻
向奎等冒煙衝入悍匪蠡擁撲出田宗揚等分

投迎勦適馮子材鼓譟殺入該逆前後受敵踰
牆奪門而散我師乘勢合擊多隆武等馬隊又
復四面兜抄追奔三十餘里紅藍埠賊壘悉數
掃平斬首千餘級陳步桂一軍分攜攻具會擣
西南各城該逆堅不出巢迨見紅藍埠攻克突
出悍匪二千餘名欲圖援應張朝綱等迎頭截
勦殲斃無數是夜張玉良揮令將弁合力兜圍

馮子材等豎立雲梯乘虛奪隘縣丞陳朝宗等
裹創力戰殲斃守陴逆賊我師謹譟畢登江甯
府鄭濟美等隨同進剿本月初七日亥刻克復
溧水縣城餘逆狂奔西竄盡入伏中經向奎等
節節兜剿追抵博望地方所有溧城內外各賊
不下四五千名無一得脫其銅井逆援竄江甯
鎮六郎橋北岸結巢樹柵窺我西路營盤分股

進擾龍磨山地方距板橋不過數里總兵李若珠等四路追勦將賊隊衝爲數段逆勢不支倒退數里忽見黃旗湧出兩面兜抄騎馬悍賊橫塞去路遊擊宋紹科立刺逆首落馬餘皆辟易李若珠振旆一揮陳雲彪等往來衝擊短兵火器疊進環轟逆衆大潰該逆被創之後夤夜糾集匪黨四五千分股入犯張國樑飭李若珠帶

兵二千爲頭隊先行誘敵劉季三等帶兵一千
隨後包抄親督各軍於初四日馳抵板橋分投
迎勦大股逆匪五六千張兩翼旁趨截我軍歸
路張國樑登高四望見我軍已深入賊叢而後
隊尙未能到又見賊陣左堅右瑕當將馬隊分
而爲二飭韋明堂等帶數十騎以火槍攻其右
直擣中堅賊相顧錯愕無不應聲而倒右陣始

亂惟左隊黃旗糾結悍不肯退張國樑帶十騎
怒馬陷陣橫突萬衆中連刺黃袍騎賊數名其
勢稍卻自相踐踏枕屍相望沿途追躡直薄江
甯鎮巢穴隔河槍礮稠密奔回之賊正當其衝
轟斃又不可勝計守營之賊恐我軍乘勢攻入
復將浮橋拆斷敗賊無路可走淹斃尤多是役
也砍取首級六百餘顆陣斬僞國宗洪姓實足

以快人心奏入

上諭內閣曰官軍克復溧水縣城西路迎擊大獲勝仗
勦辦甚爲得手所有此次出力員弁兵勇著和春等
擇尤保奏候朕施恩

二十日 壬戌 勝保奏言查巡撫銜浙江藩司李續

賓一軍素稱得力今已深入皖境連克城池與
臣勦賊一省共辦一事皖中賊衆地廣臣以一

身四路馳勦雖有翁同書相助爲理仍屬兼顧
不遑再四思維惟有仰懇

天恩飭令李續賓幫辦 臣營軍務凡有策應調度俾得
就近籌商奏入

上諭內閣曰巡撫銜浙江布政使李續賓統帶楚軍已
入皖境克復舒城等縣所向成功卽日與勝保翁同
書會合正宜南北夾攻殲除羣醜李續賓著幫同勝

保督辦安徽軍務

二十四日丙寅都興阿奏言臣等疊據湖廣總督

官文咨商以北路定遠徐宿各營請援急切又以金陵浦口警信酌量分軍迅攻使李續賓克復潛桐後留趙克彰等營防守桐城親率各營由舒城直擣三河僞城力援廬州以期與北路官軍會合夾攻臣都興阿分軍力攻安慶城中

悍賊甚多晝夜撲出官軍時時接仗力圖圍攻
因會商福建提督楊載福派三板船由樅陽繞
進內湖聯絡聲勢派石清吉進紮東門開挖長
濠漸次合圍下游援賊屢犯樅陽義津橋一帶
經所派馬隊會同水師輪流巡堵正值防勦十
分喫緊於十月十一日據趙克彰由桐城報稱
三河援賊大至官兵出隊失利營盤被圍 臣卽

檄調縱陽馬隊飛速往援十三日連據探騎回
稱三河官營全失賊匪衆多已過舒城現在桐
城一帶軍民驚惶桐城各營距三河百八十里
距舒城百二十里趙克彰往援不及僅於半道
收集潰勇不足千名等語臣查桐城爲官軍後
路設有疏失上接楚境在在堪虞遂於攻勦安
慶各營抽派吉林二起馬隊星夜馳赴桐城協

力堵勦至桐城離安慶亦一百二十里官兵勢
難聯絡臣所部兵勇萬難籌撥惟有飛檄湖北
糧道唐訓方將赴援徐宿之兵由英霍轉回潛
山力援桐城暫救眉急又調候補道李續宜趕
赴桐城統帶各營並咨官文催調各路援軍立
派副都統舒保管帶馬隊由武昌馳赴下游援
應現在多隆阿鮑超各營圍逼安慶與賊相持

晝夜血戰不能稍鬆桐城各營業已札飭趙克
彰暫行統帶鎮靜堅持若李續宜唐訓方剋期
趕到桐城尙能再期振作戰守庶有可資據探
逆首陳玉城率大股逆衆由和州江浦上竄抄
繞官軍後路以解安慶城圍現在三河失利桐
城危急安慶官軍腹背受敵仰懇

天恩迅飭東路六合北路定遠各軍併力進剿不惟牽

動各路賊勢廬州江浦亦可易於得手奏入

上命軍機大臣傳諭都興阿曰李續賓克復潛山桐城後由舒城直擣三河力援廬州不意援賊大至官營全失賊衆已過舒城都興阿現在圍攻安慶官軍腹背受敵亟宜力籌攻剿以遏賊衝該將軍業經飭令糧道唐訓方將赴援徐宿之兵由英霍轉回潛山力援桐城並咨官文派舒保帶馬隊由武昌馳赴下游

調度尙屬周妥刻下賊勢猖獗意在救援安慶該將
軍務飭多隆阿鮑超圍偏安慶一面命趙克彰扼守
桐城並飭李續宜唐訓方剋期往援毋令稍有疏失
楊載福水師由樅陽繞進內湖卽可聯絡聲勢以固
楚軍全局

上又命軍機大臣傳諭官文曰李續賓進攻三河欲赴
廬州以期與北路官軍會合不意援賊大至深入失

利桐城距三河舒城僅百餘里爲官軍後路設有疏
失上接楚境在在堪虞著官文卽飛飭唐訓方兵勇
趕緊由英霍轉回潛山力援桐城並飭候補道李續
宜趕赴桐城統帶各營催調各路援軍派副都統舒
保管帶馬隊由武昌馳赴下游接應以期軍威復振
力拔堅城

上又命軍機大臣傳諭勝保翁同書曰據都興阿奏李

續賓深入失利賊匪趨過舒城桐城危急逆首陳玉
城欲抄繞楚軍後路以解安慶城圍卽該將軍等亦
有腹背受敵之勢已截回唐訓方等先行赴援並請
飭定遠各軍進勦以圖牽制賊勢李續賓一軍所向
無前不料遭此挫勝保等方盼楚兵到廬會合進
勦今廬州賊勢方張恐驟難進兵惟有杜其紛竄俟
唐訓方等軍到後再圖會攻其六安一路應如何防

其竄越著勝保翁同書通籌布置

上又命軍機大臣傳諭德興阿鞠殿華成明毛三元曰
據都興阿奏李續賓分軍援廬失利桐城危急逆衆
麕聚於舒廬與六合賊匪聯爲一氣此時速攻六合
可分賊勢著德興阿卽飭成明等奮勇進攻以贖前
愆毋再遷延觀望坐誤事機德興阿以統兵大臣僻
處邵伯並不敢前往揚州何論儀徵六合現在彈章

紛至若再毫無振作朕惟執法從事勿謂寬典可倖
邀也

二十七日己巳官文奏言查三河鎮援賊大至李

續賓出隊失利營盤被圍臣聞信之下不勝焦急
查李續賓一軍屢建奇功自應先其所急速
圖救援臣於聞報後先調後路防兵全行出境
俟下游大局稍定再回防所以固楚邊並飛調

李續宜所部四千餘名及舒保馬隊二百名由
黃岡前進調余際昌全營由霍山進發前調赴
淮北袁甲三大營應援之唐訓方阿達春兵勇
亦飭折回先由太湖一路急趨桐城一帶救援
俟他路援軍至桐大局布置稍定唐訓方等仍
議北上前勝保奏調之湖南兵一千五百名已
於十月初十日到鄂川兵一千名聞亦不日可

到亦須先赴六安暫駐統俟探明路徑或繞豫境先赴袁甲三軍營再候勝保調撥兼防北竄勝保亦可由滁州乘賊上竄廬郡空虛急往攻擊並乞

飭下江西撫臣將普承堯劉騰鶴二軍所欠餉項無論

多寡迅速籌解俾得速赴潯城聽候調遣奏入上命軍機大臣傳諭官文曰據奏李續賓進攻三河失

利李續宜舒保唐訓方等軍均已派令赴援與前旨亦相符合並擬將已到武昌之湖南兵一千五百名留駐蘄州四川兵一千名到鄂後令赴六安暫駐所籌均尙周妥李續賓於失挫後據稱業已突出重圍急應速籌援救以冀重振軍威並著官文嚴飭李續宜舒保等探明李續賓實在駐紮何處星速馳援兼程前進毋許遷延至勝保軍營兵力單薄所有湖南

四川兵二千五百名一俟西路軍情稍鬆卽著全數
馳赴勝保軍營候調至唐訓方阿達春兵勇著照該
大臣所擬俟大局布置稍定再令前赴袁甲三軍營
調遣

上又命軍機大臣傳諭耆齡曰普承堯劉騰鶴二軍現
在餉項欠缺未能卽赴九江耆齡將所欠餉項無
論多寡設法籌解俾得迅速起程

二十九日辛未王懿德奏言查閩省洋口順昌大

股逆匪經總兵周天培等擊退克復城池而汀
州連城甯化府縣賊勢狍猖若無重兵攻勦各
府州必致震動周天培一軍正由順昌將樂一
帶乘勝進攻該逆旣經痛勦聞風喪膽衆兵四
路兜截逆匪不遑喘息可期迅速聚殲若稍涉
鬆勁功敗垂成以後補救爲難且周天培卽令

三
四
五
六
七
八
九
十
十一
十二
十三
十四
十五
十六
十七
十八
十九
二十
二十一
二十二
二十三
二十四
二十五
二十六
二十七
二十八
二十九
三十
三十一
三十二
三十三
三十四
三十五
三十六
三十七
三十八
三十九
四十
四十一
四十二
四十三
四十四
四十五
四十六
四十七
四十八
四十九
五十
五十一
五十二
五十三
五十四
五十五
五十六
五十七
五十八
五十九
六十
六十一
六十二
六十三
六十四
六十五
六十六
六十七
六十八
六十九
七十
七十一
七十二
七十三
七十四
七十五
七十六
七十七
七十八
七十九
八十
八十一
八十二
八十三
八十四
八十五
八十六
八十七
八十八
八十九
九十
九十一
九十二
九十三
九十四
九十五
九十六
九十七
九十八
九十九
一百

迅速折回金陵道途紆阻誠恐緩難濟急臣再
四籌維查有甫經調到之雲南楚雄協副將張
騰蛟統領兵勇二千五百名屢經戰陣內果勝
等營兵勇一千五百名係福建撫標右營遊擊
馮日坤統帶又協和等營兵勇一千名係兩廣
督標中軍都司馮開得統帶業經臣飭令先行
取道浙江馳回金陵聽候和春調遣策應仍飛

咨曾國藩酌撥勁旅一併赴援現在曾國藩駐
師建昌截剿閩省竄匪如果建昌撫州一帶防
務稍緩曾國藩卽可移師入閩 臣 自當飛飭周
天培統率所部馳回金陵調遣斷不敢稍任刻
延奏入

上命軍機大臣傳諭曾國藩王懿德曰周天培一軍本
由江南調往援浙斷難久留閩省現在江北江浦六

合未復儀揚空虛急盼此軍前往助剿著俟曾國藩
入閩卽飭該總兵統率所部迅速馳回江蘇交和春
調度曾國藩現雖暫駐建昌不日卽可到閩所有汀
州連城甯化等匪及江西瑞金石城應需分防之處
卽著責成併力兼籌認真堵剿至王懿德所稱咨照
曾國藩酌派勁旅一併赴援江北之處如果周天培
張騰蛟兩軍先後前赴江南曾國藩卽無庸再行派

兵赴援

一
二
三
四
五
六
七
八
九
十

十一

欽定勦平粵匪方略卷二百九 戊午年



十一月初一日 壬申 都興阿奏言 臣嚴督兵勇於

安慶城外開挖長濠以圖扼住城賊再擬分兵
往桐協勦十月十九日接據趙克彰來稟賊眾
十數萬四路逼紮眾寡不敵急請催調等情旋
於是夜五鼓探稱賊眾攻撲桐城各營我軍馬
隊往來衝擊步隊各營紛紛出營潰走馬隊勉

集賢堂
一
強抵禦恐不能守 臣查自克復太湖石牌以來
幸得連次血戰圍攻安慶現在舒桐頓挫安慶
腹背受敵勢甚危急各營糧路難通 臣本應鎮
靜待援惟李續賓所部南勇全數潰退楚省兵
勇無多因會商多隆阿鮑超等設法撤圍趕緊
繞至太潛一帶迎頭截剿尙可望有轉機一面
飛咨總督官文立催上游兵勇星速馳援敢懇

天恩迅飭各路官軍設法援應牽制賊勢俾楚軍得以
布置截剿實於皖楚大局有裨奏入

上命軍機大臣傳諭官文都興阿曰逆衆攻撲桐城我
軍步隊潰走都興阿因腹背受敵業經令多隆阿鮑
超撤安慶之圍設法繞至潛太一帶迎頭截擊冀有
轉機現在桐城僅有馬隊支持恐難固守而上游援
兵尙未趕到設桐城有失賊勢愈形猖獗昨據官文

奏已調李續宜所部兵勇四千餘名及舒保馬隊二百名由黃岡前進並調余際昌由霍山進發赴援淮北之唐訓方阿達春兵勇亦由太湖一路直趨桐城此時桐城萬分危急都興阿兵力甚單該大臣務卽飛飭李續宜舒保等迅速往援其湖南四川新到之兵如何前進著一併催令赴援毋稍遷延

同日何桂清趙德轍奏言臣等據勝保翁同書

咨會逆匪在上游據船薙髮扮作商賈欲襲取
東壩直犯蘇州卽飭各鎮將率領釐局委員勇
目等嚴加盤詰復委查文經督同遊擊曾秉忠
挑選水勇自成一軍以備緩急之用一面飭令
蘇州府多派幹員嚴密編查保甲江鎮常屬並
飭一體照辦其澣墅關望亭等處本有委員常
川駐紮仍責成時加巡察又念東壩爲入太湖

總徑在江蘇之宜荆另委候補道銘岳馳赴太湖各處復加整頓並咨明浙江撫臣胡興仁飭屬照辦嗣得探報天長溧水相繼克復軍威大振東壩一帶經和春調撥重兵駐剿似可毋虞內犯奏入報

聞

初二日

癸酉

江甯將軍和春奏言查上游援賊以

太平府屬之銅井慈湖采石磯等處爲巢穴近
復分踞小丹陽進擾江甯鎮揚言內犯其勢甚
張臣等先經派總兵戴文英等由溧水進兵取
道小丹陽會擣慈湖銅井一帶李若珠由板橋
進兵規取江甯鎮賊巢十月十一日戴文英等
馳抵博望東村諜知小丹陽屯賊無多當由馮
子材等輕騎疾馳掩其不備該逆大股棄營四

竄戴文英親督馬隊分路兜抄追殺十餘里斃
匪極多遂將該鎮哨樓牆卡全行焚燬由此西
去二十里爲薛鎮係銅井慈湖往來要隘據探
回竄之賊糾合各路死黨盤踞該鎮龍王山一
帶聯營樹柵遏我要衝逆首周添幅招集江北
悍賊復由金柱關渡江揚言二萬餘人卽日衝
撲官軍營盤以圖大逞戴文英等會議我師懸

軍深入利在速戰當派參將田宗揚爲中隊參
將雷安邦爲左隊副將向奎等爲右隊協領穆
克德恩等管帶親軍接應十三日行抵龍王山
麓賊約三四千人張兩翼以待向奎等指揮兵
勇搶上山梁馮子材督隊夾攻斃匪多名乘勢
衝殺而護駕墩薛鎮各出逆匪兩股截我歸路
戴文英令放劈山大礮環轟將賊隊衝爲數股

馬隊合力包抄斃賊甚多餘皆逃竄回巢該處設有卡隘數重守備葉雲漢等奮不顧身斬關直入登時被礮陣亡我師憤怒直前勇氣百倍向奎等從礮火叢中亂流而渡與該逆往來擊刺各受重傷猶復裹創立戰當將各卡次第焚燬共計斃賊七八百名逆衆屢經潰敗見我聲勢正盛未敢久持夤夜棄巢而逸十四日戴文

英等分途躡勦淨洗逆蹤方戴文英等進兵薛
鎮也江甯鎮六郎橋等處屯賊分股往援李若
珠探聞逆壘空虛當派副將劉萬德等分路襲
取江甯鎮副將陳安邦等問道會擣六郎橋十
五日我師銜枚疾走乘勝徑薄江甯鎮逆巢李
若珠等帶隊開礮環轟壘殪守牆逆匪數十名
賊勢不支劉季三等策騎過河繞出營後拔取

竹籐鹿角一擁而入賊前後受敵倉猝不及迎
拒奪路狂奔轟斃及淹溺者無算餘皆竄回銅
井陳安邦遙見火起知我兵業已得手揚旗舉
伏四面兜圍適劉萬德等追兵踵至首尾夾攻
又復殲匪數百名所有江甯鎮六郎橋兩處賊
壘十餘座同時蹋毀於是李若珠白板橋移紮
江甯鎮戴文英等自薛鎮朱門一帶進紮六郎

橋臣等當飭該鎮等乘此聲勢相度機宜攻拔
銅井老巢並派副將富升等管帶勁旅馳赴六
郎橋剋期大舉十八日戴文英等率敢死之士
五百名潛赴銅井後營奪門縱火逆壘火發槍
礮之聲連環不絕富升等摩壘先登大兵鼓譟
繼之烈燄蔽天賊衆殲斃不可數計餘匪奔逃
復經羅大春迎頭截擊斬馘尤多我師乘銳長

驅轉戰四時之久追奔五十餘里沿途席捲所向無前共克大小賊壘二十一座賊卡六道自銅井慈湖直擣采石磯逆巢醜類一律肅清從此圍攻建業西顧之憂可以稍紓實足以壯軍威惟該處距大營窺遠孤軍未便久留當飭戴文英將賊營基址悉數鏟平絕其窺伺一面整旅仍回金陵探聞漏網餘逆大半奔回金柱關

謀犯黃池先經飭令總兵鄭魁士等扼要設防
嚴杜內竄之路現在副將朱承先馳赴水陽相
機堵剿並約鄧紹良由黃池派兵會剿該鎮謀
勇兼優應令駐防瀉壩所有陣亡之守備葉雲
漢把總許榮升外委陳昭勝奮勇捐軀實堪憫
惜應請

旨飭部從優議卹奏入

上諭內閣曰江南官軍旬日之內共克賊壘二十一座
賊卡六道自銅井慈湖直壽采石磯逆巢一律肅清
攻剿尙爲妥速著該大臣等乘此聲威迅卽克復金
陵同膺懋賞守備葉雲漢把總許榮升外委陳昭勝
斬關奪卡被礮陣亡深堪憫惻均著交部從優議卹
同日德興阿奏言逆匪自踞六合後以金陵老
賊入城堅守東關外挖濠築壘並於猴子鋪一

帶設卡盤踞由陳板橋而西處處皆有賊蹤成
明督同富明阿各帶馬步兵勇越橋以進將沿
路賊卡盡毀並派令守備詹啟綸帶兵埋伏突
見猴子鋪出賊千餘名該守備帶隊迎勦成明
等分三路接應維時詹啟綸帶勇衝入賊隊賊
已不支又見我軍齊至紛紛向西敗竄富明阿
從歧路包抄截殺殆盡成明復督同富明阿進

攻六合探知猴子鋪孟家店一帶聚有逆匪數千名派令參將英貴等由中路進勦副將馬德昭等由左路進守備詹啟綸由右路進富明阿等分爲兩翼博奇帶隊截其要隘成明督軍策應諸軍鼓銳向前槍礮齊施接戰三時之久詹啟綸首先衝入賊陣英貴馬德昭等相率繼進賊卽回竄殪斃轟斃無算富明阿復率馬隊兜

擊該逆拌死亂竄自相踐踏屍橫徧野餘悉奔
向東關我軍跟追直薄賊壘先用噴筒火箭繼
以槍礮旋見牆內火起焚燒更棚瞭樓數處約
斃賊一千七八百名生擒七十二名查該逆堅
踞六合非掃除陳板橋以西賊黨不能繫偏城
下現在揚州防兵無多而甘泉山陳家集等處
均通六合各營後路尤所當防且天長駐兵無

幾設該逆突犯揚州實亦不能不慮臣屢囑鞠
殿華加意防範自督留邵各兵於十月二十二
日移紮五臺山其地在揚城便益門外嚴扼要
口既可就進策調各軍設西北山等處有警亦
可兼顧

德興阿又奏言臣接江甯將軍和春福建巡撫
慶端咨稱周天受及朱承先等軍均難調回而

江北馬步現止八千且多傷病勇則不滿

查六合迤西浦口江浦並皖省安慶廬州鳳陽
等三府所屬州縣大半皆爲賊踞儻賊分股再
竄儀揚北擾清淮實無兵勇可資堵禦可否請

旨飭調陝甘督標兵八百名河州鎮標循化保安各營
兵六百名固原提標兵六百名漢中鎮屬兵八
百名直隸大名正定兩營兵各四百名各配七

成槍礮攜帶前來至黑龍江隨征者現止二百餘人不能成隊請

旨賜撥黑龍江省城馬隊一百名餘丁五十名布特哈上三旗馬隊一百名餘丁五十名全帶馬匹來揚並請

飭知陝甘總督調撥甘州孳生馬五百匹迅來揚營以利追勦再選兵不如選將江北將領無多查有

黑龍江協領富陞阿四品官托克托布佐領額
哲通額富平阿蘇楞額又陝甘督標中軍副將
郭相忠署副將成瑞遊擊趙秉鑑署參將張敬
王禮陳應春署守備朱子俊均以英勇著名可
否仰乞

天恩卽飭各將軍總督迅飭各該員弁來揚實於勦賊
有益奏入

上命軍機大臣傳諭德興阿鞠殿華成明毛三元曰總
兵成明督兵進攻六合擊焚賊卡德興阿現已移營
五臺山著卽督飭各軍節節進逼現在江南東自江
甯鎮至采石磯百餘里一律肅清是南岸剿辦正在
得手若該逆窮極思竄則北岸防剿情形愈爲喫重
德興阿兵勇潰散之後馬步僅止八千自應量爲抽
換惟直隸陝甘黑龍江官兵未能照數調撥致本地

空虛本日已諭慶祺樂斌酌調官兵奕山調黑龍江
餘丁馳赴該大臣軍營聽候調遣請調將領馬匹亦
諭奕山樂斌酌量派往德興阿惟當力圖振作親督
各軍自東而西將六合江浦之賊次第掃除並嚴扼
該匪紛竄之路是爲至要

上又命軍機大臣傳諭奕山曰現在江北六合江浦俱
爲賊踞必須添兵攻剿黑龍江官兵在德興阿軍營

隨征者現止二百餘人不能成隊自應添撥前往助
勦著奕山挑選餘丁一百餘名前赴揚州軍營又據
德興阿奏江北將領傷亡病撤者甚多所有黑龍江
協領富陞阿四品官托克托布佐領額哲通額富平
阿蘇楞額著奕山酌調數員派赴江北交德興阿軍
營差遣

上又命軍機大臣傳諭慶祺樂斌曰江北軍情緊要急

須攻復六合德興阿所統兵將累年征戰傷亡疲病
居多自應照數換補以期得力惟直隸爲京畿翊衛
屢經征調營伍空虛未必再能多撥著慶祺於大名
正定兩營內酌抽精銳合成四百名飭赴江北軍營
陝甘亦係邊陲要地不能悉如所請著樂斌體察情
形於所屬各標營湊撥兵一千名其所指調各該員
弁能否酌調前往江北並著該督酌量辦理至孳生

馬匹如能調撥三四百匹亦著飭赴德興阿軍營勿
稍遲緩

初三日甲戌官文奏言臣接據都興阿咨稱十月

十九日賊匪數萬傾巢來攻桐城我軍力戰不
支紛紛潰敗桐城爲安慶犄角桐城旣潰安慶
攻圍之師前後受敵都興阿一軍前有堅城未
下後虞悍賊抄截不若暫撤以保銳氣已飛咨

都與阿由石牌宿松一路撤退並撤李續宜等
軍力扼潛太一帶以牽賊勢 臣思李續賓之敗
原因急攻三河赴援廬州深入重地頓失萬餘
精銳非一二月所能復振查侍郎曾國藩前奉
諭旨督師赴閩現聞閩中已報肅清江西尙無緊要軍
事皖楚正當喫緊之時李續賓所統將弁勇丁
均其舊部收集撫馭較易爲力應請

勅下曾國藩迅速帶兵來楚以遏皖賊所有李續賓潰
散之勇現飭李續宜接管收集統帶俟曾國藩
到楚悉歸調度撫臣胡林翼前蒙

恩賞假歸葬茲葬事已畢請

旨飭令卽赴署任籌辦防勦事宜南勇方易收拾所關
甚要未可以假期未滿仍行拘泥請假緩期至
李續賓等各員雖無確實下落必已歿於行陣

數載勤勞爲賊所懼深堪慟惜奏入

上命軍機大臣傳諭官文胡林翼曰官文奏桐城兵潰
都興阿前後受敵請飭曾國藩赴楚督剿等語福建
順昌將樂汀州等處賊衆肆擾軍情緊急曾國藩本
擬由杉關入閩因軍士染患疾疫未能前進尙駐建
昌現在閩省待援孔亟而兵勇患病更未便令其跋
涉長途繞赴楚北統計楚省派出官兵及截留湖南

四川兩軍爲數不少李續賓所留兵勇亦可更換抽撥著官文催令李續宜等星速前進力扼潛太以衛楚疆仍會合都興阿官兵相機進剿不得以盼望援師轉涉延誤胡林翼辦理軍務洞悉機宜現值軍務緊急該撫業已葬親事畢著卽馳赴署任協同官文籌辦軍務毋得過涉拘牽致有貽誤

同日會國藩奏言臣調派官軍分道入閩張運

蘭一軍向杉關進勦順昌將樂之賊蕭啟江一
軍向廣昌進勦汀州甯化之賊吳國佐一軍擇
要駐紮以爲後路策應於九月二十四二十六
二十七等日分起拔營茲據蕭啟江稟稱汀州
賊勢浩大復有千刀會匪踞石城縣屬之迴龍
砦臣飭蕭啟江先將石城會匪勦滅再行進攻
瑞金俟江境肅清然後進規汀州甯化江閩交

界中隔大嶺自仙霞南至武平一嶺縣互殆逾
千里大關小隘處處可通現派張運蘭由北度
嶺蕭啟江由南度嶺中間秦甯南豐等處尙覺
空虛該逆仍可伺隙回竄而二年以來賊匪往
返蹂躪嶺內如建昌各屬嶺外如邵汀各屬邑
井蕭條百物蕩盡今歲疾疫流行居民鮮少閩
中田荒米貴油鹽無從購買且無現錢可換臣

駐紮建昌防中路回竄之賊計臣一軍分爲三
起擬俟張運蘭將順昌將樂賊匪搜剿淨盡歸
併汀州一路臣亦率後隊繼進三軍先分後合
可無此勦彼竄之虞惟現在建昌甯郡各屬疾
疫流行爲從來所未見張運蘭一軍前拔營時
留八百人在建昌養病啟行後又續病三百餘
人蕭啟江一軍據報病者一千三百五十六人

吳國佐一軍病者亦不下八百餘人軍行數日
長夫病困鍋帳子藥沿途拋棄輒遣勇丁回舁
病者兼拾棄物以此節節遲延實深焦灼蕭啟
江張運蘭等平日忠勇奮迅最爲出力苟可勉
強趨行斷非肯託故逗留者 臣亦不忍催之又
道員劉長佑一軍駐守新城本擬調赴建昌俾
臣得以督隊入閩而該營患病尤衆幾於十人

而九不復能軍據稟新城無從覓取醫藥懇請
移紮撫州稍資調理已批令暫行赴撫俟病勢
痊愈卽行回駐建昌奏入

上命軍機大臣傳諭曾國藩曰張運蘭蕭啟江吳國佐
各軍均分起拔營前進辦理情形朕亦不爲遙制該
侍郎惟當督飭將士相機勦辦現在福建大股賊匪
併注汀州俟順昌將樂賊匪勦除淨盡卽著曾國藩

督率後隊會合張運蘭等所帶各軍進剿汀州甯化各匪毋稍延緩至建昌等屬疾疫流行各營兵勇現多染病著該侍郎妥爲拊循俾得迅速調治無誤軍行

同日胡興仁奏言祁門敗匪糾合青陽悍賊分竄石埭縣境經官兵擊退石境肅清九月初六日退竄陵陽之賊回竄崇覺寺經江長貴督率

副將吳偉奇等擊退初九日分路進勦該逆大
股竄突江長貴等督軍擊退十八日青陽復添
股匪絡繹而來江長貴會合各營分路設伏復
挑勇抄出陵陽鎮後路併力合擊詎意南陵繁
昌各路敗匪麤聚青陽二十三日大股進竄平
坑嶺經鄧紹良所派之參將石玉龍等擊走遂
併股由泥田東衝等嶺進竄又經兵團會擊賊

卽進犯苦竹橋經遊擊陳大富戰敗於望月亭
乘勝追殺至卓村賊伏四出江長貴由閒道力
解重圍而崇覺寺警報屢至江長貴復帶隊折
回該逆進犯長木九鳳等嶺及卓村地方均經
我軍擊退其旁竄蜈蚣嶺者又經涇防將領擊
回次日江長貴敗賊於九鳳嶺復督飭陳大富
等敗賊於苦竹橋該逆遂分踞曹村陳村等處

大股進犯長木嶺我軍按旅鎮定待其逼近嶺
脚卽揮軍抄擊賊旋潰退中道設伏之馬光宗
等首尾夾擊大獲全勝陳大富亦派隊赴陳村
夏村燒其巢穴軍威大振張芾復飭副將余永
椿由祁夥前往會紮夏村三十日江長貴親督
進剿忽報賊竄夏村遂躍馬馳回揮令衝入賊
陣袁國祥亦飛騎來援余永椿抽撥之兵勇同

時踵至三路夾擊賊遂大敗是日吳偉奇在崇
覺寺亦出隊擊賊獲勝時卓村敗匪尙踞泥田
嶺夏村敗匪尙踞六都袁國祥等會合青石太
平團練分路攻襲兩路之賊紛紛驚潰退踞陵
陽鎮十月初三日各隊前進誘賊馬光宗等從
右翼進黃朝陞等從左翼進江長貴等分起繼
至兩路包抄已在陵鎮之後陳大富等從東衝

嶺來會劉朝林等從魚龍洞來會太平縣知縣
楊仁等會督練勇分投掩殺賊勢不支意圖旁
竄袁國祥等揮軍直入江長貴斬關進徧當將
陵陽鎮賊營毀平斃賊無數餘匪竄奔青陽下
鄉及南陵繁昌而逸追逐三十餘里其太平縣
卓村等處匪徒竄至蜈蚣嶺外之西坑嶺等處
經曾得勝帶勇截殺賊衆奔敗江長貴以崇防

各隊往擊陵陽鎮賊營石玉龍派涇防各隊會
同南陵防兵分路進攻該逆約五六千人前來
迎敵胡鳳鳴連斃悍賊十餘名逆勢稍卻而山
凹內伏賊二三百人突從右路抄來敗逆又復
回拒鄭國泰等冒死殺出適都司劉仁祿等從
嶺上出而夾擊各團勇復四路助戰該逆首尾
受敵敗奔卓村卡內三十日江長貴分兵由九

華嶺苦竹橋進勦各軍亦四路殺入該逆大敗而逃竄走嶺下官軍連日攻毀胡家祠戴塘橋戴家匯章村湖工山各賊卡現在涇太石埭一律廓清總兵江長貴厥功最偉其餘出力員弁懇請

恩旨優予獎勵

胡興仁又奏言臣接張芾周天受函稱婺源賊

匪有久踞之勢我軍無合圍之力以致屢攻未
下應添設勁旅二千人稽查防勦等語 臣查金
陵大營咨調周天培所部三千餘人已由閩拔
隊起程前往金陵援勦其督 臣 王懿德先派之
副將張騰蛟管帶兵勇二千五百人計程可到
衢州 臣 擬將張騰蛟所帶兵勇暫留衢防歸李
定太調遣令赴白沙關駐紮俟婺源克復後再

飭前赴金陵奏入

上命軍機大臣傳諭胡興仁曰前諭周天培張騰蛟兩軍馳赴江南交和春調遣乃據胡興仁奏稱衛防緊要張騰蛟一軍擬暫留衢州歸李定太調遣現在江北浦口六合未復江南截勦各路援賊正須厚集兵力浙省全境業已肅清情形較爲鬆緩不宜以有用之兵置之防守之地所有張騰蛟一軍著該撫仍催

令趕緊前進速赴江南軍營歸和春調遣其白沙關
應設防兵著胡興仁會同張芾另行籌撥

上諭內閣曰總兵江長貴督率各軍分路攻擊將陵陽
鎮賊營全數毀平其太平縣卓村等處竄匪復經涇
防官軍攻勦屢有斬獲將工山賊巢擊破勦辦尙爲
得手著該撫嚴飭在防將士認真攻勦迅克葵源縣
城江長貴著賞加提督銜遊擊袁國祥著賞給勤勇

巴圖魯名號都司銜劉祥林著以都司選用已革都司曾得勝前被叅帶勇滋鬧之案著免其提訊仍革職留營以觀後效

初八日己卯和春奏言溧水克復潰匪四竄勢必

糾合蕪太股逆謀犯黃池當由臣咨令鄧紹良

將甯國前次派赴高瀆兵勇豫爲布置以固腹地一面派總兵張玉良留守溧水鄭魁士留守

高瀆協力嚴防迨西路銅井慈湖援賊一律肅
清餘逆遁回金柱關於十月十四十五等日竄
至烏溪擄船紮卡揚言內犯鄭魁士派副將朱
承先等馳赴水陽隘堵鄧紹良派兵會勦詎該
逆號召江北悍賊勢甚猖獗孤山壩老鴉山等
處官兵均被衝潰其方村石碓奎潭一帶復爲
賊擾二十五日烏溪之賊復以大股攻撲水陽

涇壩灣黃同時危急鄧紹良因兵單乞援臣與
張國樑等相商抽撥各營勁旅五千揀派總兵
戴文英統帶星夜取道高涇馳赴灣黃應援會
同鄧紹良相機堵勦以厚兵力其涇壩各防飭
鄭魁士嚴加堵禦並令張玉良酌度情形萬一
涇壩喫緊卽派兵就近策應以免乘虛四竄至
朱承先等一軍疊奉

論旨飭赴江北前者西路廓清卽擬派往惟此項兵勇
經鄭魁士撥赴甯防之水陽地方並分守高瀆
東壩各要隘俟防務稍鬆卽飭渡江聽候德興
阿調遣

和春又奏言十月初八日遊擊鄭吉星等駕紅
單等船分攻蕪湖賊壘揮船直進拋射火箭焚
燬南北更樓二座賊卡二座殲匪甚多正在鏖

戰之際突有逆划數十繞我水師之後官兵奮力追勦擊沈十餘隻餘皆竄逸十二日探報江北潰匪千餘糾合繁昌股賊竄至峨橋築壘參將郭定猷等由陸路進勦都司馬喜由水路截擊會同石碓官兵三面夾攻該逆不敢迎拒各鳥獸散次日仍飭所部會擣峨橋逆卡斃匪約百餘人大隊一擁而進賊勢不支竄入橫山橋

而三十一去十九日銅井慈湖潰匪由清水河搭橋撲
犯鴉山陸營蕪壘峨橋兩處又各出賊數千窺
伺魯港郭定猷等由蕪湖林士志等由雙港分
途迎勦都司馬喜等埋伏馬步橋次日郭定猷
等先令精銳屯紮煙墩山五里亭等處俟賊隊
漸近兩翼分抄接仗兩時之久我軍前後夾擊
殲匪無數峨橋之賊知我全軍登陸乘虛徑撲

魯港水營馬喜等伏兵齊起當將逆隊擊回一
面馳赴五里亭助勦外委林健高等裹創力戰
殺賊甚多始各潰竄並有青陽股賊千人竄至
三山江岸亦經守備何夢龍擊退堪以上慰

宸廑奏入均報

聞

同日荊州將軍都興阿奏言臣自安慶撤圍後

派令步隊在前馬隊殿後次日步隊徑至石牌
馬隊紮於三橋鎮豫備接應潛山詎馬隊未到
之先潛山各營已退臣連夜帶隊趕赴石牌陸
續撤至桃花鋪一帶旋據探報逆賊由潛山至
黃泥港小池驛希圖上竄太湖時唐訓方初到
因太湖無險可守營壘未堅已撤轉張家塆扼
守陳德園一帶臣卽率同多隆阿帶馬隊趕至

新倉渡河截擊逆賊分兩路上竄我軍由黃泥
港迎勦賊匪數萬排隊抗拒多隆阿四路衝擊
槍箭齊施逆賊潰退我軍追殺三十餘里斃賊
三千餘人生擒三百餘名正擬撤隊該逆另股
萬餘由小池驛抄我後路多隆阿卽撥隊截擊
又斃賊數百名賊始怯退臣遂商同多隆阿催
趨馬隊趕至太湖城北山坳稍息馬力十月二

十五日馳抵宿松惟時鮑超率霆營已至二郎河駐紮精選各營已紮宿松探知賊由荆橋陳家大屋一帶築壘數十座距我兵營盤僅數里許是夜臣帶馬隊擺列營旁以固軍心次日多隆阿卽帶馬步分三路出隊賊衆數萬分路來撲又另股由王家畝繞抄各營臣卽分隊趕至山口堵剿奮呼直前馬隊四路橫衝斃黃衣賊

目數名賊勢漸卻我兵乘勝追擊踏毀賊營三十餘座共斃賊三千餘名生擒五百餘名追至桃花鋪一帶天晚收隊仍回宿松扼紮惟賊數甚多二郎河及黃梅亭前驛獨河橋一帶必須厚集兵力方足以資勦辦屢經飛咨督臣官文迅調副都統舒保進紮二郎河調候補道李續宜九江鎮普承堯進紮黃梅亭前驛獨河橋一

帶聯絡聲勢以壯軍威奏入

上命軍機大臣傳諭官文都興阿曰都興阿現扼宿松
兵力較單著官文卽飭前派赴援之舒保李續宜普
承堯等馬步各隊迅速前進以勦爲防不准令其蔓
及楚疆至唐訓方一軍現駐陳德園地方北路需兵
亦甚緊急一俟舒保等與都興阿會合軍情稍定卽
遵前旨仍著該員帶兵速赴袁甲三軍營聽候調遣

初九日庚辰勝保翁同書奏言查廬城之賊本不

過二萬餘人自楚軍攻克舒桐後金陵首逆遂將東犯揚儀浦六之賊陸續調來凡李秀城陳玉城等著名兇悍逆首悉在其內計賊黨已有十餘萬人今捻匪又竄往合夥如果併力來犯殊有賊衆兵單之慮業經嚴飭已革總兵吉順等力守護城嚴加防範並將馬步兵勇分路布

置現在擒匪偵知定遠有備難保不向六安州
竄擾李孟羣一軍恐不能遏其兇鋒 臣等已飭
令六安州知州茅念劬嚴行防守並飛催唐訓
方一軍由六安前進兼護潁壽或可藉以無虞
勝保翁同書又奏言 臣等所帶

盛京吉林黑龍江察哈爾土默特官兵計不下三
千餘名旋因分撥豫省徐州並撤還歸伍所餘

吉林黑龍江有馬之兵三百八十餘名廬營馬隊三百餘名統計不足七百遇有緊急往來調撥每致不成隊伍南北逆氛並警我軍腹背受敵馬隊單薄實不敷用前於夏間蒙

恩賜撥綏遠城馬隊五百名馬四百匹今閱四月有餘止到一百名其餘馬隊及管解馬匹尙無消息吉林黑龍江馬隊官兵傷亡病故例得咨補合

無仰懇

天恩飭下各將軍於二省正兵餘丁閒散三項中如數
挑選飭令迅赴臣營調遣

勝保翁同書又奏言臣接袁甲三函稱須後路
餘檢肅清方可南下揆其詞意恐唐訓方一軍
趕到仍爲北路牽掣該京卿亦未能遽行前來
而現在張龔二首逆共踞懷遠久無專力督辦

之人頃又分股勾合廬郡粵逆儻乘虛復竄西路不獨正陽壽州岌岌震動卽潁郡霍邱固始已經廓清之區必致前功盡棄豫疆爲北竄門戶所關匪細臣等極力圖維斷不能分兵西路因思唐訓方一軍與其繞赴淮北而袁甲三仍不能前來不如先其所急就令此軍由六安正陽一路扼要進紮攻剿懷遠逆捻就近聽候臣

等調遣於勦務實有裨益奏入

上命軍機大臣傳諭勝保翁同書曰前因李續賓三河
失利桐城危急當諭官文飛飭唐訓方轉回潛山力
援桐城俟大局布置稍定再令赴袁甲三軍營調遣
茲據勝保等奏袁甲三爲北路餘捻牽掣請飭唐訓
方由六安正陽一路進紮攻勦懷遠等語唐訓方一
軍昨據都興阿奏已撤轉張家塆扼守陳德園一帶

以固楚疆業經諭令官文等俟楚北軍務稍定卽飭
仍赴徐宿未便朝令暮改致令無所適從其懷遠一
帶現無專辦之人著該大臣等仍遵前旨分籌兼顧
其湖南四川兵二千五百名本係勝保所調現在湖
北防堵業經諭令官文俟該省軍情稍定卽行飭赴
勝保軍營著該大臣就近催提以資攻剿

上又命軍機大臣傳諭景綸奕山曰勝保等軍營所有

吉林官兵遣撤及病故陣亡者共二百二十二名黑龍江遣撤及病故陣亡官兵共一百二十七名所餘馬隊不能成軍現當粵捻各匪交乘之際剿辦甚屬喫緊著景綸奕山各於該省正兵餘丁閒散三項中酌量挑選飭赴安徽定遠軍營毋稍遲誤

同日胡興仁奏言總兵米興朝勦賊於赤嶺牧家亭斃匪二百餘名十月十五日峨橋之賊經

副將郭定猷等從下游力擊斃賊數十名賊仍
不退千總陳科登等策馬衝鋒連砍數賊突被
羣賊圍裏陳科登潰圍殺出各軍奮勇殺上殲
斃悍賊甚多其北岸之賊渡河經副將貴廷芳
等排隊環擊賊勢不支十七日賊衆萬餘分道
攻撲經總兵蕭知音飭令各營堅守並以楚兵
隊伍紮周家村防其內竄該逆由丁村等處直

撲兵勇營盤北岸之賊亦分股來撲另股逆匪
又繞出橫岡橋圍撲廣勇智仁勇二營火器拋
入營中蕭知音正在督戰見後路火起繞道往
援時張宏得等甫自烏溪帶隊回營卽飭各軍
分路夾擊將賊擊退救滅餘火仍令張宏得等
堅守營盤維時龍正耀等禦賊於周家村衝入
賊隊突被賊匪槍傷都司張得祿亦被矛傷適

蕭知音轉戰秦家嘴督名楊金榜等夾擊道員
仲孫懋派都司黃金祥會同抵禦賊始敗退至
蕪湖之賊於十七日從鷹村橋等處三路來犯
參將吳再升禦賊於五里亭已革遊擊田應科
等禦賊於小蒜山都司張宏升禦賊於鷹村橋
吳再升卽會合田應科及張宏升分途迎勦遠
以槍隊轟擊近以刀矛揮殺賊中傷亡極多正

在追殺之際賊中馬隊數十騎橫馳來援各隊
奮勇抵住賊始卻退 臣查鴉山孤山方村兵力
均形單薄其溪心港施家渡尤爲空虛現經鄧
紹良飛調勇丁四百名紮營溪心港軍功黃大
勝紮營施家渡遊擊劉仁福等扼紮水陽裘公
渡總兵米興朝所帶之勇交都司劉仁祿帶赴
灣沚以備策應石玉龍分撥勝勇四百名填防

南陵一面咨請和春張苦江長貫酌撤留防各
隊迅速回援以資攻勦所有已革遊擊田應科
已革都司蕭傳科前因撫臣晏端書奏叅摘去
頂戴此次南陵之役身先士卒未便沒其愧奮
之心可否仰懇

天恩准予開復出自

鴻施

胡興仁又奏言臣思甯防喫緊大營及徽防撥
兵援勦恐緩不濟急現有由福建折回之兵勇
二千五百名因張騰蛟患病由遊擊馮日坤等
管帶前赴金陵臣當飭令馮日坤先赴甯國聽
候鄧紹良差遣又查總兵周天培已行抵衢州
刻下甯防兵力單弱臣擬俟其到杭再與面商
取道甯國行走藉壯聲威奏入

上命軍機大臣傳諭胡興仁曰鄧紹良所部一軍其勢已成渙散必須由浙趕緊籌撥兵餉庶可固結軍心著胡興仁卽遵前旨設法籌措毋得藉詞耽延至胡興仁奏稱甯防喫緊將由福建折回之兵勇二千五百名飭赴甯國聽候鄧紹良調遣此項兵勇著卽催令馮日坤等統帶迅速前進其總兵周天培現已行抵衢州俟到杭後仍著馳赴江南大營聽候和春調

遣

上諭內閣曰甯國官軍攻勦南陵等處各匪賊中傷亡極多著鄧紹良等卽飭各軍迅速進勦已革浙江提標前營遊擊田應科已革平陽右營都司蕭傳科調防半載身先士卒尙知愧奮均著准其開復原官

同日署浙江提督鄧紹良奏言查甯郡設防在宣城南陵涇縣太平蕪湖五縣之地要隘三百

餘里兵勇僅萬七千有奇兵力本不爲厚春間
賊犯灣黃添募新勇二千餘名事平之後隨卽
裁撤其援浙之師六千雖經先後撥回又經臣
張芾截留三千現在賊以數萬之衆分撲黃池
鴉山孤山壩各防甯防要隘皆與賊巢爲鄰近
則蕪青繁銅可以呼吸而至遠則無爲和滁亦
可渡江而來兼以祿口秣陵溧水敗匪勾合金

柱關東西梁山逆黨而潛太舒桐相繼克捷縱
陽逆壘土橋賊營又爲上游官兵踏平竄身無
所直以甯郡爲下流之壑故抵死衝突而所派
防勇鴉山僅二千二百人孤山壩僅楚兵五百
其就近可以策應者石碓僅一千五百方村僅
一千一百卽臣駐防灣沚重地亦僅五七起楚
兵千名抽撥赴援究屬無幾至留徽之師疊經

咨調尙未趕至所請金陵大營及高瀉之兵亦
未見到僅水師總兵吳全美派兵策應賊則日
夜環攻未肯回巢仍散處於湖坪山頂乘隙來
撲者五六晝夜孤山壩營盤於十月二十三日
失守鴉山各營猶復力禦因無大隊爲援亦於
二十五日潰敗現在鴉山突圍兵勇及方村石
碓撤退之師經臣派赴紅楊樹方山西河一帶

據河築壘希冀暫救目前黃池大股賊匪業將
黃防牽掣更於烏溪搭造浮橋圖犯宣城建平
所派遊擊劉仁福帶勇五百會合民團數千力
扼要衝旣未可以輕動而南陵統領副將米興
朝又在告急各路援兵如能速至猶可固結軍
心顧全大局否則決裂卽在目前矣奏入

上命軍機大臣傳諭和春張國棟許乃釗鄧紹良曰黃

池灣汜爲皖南屏蔽江浙門戶必須厚集兵力堵其
紛竄昨據和春奏抽撥各營勁旅五千派戴文英前
往應援著卽飛飭該總兵迅速起程此外有無可撥
之兵該大臣等務當不分畛域移緩就急妥籌布置
鄧紹良務當拊循士卒毋令軍心渙散至閩省折回
之兵勇二千五百名因張騰蛟患病派遊擊馮日坤
等管帶胡興仁因甯防兵單飭令先赴甯國聽候鄧

紹良調遣計已兼程趕至鄧紹良得此一軍相助亦足稍振軍聲其周天培帶兵已抵衢州該撫擬令改由甯國行走惟江南現亦需兵已諭胡興仁令周天培仍赴和春軍營到時或留江南或撥往揚州均著該大臣等酌量辦理

欽定勦平粵匪方略卷二百十 戊午年

十一月十一日 壬午 德興阿奏言查成明等進攻

六合兵勇雖有六千而自陳板橋至六合縣城
徧地皆賊諜報官軍上月連獲勝仗之後六合
添賊三千餘名且有浦口江浦逆黨時相接應
臣已商鞠殿華酌帶兵勇親赴儀六交界察看
地勢步步爲營會同成明等進勦據和春咨稱

浙師朱承先等兵勇五千已飭分路過江此軍到齊卽將六合四面圍攻兼以銳師截其西路之援俟各路調撥之兵大集布置俱定臣再移營前進又查揚城東有下河爲江南產米之區西有甘泉諸山緊接滁州六合山徑紛歧賊可路路窺襲北則高寶長淮尤爲直北山東第一門戶是揚州三面均宜設防現留毛三元與總

兵安勇等督帶兵勇分紮郡城西北各門所有
撥守萬福橋邵伯之兵勇俱可聯絡臣仍紮營
五臺山於揚城六合等處均可策應現在臣病
已愈鞠殿華傷痕亦痊均可努力前進惟有痛
自刻責力加奮勉早克一日城池卽早減一分
罪戾

德興阿又奏言正在拜摺間接知縣楊鍾琛飛

稟朱承先等兵勇因高涓灣沚黃池等處賊勢
緊急不能北渡等語臣思朱承先等如不能到
江北兵力過單實深焦急惟有鞠殿華帶兵馳
赴儀六交界會同成明等偪攻六合一面飛飭
楊鍾琛探明覈辦奏入

上命軍機大臣傳諭德興阿鞠殿華成明毛三元曰六
合賊勢鴟張亟應迅速進兵卽朱承先等一時未能

遽到該大臣亦豈能專待此軍株守揚州不思振作
據稱鞠殿華等已帶兵馳赴儀徵六合交界該大臣
統轄全軍正當親督重兵移營進剿爲鞠殿華後路
聲援現在揚州郡城已留毛三元及安勇等兵勇分
紮足資堵禦該大臣惟當迅速拔營前進督飭成明
等共擣六合迅圖恢復以贖前愆不得專待南岸援
軍致誤事機

同日都興阿奏言安慶各營撤至宿松賊卽隨
後大至其勢甚衆前敵官軍兩路分紮實形單
薄前自李續賓三河失利卽疊經催調援兵舒
保馬隊由武昌起程至今半月有餘尙未趕到
臣所部僅霆字等十餘營步隊實屬不敷堵剿
屢將待援情形飛咨總督官文惟相隔較遠於
前敵盼援情形未能迅悉卽如前此分兵援皖

若有胡林翼督辦調遣李續賓亦不至深入失利可否仰懇

天恩迅飭胡林翼趕赴湖北軍營扼駐黃梅一帶居中調度庶於楚皖軍情均有裨益奏入

上命軍機大臣傳諭官文胡林翼都興阿曰都興阿撤安慶之圍馳赴宿松後賊隨大至情形危急胡林翼前在湖北調度各軍悉合機宜此時該署撫諒已到

省卽著前往黃梅一帶駐紮將撥兵籌餉各事宜妥爲督辦至都興阿身任將軍且係幫辦軍務除所部各營外其餘兵勇亦應聽其調度所有舒保李續宜等馬步各軍早經官文派出赴援何以日久不至卽著該將軍速行催提前赴宿太一路協力攻勦儻有耽延不進以致貽誤機宜者卽著從嚴叅奏

同日駱秉章奏言兵機因賊勢而生苟事會在

所宜乘卽機宜未容稍滯 臣請以目前局勢言之李續賓率師援皖一月連克四縣軍聲甚振嗣因進規廬州親率所部先攻三河僞城亦已獲勝逆首陳玉城率大股援賊倏至李續賓縱橫血戰力竭而敗現圍安慶之水陸各軍恐難支持是皖省事勢最急而勦之不可以緩也逆首石達開由浙竄閩以後氣勢頓衰張運蘭劉

長佑斬馘數萬入閩之賊掠食維艱解散漸衆
賊勢愈趨愈南將及泉漳潮州一帶此數郡者
民風素勁地勢有險可憑如能激勵士民共相
聯絡而以官軍數路蹙之無難歲事是閩省事
勢稍緩而勦之尙可不急也曾國藩先擬從雲
際關入繼知賊已南趨恐其回竄江西改由建
昌截勦乃賊知官軍將至復轉而東趨曾國藩

現分遣張運蘭蕭啟江率所部兩道入閩將窺
賊所向殲之然當賊勢衰微之時閩粵督臣任
勦之事江西撫臣任防之事似亦力尙有餘何
須客軍遠涉且以大局言之皖省居江淮之中
毗連數省南北東西橫決四出皆足爲腹心之
患迥非閩廣僻在一隅者比李續賓未敗尙可
期次第翦除肅清全境今則軍威已挫賊勢更

張勝保袁甲三翁同書皆有賊衆兵單之慮其
急宜增軍速鞫固已無疑曾國藩所部均是百
戰之餘而由鄂援皖之軍又多其舊部若調之
赴皖收召李續賓所部各軍並選調鄂省各軍
厚集其勢則勝保袁甲三遏其北曾國藩扼其
南自可力挫兇鋒而豫操勝算其道員蕭啟江
所部四千人仍留江西擇要防守合無仰懇

天恩迅飭曾國藩察看緩急情形妥爲籌辦庶於東南
上游大局有裨奏入

上命軍機大臣傳諭曾國藩曰李續賓一軍進攻三河
全軍失陷都興阿圍攻安慶之師亦經撤回宿松一
帶皖北賊勢颯張楚省邊防喫緊諒曾國藩亦必有
探報此時閩省之賊已南趨漳泉距江西漸遠若照
略秉章所請令該侍郎移師赴皖而留蕭啟江防守

江西亦未始非權衡緩急之計惟曾國藩所部各軍多染疾疫前奏尙須休息景德鎮尙有大股逆匪隨剿隨進亦非計日可到著曾國藩豫爲籌度如果閩省賊匪本省兵勇足資剿辦而江西邊境防剿有人自以赴援皖省爲要不但廬州省城可收南北夾攻之效卽上竄湖北之路亦可藉資堵扼儻因汀州甯化等處尙須兵力一時不能移軍或須俟景德股匪

殲除再回楚北亦著斟酌具奏

十四日酉乙王懿德奏言前因江北浦口失利飭

令馮日坤等統帶兵勇先行馳赴金陵茲聞江

北軍情日緊需援甚急總兵周天培已飛飭兼

程前進惟延平府屬順昌將樂等縣餘匪未盡

殲除據汀漳龍道英樸稟稱汀屬賊營數十里

上杭縣城被賊圍攻周天培一軍遽行回援江

北則延建邵三府勢必震動臣卽飭總兵饒廷
選由延平取道赴汀督勦汀漳龍道英樸由漳
州進兵侍郎曾國藩已派道員張運蘭由邵武
杉關進勦似此分路兜擊當不難痛加勦洗克
復各城所有原調赴汀援勦之潮州鎮壽山所
統兵勇二千已派守備方玉雲帶勇馳抵上杭
駐紮東關外地方相機勦辦其將樂順昌等處

餘匪並經飭令遊擊黃禮鈺會同護理延建邵
道潘駿章嚴督在事員弁兵勇趕緊搜捕臣一
面仍咨商曾國藩妥籌會勦至周天培由浙援
閩克復浦城水吉建陽等處旋經移師洋口一
帶連日苦戰屢獲勝仗攻拔賊巢暨克復順昌
縣城行軍穩練進止有法洵爲提鎮中不可多
得之員合無仰懇

天恩俯准量予優獎之處出自

鴻慈奏入

上諭內閣曰雲南鶴麗鎮總兵周天培由浙江赴援閩
省克復浦城水吉建陽順昌等處洵屬著有勞績著
遇有提督缺出提奏

同日胡興仁奏言臣疊據提臣鄧紹良咨稱燕
逆糾合江北大股賊匪分竄甯防十月二十七

日和尙橋一帶之賊竄踞清涼渡等處逼近灣
沚其馬隊衝至李家渡營盤我軍列陣以待該
逆未敢涉淺二十八日逆衆大股於灣沚牽掣
另股五六隊每隊約千餘人從灣沚對岸至盤
龍甸一帶已在灣沚後面爲灣黃適中之地逆
衆旣經聯營情甚叵測刻下灣沚孤軍獨立僅
能力圖守禦非有大兵接應不足以資攻勦等

語臣查皖南甯國南陵等處爲江浙兩省門戶
現在高瀆告警金陵大營卽使有兵可援亦恐
緩不濟急適遊擊馮日坤所帶兵勇到杭臣卽
飭由四安前赴甯國聽候鄧紹良調遣十一月
初二日周天培帶兵勇三千二百餘人亦由閩
到杭臣亦咨令取道四安會同鄧紹良勦辦俟
甯防稍靖卽令馳赴金陵較之金陵援師更爲

聞

便捷奏入報

十七日子戊官文都興阿奏言臣都興阿所部鮑

超霆字五營紮於二郎河多隆阿精選開化等

營紮宿松相隔三十餘里中間以馬隊往來梭

巡聯絡十一月初六日探知逆賊竄至花涼亭

二十五里墩荆橋一帶築壘偏近各路官營不

戰必致坐困是日晚閒多隆阿探知荆橋賊勢
稍緩潛率精選開化等營銜枚疾進馳至二郎
河會合霆營由車谷嶺調石清吉飛虎三營分
道進勦花涼亭一路臣都興阿率馬隊設伏而
進我軍部署甫定賊已大股分布數十層懸互
二十餘里蟻擁來撲多隆阿等分途迎擊鏖戰
逾時勇氣倍增埋伏馬隊一路繞山右橫衝一

路迎前直突馳過賊壘之後燒燬後路賊壘及
賊踞村莊數十處殲斃賊匪甚夥前敵賊陣漸
亂步隊乘勢攻擊賊潰竄山谷遂將花涼亭一
帶賊壘全行削平馬隊追殺三十餘里一路賊
壘悉行踏平計殺賊七八千逃散裹脅亦數千
名生擒五百餘名是晚多隆阿恐宿松空虛連
夜仍回宿松次日黎明向荆橋一路排開隊伍

以壯聲威所有陣亡之卽補協領穆精阿等合
無仰懇

天恩從優賜卹奏入

上諭內閣曰此次勦賊陣亡之黑龍江卽補協領穆精
阿委防禦恩科巴雅爾披甲凌春從征數載各著勞
績茲以臨陣捐軀殊堪憫惻均著交部從優議卹
同日耆齡奏言福建甯化縣逆匪分股擾及石

城縣境該縣知縣張鎔派練勇往勦殺賊一百二十餘名餘匪敗回甯化又追殺三十餘人九月初十日甯化賊匪約近萬人竄擾石城縣橫江地方另股賊匪七八千人直撲石城縣城經官軍擊敗該逆擁衆萬餘圍攻西南兩門張鎔等豫伏兵於近城地面章越峯等出西南二門迎戰許朝金等伏勇齊出兩路夾攻斃賊三百

七十餘人該逆望甯化遁去我軍追逐十餘里
殺賊三十餘人城圍立解是日申刻甯化股匪
八九千人竄至石城縣前江地方復圍縣城又
爲我軍擊敗竄往瑞金之湖陂一帶署知縣章
澍調勇迎擊賊甫敗退詎福建汀州逆匪山篁
竹嶺小路徑撲縣城防城兵力無多以致被賊
攻陷先敗之賊亦復折回與城內之賊同攻章

澍等營盤章澍等奮力衝殺退駐石水灣該逆
復擾及會昌縣西岡一帶偏近雩都縣情形均
甚喫重現經臣飛催參將遮克敦布並贛南鎮
道督飭兵勇兼程進剿並經會國藩派蕭啟江
一軍由廣昌石城進攻瑞金務期迅速掃蕩收
復城池所有署瑞金縣知縣章澍署把總尹士
寅失守縣城防範不力請

旨將章澍尹士寅一併先行革職留於地方責令帶罪

圖功奏八

上諭內閣曰福建甯化賊匪分股圖擾江西石城縣境復竄瑞金之湖陂一帶縣城被陷著耆齡迅速派員會同曾國藩等合力進剿剋期收復城池署瑞金縣知縣章澍署把總尹士寅失守縣城雖因衆寡不敵究屬疏於防範均著先行革職留於該地方帶罪效

力

耆齡又奏言八月十五日劉于瀆督軍進紮離
景德鎮三十里之鱖魚山河水陡漲卽率師船
馳抵景德鎮賊水路出拒我軍一鼓直前斃賊
數十人次日該逆由西岸來撲官軍營盤各營
出擊賊卽飛奔回鎮九月十五日賊衆四五千
人分路來犯我軍亦分投截擊各勇連斃悍賊

十餘人餘匪敗遁十六日賊分三大股傾巢而出劉于瀆分撥各營迎戰蔡亮和等出禦中路之賊衆寡不敵相繼挫退傅承雲等堅守營牆礮斃數賊賊不敢近東岸長勝營朱洪章率勇渡河橫截河邊一股賊勢稍卻中路之賊亦歸併河邊拒敵並欲分股渡河阻我後路各營大礮齊轟扼住渡口萬泰率九江兵過河助戰三

路齊進立將河邊大股擊敗其裏鄉一股經蔡
康業等張翼而進斃賊甚多追逐十餘里而還
二十二日賊衆二三千人由東路出撲吳開嶺
營卡營官謝得龍卽率前左中三營會合樂平
團勇馳至小里地方鼓譟直前賊勢稍卻少頃
復來衝撲各勇奮力迎戰回合十餘次賊衝我
軍不動分股繞出金雞壩圖抄我後白天佑率

領右營中途邀擊殲戮甚多賊敗歸併大股我
軍乘機衝入立斃悍賊數十二十四日劉于瀆
派軍由東路進攻自督親軍由西路沿河兩岸
並進力戰良久山坳突出另股抄襲段起等將
賊擊退詎左右山內又有伏賊來抄朱洪章率
長勝營自東岸進將賊擊敗追至景德鎮對岸
西岸之賊悉衆渡河長勝營及安旅軍均被圍

困水勇舍划登岸與長勝營合力衝出重圍幸
值東路各軍偪攻鎮後賊全股退回救應我軍
直前追擊將馬鞍山賊卡四座焚燒忽大股賊
匪二千餘人由山後抄來謝得龍奮勇督戰被
賊矛傷四處各營竭力抵禦將賊衆擊走計殺
斃賊五百餘人臣查景德鎮之賊不下二萬餘
人道員劉于滄屢次攻勦尙未得手亟應添調

重兵會勦知縣丁峻所帶彰武軍奇兵營尙稱
精勁業經 臣調往協助以期會同扼勦俾固三
省邊防藍翎千總張桂林縣丞樊俊臨陣捐軀
應請

飭部從優議卹奏入

上從之

二十日 卯 辛 胡興仁奏言蕪逆從五里亭進竄經

參將吳再升等迎擊頗有斬獲同時小萬山之
賊撲犯孤山壩派隊馳往策應仲孫懋從方村
助剿戰至亥刻賊始潰走十月二十一日賊撲
長山營盤經吳再升等擊敗郭定猷等禦賊於
五里亭而峨橋之賊乘虛竄擾石碓另股賊衆
結壘孤山分犯楚營復有賊匪一股逼近鴉山
次日王鼎甲首先擊賊身受二傷曹興隆等陣

亡營盤不守維時鴉山路阻灣防同時危迫
紹良督帶楚兵赴沿河山路堵禦一面飛飭米
興朝石玉龍協助其鴉山一路當飭石碓防營
及吳全美水師就近策應二十三日鴉山鏖戰
竟日該逆恃衆相持我軍傷亡甚多吳再升等
潰圍殺出引兵移紮魯港始得聯絡水師會勦
至黃池各路蕭知音等分路進兵將賊船燔燬

數隻斃賊百餘名賊由烏溪來犯黃宿渡劉仁
福等出營擊退次日雁翅陡門亦有賊馬衝至
經勇練擊散二十六日賊分三路來犯都司劉
仁祿等陣斬賊目數名賊始敗退仍咨鄧紹良
激勵將士奮勇攻勦力圖守禦所有陣亡之遊
擊曹興隆等應請

飭部從優議卹奏入

上諭內閣曰此次力戰陣亡之遊擊曹興隆鄭士騶五
品軍功田有藩均著交部從優議卹

二十一日壬辰官文奏言臣探知李續賓三河失

利之信當卽飛調參將余際昌一軍由霍山進
發馳赴桐城應援又調副都統舒保候選道李
續宜兩軍馳赴黃州接應前敵又截留援淮之
糧儲道唐訓方參將阿達春一軍由霍山折轉

潛太一路前赴桐城勦辦自都興阿退紮宿松
後臣已先飭李續宜撥副將成大吉等軍二千
餘人又湘左等營二千餘人會合舒保等馬隊
馳赴宿松而逆衆蓄謀上犯楚境連毗皖地頭
頭是道臣因令李續宜駐軍黃州收集湘營潰
勇重加整頓凡入楚最要之隘如蘄州之陳德
園以唐訓方訓營駐之又蘄宿交界之小隘嶺

以阿達春一營駐之而令余際昌駐於英山蘄
州蘄水之槐樹坳又令李續宜酌撥勇丁分駐
廣濟之東北路又調駐襄之唐協和等馬步隊
駐守麻城之要隘其各屬偏僻徑途則以本省
紳團彌縫其闕又九江府小池口湖口等處先
經臣飛調普承堯回駐巡防撥知府劉騰鶴一
軍駐守彭澤該鎮等均已趕至防所惟大江縱

橫千餘里防範尤宜慎密亦經 臣 飛咨楊載福
彭玉麟酌撥水師副將李成謀率所部紮武穴
龍坪田家鎮以奇字等營分紮蘄州涇陽口道
士泐黃石磯並於黃州以上至漢陽等處節節
派船扼守以杜偷渡兼爲都興阿後路接應之

師

官文又奏言楚軍東征入皖距鄂千有餘里調

兵馳援分投布置殆無虛日臣總制兩湖兼署
撫篆於策應兵餉二事外地方公事更復繁重
勢不能遠離省垣親督防勦是以前請

恩旨飭下胡林翼迅速來北接署巡撫事務昨接胡林

翼來緘知已由原籍益陽縣起程前來一俟到

省接署撫篆臣當與面商機宜且南勇多其舊

部胡林翼先可馳赴黃州整頓前敵奏入均報

聞

同日勝保翁同書奏言臣等探知捻逆南竄廬州另股尙在廬城迤北迤東等處屯聚紮營仍欲勾結粵逆同撲定遠經臣等商派營總莫爾賡額帶領馬隊前往扼剿復派穆騰阿張得勝等分帶馬步隊馳赴永康鎮鑪橋一帶以備橫截該逆歸路詎匪衆繞由僻路沿淮奔逃當派

馬隊追至懷遠南岸該匪悉數過河已飭殷家
澗以西各處防軍聯絡各圩鄉團以堵爲勦但
該逆出沒無常兵至卽遁兵撤卽來非有專辦
大員駐以重兵不能制其死命 臣等專盼新調
川楚兵到方足以資分撥昨奉

諭旨又以李續賓三河失利川楚各兵已被楚北截留
適據探稟張落刑大股水陸東竄聲言圖撲明

光盱眙意在斷我東路餉道 臣等已飛飭穆騰
阿統帶馬隊星赴岡子集要隘迎截 臣勝保察
看情形卽當前赴紅心驛親督堵勦又據西路
探稱舒桐二城均復失陷李續賓之兵竟至大
挫 臣等統籌全局此時若以全力進攻廬郡當
可力制粵氛無如北路捻燄仍熾一舉足卽躡
我之後定遠恐不能支不得不以重兵先圖固

守定遠扼制南北賊衝而以餘力東西兼顧察
看何路喫重卽向何路勦辦爲戰守皆備之計
現在南北賊衆每一竄突動輒數萬臣等就現
有兵力橫截其中已屬極力支持前請調之馬
隊馬匹厯時半年之久僅到綏遠城官兵百名
餘俱未到其奉

旨撥調之普承堯一軍頃接官文咨稱江西尙未照覆

一時無可指望惟有請

旨飭下官文將截留前項川楚官兵仍催令趕赴臣等
軍營以資調遣並懇

飭將臣上次所請吉林黑龍江兩省額補兵丁迅速照
數挑補兼程前來用資攻剿奏入

上命軍機大臣傳諭勝保翁同書曰皖省南路賊勢旣
張北路捻匪猖獗自非添調勁旅未易兼顧官文暫

留之湖南兵一千五百名四川兵一千名已屢諭官
文察看楚省軍務稍鬆卽飭催川楚各軍赴皖至綏
遠城馬隊曾據袁甲三奏將後起二百名撥赴勝保
軍營而勝保止收到一百名其餘在何處逗留無
迷失著勝保等查明具奏現在復派關保由天津帶
吉林黑龍江察哈爾兵一千七百五十名赴袁甲三
徐宿軍營著勝保咨商袁甲三將截留之頭起綏遠

城兵三百名調赴皖營助勦其吉林黑龍江缺額兵
丁甫諭景綸等挑補尙未覆奏遠道何能速到況爲
數亦屬無多勝保等稍待數日湖北大隊必可到營
彼時分投布置較易爲力

上又命軍機大臣傳諭官文曰前因勝保軍營兵力單
薄諭令官文將截留之湖南四川官兵二千五百名
俟西路稍鬆仍令馳赴勝保軍營茲據勝保奏稱南

北賊衆每一竄突動輒數萬該大臣現在定遠請飭
官文將川楚官兵催令赴營等語勝保以重軍固守
定遠扼制南北賊衝並兼顧東西兩路兵力不敷防
剿自係實在情形楚北防守事宜官文已布置周備
著卽體察近日軍情卽飭川楚官兵迅速前赴勝保
軍營以資助剿其普承堯一軍已到九江如有人接
替著飭令一併迅赴勝保軍營先其所急以顧大局

二十二日巳癸都與阿奏言臣所部宿松二郎河
各營營盤穩固刻下楓香驛之賊已退至蓮花
塘一帶荆橋之賊已退至石牌一帶由官文調
來劉連陞等八營援兵已飭其扼紮宿松派石
清吉飛虎三營楊朝林精選前營由宿松車谷
嶺移紮二十五里墩扼駐要隘至李續宜舒保
現已止其前進卽扼駐上游以便各路探防奏

八報

二十三日甲午胡林翼奏言查李續賓所部各營

提師入皖一月之內攻克四城又復急援廬州
兵以屢分而單氣以屢勝而洩是固兵家之深
忌也破桐城後分營留守以數千之衆用之賊
所必爭之地前無牽制援賊之兵後無彼此倚

角之勢百戰之餘覆於一旦良可痛惜李續賓
忠勇剛烈其質直厚重與漢周勃相似臣與共
事最久見其每戰必先不會少卻一步且湘勇
召募之始整齊樸實甲於諸軍而肅清兩湖平
定江西其功亦冠於諸軍李續賓旣以身殉而
同時陣亡之道員副將以及州縣千把不可勝
計是則變起非常軍氣已寒非歲月之閒所能

復振臣之才力何能補救於萬一惟時事艱難
既未敢稍形推諉亦未可因假期未滿稍涉遲
回現於十一月十三日起程馳赴鄂省仍在湖
南選將募勇以爲後圖新募之勇勢難剋期而
至若待成軍啟行仍恐貽誤事機臣卽一而先
行馳往營中以期就近商辦呼應較靈至臣葬
祭之事勿遽未畢容俟軍務完竣再行陳明奏

聞

入報

二十四日乙未胡興仁奏言臣據鄧瀛稟稱沘防

一軍於十一月初十日出隊先勝後敗戴文英

營盤被匪燒燬兵勇間有潰散鄧紹良大營亦

已被圍情形甚屬危急請派周天培馳往救援

等語臣查婺源未復徽防兵勇難以抽調周天

聞

培一軍於本月初五日過杭計期行抵蘇州若由江蘇之東壩建平取道甯國較爲便捷一俟灣黃圍解再赴金陵亦不至耽延時日奏入報

二十五日丙申和春奏言據鄭魁士等稟稱探得

戴文英於初十日黎明由灣沚渡河攻勦逆營因賊匪大股分路抄撲我軍寡不敵衆驟難獲

勝仍悉力進攻詎料黃池之賊瞰我營壘空虛
躍水潛渡襲破我營放火焚燒戴文英回兵馳
救遂爲該逆所乘所部全潰大半退至甯國郡
城鄧紹良營盤五座被圍聲息不通萬分危急
鄧瀛以郡城現無主將卽請副將朱承先在城
調度防守適遊擊馮日坤帶兵二千五百名自
杭到郡卽令駐紮北門外以資守禦該郡文武

稟請飭派鄭魁士前往接應無如該鎮瘡疾之後舊傷復發實難啟行現已飛飭周天培馳赴甯郡力圖堵勦奏入

上命軍機大臣傳諭和春張國樑許乃釗曰甯國軍情萬分迫切此時卽須先解鄧紹良之圍一面保衛郡城以維大局鄭魁士旣因舊疾復發不能前往周天培諒已馳抵甯國該大臣等卽飭悉力應援鄧紹良

灣沚營盤與朱承先馮日坤等會同攻剿冀得轉危
爲安以杜該逆內竄之路俟灣沚一帶情形稍鬆再
調周天培等前赴金陵至高淳東壩均屬蘇常要道
現有鄭魁士魯占鼇鎮守當可無虞仍著和春等隨
時相機調度務保腹地勿令蔓延

和春又奏言查高淳東南爲東壩西南爲水陽
鎮水陽之西爲烏溪又西爲黃池黃池西南爲

灣沚灣沚東南卽爲甯國郡城相距百餘里聞
路路可通防不勝防鄭魁士聞該逆欲由烏溪
進犯水陽以趨高瀍卽飭副將朱承先帶兵往
勦又分兩隊赴西陵門及唐溝等處往來巡哨
十月二十五日逆匪竄至雁翅陡門地方當經
官軍擊敗復有水陽鎮上好匪縱火亂我軍心
朱承先一面追賊一面派兵回鎮救火將奸細

拏獲正法人心始定戴文英於十一月初七日
抵灣沚與鄧紹良會議後卽帶隊親歷各隘察
看賊情遙見山巖有賊衆窺伺我軍卽密飭馬
隊兩路抄圍副將向奎等衝上山梁斃賊甚多
戴文英指揮將士從中路殺入賊勢披靡馬隊
追擊十餘里斬馘甚多初八日又分三路進攻
該逆於土山密布旗幟遊擊馮觀勝等帶中路

兵勇向奎等帶左路兵勇兩面夾擊戴文英親
督守備羅大春等從右路策馬渡河以擊其後
副將杜照瑞等亦分三路接應槍礮齊施短兵
相接該逆抵死不退戴文英督同張克慎等直
取賊首我軍乘勢掩殺該逆大股皆踉蹌回奔
忽有賊黨數千從盤龍甸等處衝出阻我進兵
參將陳步桂等從右抄出以敵之戴文英又揮

令參將姚爵階等伏於圩埂用劈山礮轟擊馮
觀勝等縱馬衝入賊叢大隊乘之追至土橋攻
克逆卡二道進薄賊巢斃賊不下千餘自十月
望後善湖繁昌南陵之賊力圍孤山場各營總
兵吳全美從魯港防次帶水師登岸援勦雖屢
獲勝仗而衆寡不敵該逆策小舟欲襲魯港吳
全美聞信遂遄回水次遊擊吳再升一軍獨力

難支亦由鴉山移營與吳全美互相聯絡其石
碗等處陸營亦皆移紮灣沚近地該逆遂由護
駕墩官圩內犯灣沚危急旋又探知上游繁昌
峨橋之賊與江北無爲州二擺渡及裕溪口等
處之賊驟添數萬纒擁南來愈集愈多鄧紹良
戴文英請添援師臣等當調兵勇一千七百名
飭參將鄧朝棟帶赴高瀉由鄭魁士酌量策應

灣沚而皖南道府縣告急之文又復踵至因復
飭總兵周天培一軍由常州取道赴甯防灣沚
以固江浙兩省之防所有陣亡之千總羅東福
外委楊森雲應請

飭部從優議卹奏入

上從之

二十六日
酉 丁德興阿奏言 臣與鞠殿華馳往儀

徵二十里鋪各地方周視地勢俟成明鞠殿華
之軍紮定後臣卽移營前進並派知府方長澤
管帶勇丁長夫赴六合東路趕築各營原擬江
南兵到隨臣進攻乃自十月以來據和春來咨
知朱承先等兵勇因南岸喫緊不能撥來其周
天培一軍經和春飭令前赴灣沚兩項兵勇難
望北渡未敢專候此軍久稽進勦現將募勇二

三千名加意操練以補兵力之不及一俟營壘
築定 臣卽移營六合東路親督攻擣奏入

上命軍機大臣傳諭德興阿鞠殿華成明毛三元曰六
合增營之地經該大臣親往察看此時朱承先周天
培各軍均因甯國緊要不能移動卽著就所募新勇
並現有兵力迅速拔營前進督飭成明等兵共擣六
合若俟營壘築定始行進兵稽延時日徒誤事機德

興阿等僨軍失利不加嚴譴正望其建功贖罪儻再
節節耽延豈能當此重咎耶

同日胡興仁奏言據委員王承楷稟報署提臣

鄧紹良於本月十二日與賊接仗力竭陣亡等

情臣接閱之下卽飛咨總兵鄭魁士就近赴甯

收集散勇暫行統馭並咨和春何桂清先派周

天培輕騎赴甯暨咨張芾周天受酌調援兵赴

勦此次賊竄皖南其勢甚衆必得威望素著之
大員督兵攻勦方能有濟周天受於甯國最爲
熟悉現因婺源牽掣鄭魁士現紮東壩係江蘇
要地惟周天培一軍尙可移緩就急而江北又
須助勦李定太謀勇兼優而衢防倚爲長城臣
思維再四惟有咨請曾國藩派得力將官酌分
勁勇四五千名由杉關馳回皖南飛調李元度

由江西趕至甯國四面會剿至鄧紹良督戰陣
亡實屬忠勇可憫合無仰懇

天恩飭部從優議卹一面

簡派大員赴甯督剿以一事權浙江提督一缺懇

恩迅賜簡放奏入

上命軍機大臣傳諭和春張國樑許乃釗曰甯國爲江
浙門戶鄧紹良一軍旣已敗潰恐朱承先馮日坤等

兵勇不敷堵剿周天培諒已馳抵甯國如果鄧紹良陣亡屬實著和春等一面馳奏一面傳旨將周天培署理浙江提督令其督辦甯國軍務迅將此股逆匪痛加剿洗毋令蔓延鄧紹良陣亡情形俟奏到時再行降旨賜卹甯國郡城是否尙保無虞著該大臣等迅速撥兵救援

二十九日
庚子和春奏言灣沚軍營失陷以後據

副將向奎等稟稱戴文英與賊血戰刺斃無數
賊匪槍矛蝟集該總兵於營中力竭陣亡當時
軍心慌亂亦卽退回甯國郡城又據參將鄧聯
科等稟報提督鄧紹良亦於十一日三更灣沚
營盤被圍血戰殞命臣查鄧紹良自抵徽甯防
勦五載屢復郡縣功績茂昭實爲皖南保障戴
文英從征數載屢立戰功本年十月克復溧水

縣城又將西路逆援賊壘掃蕩尤爲勳勞懋著
豈意兩日之中先後陣亡曷勝憫惜合無仰懇
天恩將該提鎮

飭部從優議卹並於死事地方建立專祠其灣沚從亡
員弁俟臣查明再行奏懇議卹至甯國郡城節
據皖南道鄧瀛稟稱先令副將朱承先向奎於
城中分守四門又令馮日坤於城外西北一路

集賢堂卷之三十一
三十一
安紮營壘並據朱承先等稟報各門外均已先
後築營扼要堵守暫在郡城會同籌商防守專
宜臣查甯郡防兵及所招潰散已不下一二萬
人兵力已厚賊勢尙未內犯總兵鄭魁士歷練
老成堪以就近前往督辦復飭周天培一軍暫
留高瀆駐紮並飭張玉良帶兵二千由溧水前
往東壩會同魯占鼇嚴密防守以固蘇常門戶

派副將劉季三帶兵二千前赴溧水接防以資
堵禦

和春又奏言查甯國府地居東南爲江浙兩省
門戶堵禦防勦最關緊要必須威望素著謀勇
兼優得力大員前往統率方足以資鎮攝總兵
鄭魁士久歷戎行老成持重屢經大敵明幹有
爲爲諸鎮中不可多得之員浙江提督員缺可

聖訓卷之四十三
三十一
否以鄭魁士補授節令督辦皖南軍務於軍事
庶有裨益其安徽壽春鎮總兵並戴文英遺出
直隸通永鎮總兵二缺查有參將熊天喜遊擊
馮子材副將劉季三等三員出師數載屢著奇
功可否卽於此三員內

簡放之處恭候

聖裁奏入

上命軍機大臣傳諭和春張國樑許乃釗曰前因胡興
仁奏鄧紹良接仗陣亡諭令和春等如周天培已抵
甯國卽傳旨令其署理浙江提督督辦甯國軍務本
日據和春奏鄧紹良與戴文英先後陣亡該大臣因
甯防緊要另片奏請以鄭魁士補授浙江提督卽責
令督辦皖南軍務周天培一軍現留高淳駐紮該處
亦爲腹地扼要之區該大臣等接奉廷寄曾否傳旨

將周天培署理浙江提督如尙未宣示卽著迅速馳
奏候旨將鄭魁士簡放浙江提督並令在甯國接辦
軍務其壽春鎮並通永鎮總兵兩缺統俟奏到時降
旨簡放至溧水東壩等處均爲蘇常門戶並著該大
臣等督飭防守之鎮將加意堵禦毋稍大意

上諭內閣曰浙江提督鄧紹良由湖南備弁帶兵剿賊
洊歷專闡自桂林長沙力保危城戰功卓著前由江

南大營分兵赴援徽浙督辦甯國防勦五載以來疊
復郡縣功績茂昭茲於灣沚地方與賊接仗力竭陣
亡深堪憫惜著加恩照提督例從優議卹並於殉難
地方建立專祠以慰忠魂伊子幾人有無官職著和
春查明具奏

上又諭內閣曰直隸通永鎮總兵戴文英由廣東行伍
從征數載洊升專闔掃蕩賊壘勞績尤著茲因帶兵

赴援甯國至灣沚地方力戰陣亡殊堪憫惜著照總
兵例從優議卹並於殉難地方建立專祠

欽定勦平粵匪方略卷二百十一 戊午年

中央民
院圖書

十二月初一日

壬寅

王懿德慶端奏言按

秦厯年帶勇勦逆晝夜奔馳積勞成疾本年二
月大股逆匪竄擾閩疆疊陷郡縣仍復力疾帶
勇馳赴建甯扼要駐守激勵兵團相機進剿曾
將被陷各城次第克復九月間經臣王懿德札
調回延總理防務晝夜操勞遂至沈病不起於

二十六日因病出缺殊堪惋惜合無仰懇

天恩俯念該按察使保泰歷著戰功積勞成疾

賞加布政使銜照布政使在軍營立功後病故例從優

議卹以褒忠蓋奏入

上諭內閣曰福建按察使保泰帶兵馳赴建甯堵剿將
失陷城池次第克復嗣又調赴延平總辦防務茲以
積勞身故殊堪憫惜保泰著賞加布政使銜從優照

布政使在軍營立功後病故例議卹

王懿德又奏言九月二十一日代理甯化縣知縣劉潤田等會督勇丁馳抵該縣較場地方逆匪擁衆迎拒我軍槍礮齊施斃匪一百餘名並殲斃賊首及僞先鋒多名該逆由南門逃竄縣城卽於是日克復其竄踞汀郡逆匪經我軍連次攻擊該逆陸續竄赴江右瑞金署同知盧姚

等號召鄉兵攻進郡城殲除餘匪該郡亦於九月二十三日克復所有汀延等府屬之將樂清流歸化等縣該逆屢次撲犯圍攻多日均經地方文武奮力擊退計大小百數十仗殲斃逆匪數千名得以保守危城臣查逆匪勾結滋擾勢極狡獪刻下汀郡甯化雖已據報收復仍應實力搜捕殲除淨盡以杜回竄且連城一縣尙被

聞

逆匪占踞亟應兩面夾剿以期一鼓蕩平臣一
面飛咨會國藩速飭張運蘭一軍節節搜剿並
飭道員蕭啟江一軍與閩師互相策應迅將江
右瑞金逆匪合力剿除淨掃欖槍奏入報

同日河南巡撫恆福奏言陝西延榆綏鎮總兵
楊昌泗前在湖北軍營積勞成疾本年秋間因

奉調赴豫力疾起程沿途感受風寒於十一月二十四日身故臣查該鎮身經百戰懋著辛勞合無仰懇

天恩飭部照提督軍營病故例議卹奏入

上諭內閣曰提督銜前任陝西延榆綏鎮總兵楊昌泗久歷戎行著有勞績茲以帶兵赴豫力疾遄行積勞身故殊堪憫惜著照提督軍營病故例議卹

初二日癸卯官文奏言十一月初七日逆衆五六

千人騎馬賊百餘由南陽河一帶竄擾余際昌
率中左前後四營先行唐訓方接應後路由彌
陀寺右岸山岡嚴陣以待賊匪大至我軍奮勇
直前衝入賊隊斬殺無算後應之軍繞過山岡
抄襲賊卽登時潰散追殺三十餘里其落後之
賊擒斬罄盡至廣濟之東北路已令李續宜分

勇駐守英羅接壤之麻城調唐協和馬步隊分
防仍以李續宜駐師黃州居中接應凡水陸入
楚要隘碁布星羅實已守禦嚴密日來屢獲奸
細訊知該逆因我軍到防節節有備南陽河一
戰賊志頓餒未敢上犯計自前月下旬都興阿
大戰於黃泥港王家畝等處本月初七日援軍
陸續到後又大戰於花涼亭連獲勝仗斬馘一

聞

萬數千趁此軍威重振亟應規復太湖爲節節
掃蕩之計臣現已飛咨都興阿先行進攻太湖
相機進取以期迅掃逆氛奏入報

初三日甲辰王懿德奏言五月十八日逆匪由界

首地方分股衝撲道員趙印川親督兵勇在麻
沙三里亭與賊接仗力戰多時身受重傷猶手

集賢堂之四卷三十一
三
刃數匪旋被悍賊槍刺登時陣亡查上年江右
逆匪竄陷邵武圍攻建郡趙印川帶兵馳赴建
甯督勦立解城圍克復邵郡戰功最著茲因勦
匪遇害深堪悼惜相應仰懇

天恩俯准將延建邵道趙印川照按察使陣亡例從優
議卹奏入

上諭內閣曰福建延建邵道趙印川於本年五月間在

麻沙地方奮力勦賊身受重傷猶手刃數匪旋即被
賊戕害登時陣亡深堪憫惻著照按察使陣亡例從
優賜卹

初六日丁未張芾奏言查甯國官軍失利提臣鄧

紹良等力竭死綏軍情一變不得已調守南陵
之總兵米興朝至郡部署各軍雖收合餘燼尙
有一萬數千人第心志未定器械不全未可遽

言戰守因思署湖南提督周天受素著威聲曾於前年三復涇城又於本年力解南陵之圍形勢熟悉甯防各軍援浙時半隸周天受部曲是地利人和均屬相宜現在督勦婺源臣擬檄令江長貴赴婺接防一面飛調周天受酌帶隊伍馳往甯國督辦防勦藉以維持全局應請

飭下周天受總統甯防諸軍各鎮將悉聽節制以一事

權其廣德建平南陵涇縣等處均責成嚴密布
置力杜竄擾奏入

上命軍機大臣傳諭和春張國樑許乃釗曰前因甯國
軍情緊急諭令和春等傳旨將周天培署理浙江提
督令其督辦甯國軍務嗣又據和春等奏請以鄭魁
士補授浙江提督卽令督辦皖南軍務復經諭令該
大臣等接奉前此廷寄如果尙未宣露卽迅速馳奏

候旨將鄭魁士簡放令其接辦本日復據張芾以鄧紹良陣亡後甯國軍無統率已飭江長貴赴婺源接防而調周天受帶隊馳往甯國並請飭該提督總統甯防諸軍著和春等仍遵前旨如尙未傳諭周天培署理提督卽著於周天培鄭魁士二員中酌量選擇一員迅速馳奏候旨簡放如已馳奏在途卽毋庸再議更張周天受旣由婺源帶兵前來卽可留於甯國

由和春酌量調撥以資攻剿至此次鄧紹良陣亡所有帶兵潰散各員著和春等查明嚴叅懲辦以肅軍律

初七日 戊申 何桂清趙德轍奏言 臣等前接勝保

等咨稱逆匪有冒充客商襲取東壩內犯蘇杭之信當咨商和春等移緩就急飭調總兵鄭魁士帶兵駐紮高瀆與溧水黃池灣沘官兵互相

聯絡溧水旋即克復又慮敗匪竄併蕪湖太平
侵犯皖南復經 臣 何桂清飛咨提督鄧紹良設
法防剿孰知皖北之逆陸續渡江會合蕪太逆
匪分路侵犯鄧紹良等奮力堵剿先後力戰陣
亡而灣沚之賊分三股一犯高瀆東壩一竄江
甯鎮等處一竄秣陵關溧水縣等處和春已派
總兵張玉良帶兵馳赴高瀆東壩並將前赴江

北之總兵周天培所帶兵勇截留就近由宜興
溧陽東壩迎頭攔勦該逆聞東壩大兵雲集將
由新河莊等處內犯紅林橋查紅林橋爲江浙
兩省緊要門戶浙江撫臣胡興仁派遊擊楊國
正等帶勇四千前赴四安防堵臣思防堵四安
之兵進紮紅林橋則甯郡得後路聲援兵氣自
揚而江浙之門戶皆固現已咨商胡興仁辦理

奏入報

聞

初八日酉己王懿德奏言接曾國藩咨稱皖賊猖獗江南北軍情緊急擬率卽選道張運蘭等軍赴楚勦辦臣查曾國藩移師宿松一帶進勦係爲保衛楚疆起見惟閩省被陷各城雖經次第克復連城尙被逆匪踞守邊防處處空虛兵力

不敷分布而江西饒州府屬逆氛正熾甯都州屬紛紛告警均與閩省壤界毗連該逆乘虛回竄均在意計之中臣正在圖勦連城布置邊防如將張運蘭已抵邵武轄境之師遽行撤回閩省內寇外匪無所牽制乘隙肆擾實恐萬難收拾事關江閩全局安危未敢稍事遷就相應籲

懇

聖恩俯念閩省邊防喫重

飭下曾國藩暫緩移師務將張運蘭一軍留衛閩境藉

鎮邊陲奏入

上命軍機大臣傳諭曾國藩王懿德曰曾國藩援浙之師前因兵勇多疾暫駐建昌調度嗣值李續賓全軍失利皖北賊勢猖獗經駱秉章奏請飭令該侍郎移師援皖留蕭啟江所帶四千餘人防守江西當經諭

令會國藩斟酌情形具奏茲據王懿德奏稱會國藩
擬率卽選道張運蘭等軍赴楚剿辦該督以閩省賊
熾兵單連城尙被占踞張運蘭一軍已抵邵武轉境
正資防剿未可撤回所奏亦係實情著會國藩通籌
大局如閩省賊匪猶賴援軍卽將張運蘭一軍暫留
攻剿與王懿德會商辦理至湖北防堵現已周備江
西地方如尙有大股賊匪該侍郎亦難舍近而圖遠

仍著悉心斟酌妥爲調度

王懿德又奏言連城一縣被逆竄踞經臣飭委江西贛州鎮總兵饒廷選統兵剿辦乃饒廷選行抵沙縣患病未能前進查有延平協副將張榮貴謀勇兼備經臣委令接統饒廷選所帶各軍疾趨連城並移會遊擊趙漣等管帶兵勇二千六百名四面夾擊復飭令署福建按察使臺

灣道裕鐸酌帶員弁兵勇往永安一帶扼要駐紮就近進剿總期迅掃妖氛毋令歧竄滋擾

王懿德又奏言竄踞汀郡逆匪前據汀漳龍道

英樸稟報克復臣恐餘匪尙未肅清飭令嚴杜

回竄而瑞金逆匪復竄汀州臣又飛飭截剿茲

於十月十五日總兵富勒興阿督兵分路進攻殺斃賊匪五六百名郡城於是日克復餘匪逃

往江西瑞金其甯化歸化清流等處均由王捷
元會督籌防 臣慮尙有餘匪回竄嚴飭該鎮等
防剿不得稍涉鬆懈奏入均報

十一日 壬子 德興阿奏言查逆匪占踞六合縣城

於城外各要隘設立賊卡由陳板橋而西數十
里不斷前經官軍將猴子鋪一帶賊壘掃盡成

明率同富明阿等分段紮營其西北路孟家店等處均有兵勇扼堵惟南路靈巖山等處賊尙層層設卡牽掣我師臣派營總舒通額等往看地勢行至靈巖山下該逆擁衆來撲經成明等會同往擊斃賊二三百名臣由五臺山拔營前進與鞠殿華同駐二十里鋪會商規復六合至揚防不宜空虛仍留毛三元安勇等防守毛三

元卽移紮五臺山安勇仍紮西門外其餘分派
駐紮俱極嚴密惟浦口之賊屢欲紮簿由江路
下竄東溝一口最爲喫緊臣飭參將李新明管
帶師船防範口門又撥水礮臺一座派員管駕
由萬福橋駛赴助勦並飭各水師一體嚴扼勿
令稍疏奏入報

十二日丑癸官文奏言查勝保調撥湖南官兵前

因行抵湖北適值皖逆上竄桐潛道路梗阻臣

卽飭遊擊滕遇春由陳德園英霍一帶探路前

進據報已抵壽州不日可抵勝保大營四川官

兵前經該省暫時留防候齊出川頃據荆宜施

道嚴樹森稟報此起官兵於十一月中旬在夔

州傳集下行一俟到鄂臣卽嚴飭兼程馳赴勝

保軍營惟普承堯駐紮九江湖口彭澤小池口一帶爲江楚咽喉最要之地邇值江西景德鎮匪衆麕集兼之安慶逆賊亦多渡江窺伺南岸情形喫緊一時不能移調九江爲該鎮專防地面臣飭妥爲守禦以固江楚門戶

同日勝保翁同書奏言臣勝保一軍前後皆賊南北分勦竭蹶不遑前此調撥之緩遠城馬隊

始因袁甲三截留致誤攻勦繼因道途梗阻遲之又久僅到馬隊二百而馬之倒斃已半所請湖南官兵雖已到營數僅千餘而普承堯一軍現難援皖四川官兵又爲該省截留西陽防堵臣力任艱難亟圖補救現在步隊暫可勉強支持馬隊實無從籌措請

飭袁甲三於新到吉林黑龍江察哈爾馬隊內酌留一

千名其餘七百五十名迅速撥歸巨營調遣其
綏遠城官兵既已疲乏卽留袁甲三軍營毋煩
抽撥均奏入

上命軍機大臣傳諭勝保翁同書袁甲三日據官文奏
四川官兵該省並無截留卽日東下湖南兵亦已到
營惟普承堯一軍留防九江未能赴援勝保軍營兵
數已不爲少其所調吉林黑龍江補額兵丁不日可

到關保所帶吉林黑龍江察哈爾官兵前諭馳赴袁
甲三軍營現在勝保需兵甚急著卽咨商袁甲三於
吉林察哈爾馬隊內酌撥二三百名歸勝保調遣其
餘仍須嚴防北路不得再行調撥

同日胡興仁奏言九月二十一日派副將王夢
麟在離城五里地方紮營該逆大股出撲經副
將王夢麟等擊散連日賊出巢進犯經周天受

等屢次擊退時新營已成賊約萬餘傾巢出撲
周天受督軍抵禦徽州府知府林廷選等率團
助之遊擊楊名聲等由十里牌帶隊衝出大獲
全勝賊潛出東門周天受亟令漁潭將士整旅
以待相持兩時許楊名聲躍馬衝殺手斬悍賊
三名餘匪敗走守備楊玉成以單騎誘敵城內
突出悍逆三四千人盪擁紛竄經參將丁文尙

等分投迎敵轉戰數十次賊由山後抄出王恩
榮等伏軍突起揚名聲等衝陣截殺各軍翻營
進攻該逆紛奔入城王夢麟進紮滿山與王恩
榮等爲犄角之勢賊衆乘夜潛撲守備金鐘鳴
等接仗敗退營盤被陷幸周天受親往奪回另
股逆匪潛犯漁潭各營周天受率隊馳回武口
知賊將次渡河揮軍直前賊衆驚遁我軍乘勝

掩殺追至十里牌斬獲甚多臣仍飭各軍會合
夾擊速奏成功副將王夢麟失陷營盤請

旨降爲遊擊候補守備金鐘鳴請卽革職均留營責令
殺賊自效奏入

上諭內閣曰副將王夢麟營盤被陷咎有應得著降爲
遊擊候補守備金鐘鳴著卽行革職均令留營殺賊
自效

十四日乙卯會國藩奏言臣抵建昌後調派官軍

分道入閩張運蘭一軍行抵邵武府城據稱順昌將樂業已無賊汀州甯化各城次第收復惟連城尙有餘匪人數聞亦無多大股逆賊併趨江西之甯都各屬又據蕭啟江及贛南道汪報閩臬稱閩賊回竄江西者約分三起先竄瑞金會昌雩都等縣近則盡竄信豐及南安府界意

在窺伺贛州回竄廣東又據劉于瀆彭玉麟稟
稱景德鎮官兵於十月二十八日失利鱣魚山
營壘被陷賊氣日熾恐其內犯廣信下游東流
縣復陷恐其合景德鎮股匪再竄湖口擾及九
江臣查連城之賊其勢已衰閩事不足深慮信
豐之賊或圖踞贛南或謀竄楚粵均屬可虞然
愈趨愈南追逐不及景德鎮之賊無論東犯廣

信西犯湖口皆爲腹心之患疊接官文函咨自
三河敗潰安慶撤圍大江北岸業已防不勝防
若使南岸彭澤湖口復有蹉跌則九江亦且岌
岌可危就大局而論景德鎮情形又較重於南
路適值張運蘭自閩折回將赴甯贛臣因調回
建昌面商機宜卽日令其拔營馳赴景德鎮與
劉于瀉會同勦辦縱不能助江北之勢但使保

全饒州湖口卽於九江兩岸不無裨益其信豐南岸之賊臣已札飭蕭啟江跟蹤緊追以冀痛加勦洗奏入

上命軍機大臣傳諭曾國藩曰景德鎮之賊如果竄犯廣信湖口等處恐其掣動江西全局閩省現止連城尙有餘匪爲數無多勦辦當不難得手該侍郎以援閩之師折回移勦卽責成張運蘭將景德鎮一帶之

賊會同劉于瀆實力勦洗毋令擾及饒州湖口等處
以固江右邊防惟閩省兵力單薄如江西軍務就緒
而閩省賊蹤未盡仍著該侍郎妥籌兼顧毋令再有

蔓延

十五日丙辰和春奏言查甯郡爲江浙兩省門戶

前次賊犯灣沚官軍失利退至郡城逆勢臨張
必得威望素著大員前往督辦臣以鄭魁士謀

勇兼優業經飭赴甯防前次奉到周天培署理
浙江提督

諭旨是以未經宣露擬俟 臣等此次奏報續奉
諭旨後再行欽遵辦理奏入

上諭內閣曰鄭魁士著補授浙江提督督辦甯國軍務
安徽壽春鎮總兵員缺著熊天喜署理

和春又奏言前次灣沚迎勦失利戴文英血戰

捐軀隨同征剿之參將姚爵階當賊衆攻撲時
既不能督率兵勇奮力擊退又未將營盤固守
以致戴文英陣亡實屬救護不力副將向奎參
將陳步桂皆係隨同攻剿之員雖奮勇接戰但
不能力救主將均難辭咎應請

旨分別懲辦奏入

上諭內閣曰廣東參將姚爵階隨戴文英辦理營務當

集賢堂方略卷三十一
三十一
賊衆攻撲營盤時未能奮勇擊退以致兵勇潰散戴
文英陣亡該員救護不力著卽革職副將向奎參將
陳步桂隨同攻勦不能力救主將均難辭咎著一併
摘去頂戴

和春又奏言前聞該逆有由紅林橋竄犯建平
之謠維時皖南道鄧瀛會同副將米興朝等分
派將備擇要紮營其後路沈村埠地方派參將

馮日坤帶勇駐紮以遏關入廣德要道東北廟
埠尤爲衝要派都司劉仁福駐紮堵禦該逆七
八千人由竹潭新河莊兩路分犯廟埠劉仁福
分投迎擊接仗約一時許都司劉仁祿由兩河
隄包抄而出衝入賊匪後隊立斬賊首一名餘
皆驚亂守備劉藝從旁抄入參將馮日坤等帶
隊會合追殺十餘里斃匪千餘次日逆衆數千

撲犯南陵並欲旁襲涇縣當經遊擊胡鳳鳴等
奮勇追擊該逆遂竄歸繁昌一帶越日又分三
股約五六千撲犯東北兩門胡鳳鳴等率勇奮
進三面兜圍連破三壘斃賊三百餘人逆匪仍
聚宣城南陵之間意欲抄出郡城之後適鄭魁
士行次建平進至紅林橋該逆雖欲分黨牽綴
我師而馮日坤已扼守沈村埠該逆不能越竄

其鴉山踞賊經吳全美等水陸進勦連破賊營
兩座卡房一座斃賊二百餘名參將李起高等
亦將煙墩山賊營攻破吳全美等會合追擊逆
匪奔落菱塘田溝死者無數吳全美又以孤山
壩施家渡一帶尙爲賊踞距魯港亦復不遠又
與吳再升登陸進攻吳再升由白馬山抄襲孤
山壩吳全美從鴉山繞至壩前出賊不意與陸

軍互相轟擊該逆奔潰孤山壩逆營立時破毀
我軍乘勝追至施家渡殲斃百餘人又將施家
渡卡壘踏平刻下賊勢趨重甯郡而東壩建平
等處仍須加意嚴備臣飭鄭魁士迅籌全局堵
剿兼施奏入報

聞

十六日丁巳都興阿奏言據探蓮花塘楓香驛等

處餘賊退至太湖等處分茅嶺之賊退至石牌
勾聯下游賊股增修卡壘希圖抗拒而以另股
由潛山趨天堂可從黃沙嶺犯英霍之東界嶺
又以一股趨五河可從隘口犯英山之夾鋪臣
飭唐訓方等慎密扼防並嚴飭各營分路進剿
於初四初五等日先派副將劉連升等由宿松
進紮荆橋牽制石牌賊勢初六初七等日翼長

多隆阿率雷正綰等營移至二十五里墩由蓮
花塘一帶進規太湖總兵鮑超由二郎河相機
並進昨據胡林翼來函已經到鄂此時楚疆守
禦穩固臣擬乘此軍威移營前進先規太湖並
知會胡林翼馳抵下游調度策應以期節節掃
蕩

都興阿又奏言臣因霞疾未愈尙在宿松醫治

派令記名副都統翼長多隆阿統帶前敵相機
勦辦多隆阿謀勇兼備調度有方臣自到楚省
帶隊深資其勦助今以之統帶前敵各營必能
得力且宿松距前敵不遠遇有緊要事務仍可
商辦奏入

上命軍機大臣傳諭官文胡林翼曰據都興阿奏移營
進規太湖分路布置責成記名副都統多隆阿統帶

集賢堂
十一
三

各軍移營前進惟都興阿告假在營調理雖有多隆
阿爲前敵而後路尙無大員總統調度胡林翼到省
後已馳往黃州著卽申明紀律調度各軍仍以多隆
阿爲前敵督飭李續宜等體察情形節節進剿胡林
翼應否督兵前進著與官文會商辦理儻因兵力不
敷卽著官文酌量調派爲進兵圖皖之計不致遲誤
事機

十七日戊午王懿德奏言前因汀州連城賊勢狡

獯派南贛鎮總兵饒廷選統兵接剿旋據該總
兵聲稱欲取道福州省前進臣以連城現被賊
踞飭令該鎮取道沙縣永安直趨連城攻剿何
得舍近圖遠細加訪察始知該鎮離家日久係
爲順道省親起見該鎮係專闡大員派委統兵
自應立時就道乃行抵沙縣藉詞患病似此意

存畏憚若不亟予懲儆何以嚴肅軍令相應請
旨將江西南贛鎮總兵饒廷選暫行革職仍留於軍營
效力以觀後效奏入

上諭內閣曰江西南贛鎮總兵饒廷選經王懿德派令
帶兵馳赴連城剿辦賊匪輒敢稟請取道福州欲便
道省親已屬不知緩急迨經該督飭令由沙縣等處
進剿仍復藉病遷延實屬畏憚無能饒廷選著卽革

職仍留軍營效力以觀後效

王懿德又奏言連城大股逆匪負嶠久踞署遊擊趙漣等督兵進剿小有挫失必須添兵助剿迅圖克復查有同知顧清濂等管帶兵勇一千餘名廣東縣丞謝紹猷等督帶潮勇四百名現均飭赴連城會合勦辦並委署汀州鎮總兵豫祺統兵督剿已由延平疾趨連城兼委候補副

集賢堂 卷之三十一 三十一
將王捷元協帶各軍藉資得力其調赴汀郡之
陸路提標兵六百名業已先後由漳起程馳赴
汀郡協防嚴杜回竄至來閩援勦之道員張運
蘭一軍先經 臣 以邊境空虛奏明不可撤動現
在張運蘭拔隊出關自因皖寇猖獗楚疆喫緊
曾國藩勢須移師進勦其能否暫留一旅 臣 已
咨曾國藩就近酌覈辦理至建甯府屬之建陽

聞

崇安浦城等縣地方均關緊要現飭參將袁良
等分投駐守總計該處兵勇不下千餘名由副
將林向榮會同建甯府協防以期保固疆圉奏
入報

十八日己未官文都興阿胡林翼奏言查李續賓

提兵入皖一月之內連克四城聲威甚振急欲

進勦廬州逆賊於三河鎮設險負固實扼廬州
之要必先攻拔三河乃能進兵廬州李續賓督
帶兵勇不過五千人九月二十八日進抵三河
分派各軍相機進勦十月初二日黎明出隊進
攻賊壘該逆以大股迎敵我軍分途並進殲斃
衝鋒悍賊千數百名賊奔敗入壘我軍乘機奪
柵而入一鼓緣登九壘俱下壘中之賊均經殪

盡其時城賊與白石山之賊分途救援均爲馬
步隊擊退是日共計斃賊七千餘名而我軍傷
亡亦復不少旋知首逆陳玉城率大股自江浦
廬江來援首逆李侍賢復糾集捻逆張落刑自
廬郡率大股號稱十餘萬連夜竄至三河附近
之金牛鎮一帶連營數十里包抄大軍後路因
念衆寡懸殊而我軍血戰數日傷損精銳已多

集賢堂卷三十一
三十一
必須添調以厚兵力當卽飛催各營迅速接應
乃援兵未及到防賊已偪近勢頗猖獗李續賓
速派各軍於初十日五鼓前往金牛鎮擊勦該
逆以數股包抄以數股搦戰湘軍直偪賊壘殺
賊約逾二千忽大霧迷漫咫尺莫辨該逆由左
路出數大股直前衝突我軍左路先潰致中右
兩路各營均爲該逆抄襲參將彭友勝等力戰

陣亡李續賓自領親兵衝盪數十次殺賊甚多
僞城之賊復分股衝出會合各路援賊綿亙二
三十里環繞來撲遊擊鄒玉堂等又力戰陣亡
李續賓一面奮戰一面傳令軍中嚴守牆壘惟
運同丁銳義衝入李續賓營盤期與統將苦戰
戰至二更殺賊已近二千李續燾彭祥瑞率勇
越壘衝出於是賊踞其壘空斷河隄以絕我軍

去路李續賓勇氣百倍怒馬當先往來奮擊斃
賊又數百人戰至三更李續賓身面皆受矛傷
力竭陣亡候選同知曾國華等均先後力戰死
之賊遂分兩股一由杭鋪繞舒城一由梅心驛
竄桐城先是李續賓以桐城爲安慶舒城後路
派總兵趙克彰統帶六營嚴密扼守十九日賊
出數大股來撲鏖戰四時彼此均多傷亡趙克

彰卽收隊回營而賊已從後路衝入各營見勢
不敵遂爾同潰 臣等查李續賓自咸豐二年賊
圍長沙奉其父李登勝之命首先倡團講求練
兵之法屢建奇功遂以平定湖南湖北江西規
復安徽等省大小六百餘戰戰無不勝未曾少
挫計先後克復四十餘城前在武昌九江統馭
一二萬人號令嚴肅其臨陣安閒肅穆厚重強

固凡遇事之難爲而他人所畏怯者無不毅然
引爲己任此次三河鎮血戰捐軀各營亦陸續
失陷實出意料之外當接仗失利之時或勸之
歛兵退守突出重圍李續賓則曰軍興九年均
以退走損

國威長寇志吾當血戰縱橫多殺一賊卽爲地方
多除一害焚香叩首取所奉

廷旨

硃批奏摺焚之曰不可使

宸翰落於賊手卒以援兵不至力竭陣亡其臨難堅定

從容就義如此復查李登勝平日寄書教子勉

以忠良囑無以親老分心李續賓所得養廉均

施於軍中義士臣等每過其營讀其家書未嘗

不感動流涕也所有巡撫銜浙江布政使李續

賓應請

恩施逾格照巡撫銜加等追贈從優議卹並請於湖北
江西安徽及本籍湘鄉設立專祠以昭功烈其
父母年逾七十忠厚積累矜式鄉里並懇

天恩逾格獎賞以爲教忠者勸李續賓之子李光久李
光令現均讀書應試籲懇

聖恩酌給

賞卹俾延後嗣奏入

上諭曰詳覽奏牘不覺隕涕惜我良將不克令終尙冀其忠靈不昧他年生申甫以佐予也

上諭內閣曰巡撫銜浙江布政使李續賓當賊匪圍撲長沙時首倡團練屢建奇功嗣後赴援江西調回湖南旋隨曾國藩東下克復武漢凡江西湖北湖南等省攻克巨壘堅城無不親歷行聞身先將士通計

年之閒先後克復四十餘城大小六百餘戰以少勝
衆所向無前一時諸將之中無與倫比本年七月赴
援安徽甫逾月連克潛太舒桐朕以其謀勇素優
威望衆著特命幫辦安徽軍務方冀肅清皖北淨掃
狂氛特膺懋賞乃因進圖廬郡先勦三河苦戰旬餘
殺賊逾萬江浦六合廬江逆黨大股來援以五千六
勇當十餘萬之賊將士傷亡從容赴義其忠勇義烈

之氣雖死猶生實深悼惜李續賓著加恩追贈總督
卽照總督陣亡例賜卹入祀昭忠祠任內一切處分
悉予開復應得卹典該衙門察例具奏伊父李登勝
著賞給光祿大夫封典並賞銀五百兩由湖南藩庫
給發伊子李光久李光令均著賞給舉人一體會試
仍於服闋後交吏部帶領引見並著於湖北江西安
徽及湖南湘鄉本籍各建專祠以示朕褒卹蓋臣至

意

官文都興阿胡林翼又奏言竊思軍旅之要賞
罰爲先有賞無罰軍政不明此次三河桐城債
事各員宜昌鎮總兵李續燾副將彭祥瑞駐營
之地係全軍去路一見勢危先棄營壘總兵趙
克彰督勇四千駐守桐城不能督兵以援三河
又不固守桐城副將謝永祜防守舒城不戰自

退遊擊李運洛副將朱希廣不能力戰先行失壘都司張養吾參將張嵩齡首先敗挫總兵銜楊得武敗後徑走潛山久不歸伍均應請

旨革職由臣等提省審明失事確情嚴行分別懲辦彭祥瑞雖已戕害應請毋庸給卹其餘罪狀稍輕人員暫准立功自贖以肅軍律而勵戎行奏入

上諭內閣曰宜昌鎮總兵李續燾等失律喪師深堪痛

恨均著革職拏問交官文等提省審明失事確情嚴
行分別懲辦其餘罪狀稍輕人員暫准立功自贖以
肅軍律

二十一日 壬戌 耆齡奏言查石城所屬橫江股匪

經該縣知縣張鎔督兵進剿屢有斬獲餘匪遁
回福建甯化縣其瑞金縣城賊匪經守備趙濟
川知縣章澍等合力攻剿該逆由謝坊下竄圖

攻會昌縣城該知縣劉松屏與趙濟川迎戰獲
勝並將牛角灣股匪擊敗賊竄往西岡洛口一
帶九月十六日該逆分竄古城蘇洲等處趙濟
川等分路截擊斃賊百餘人餘匪敗退二十二
日蘇洲逆衆數千人由南門大路來撲我軍營
盤趙濟川等督兵迎勦各鄉團練繼進斃賊百
餘人逆衆敗遁我軍追至觀音巖二十五日趙

濟川等進攻赫洲連破賊巢殺賊七百餘人其
西岡洛口之賊分擾小密地方被雩都縣防兵
團練擊敗遊擊瑞林等進攻洛口該逆數萬蟻
擁來拒我兵分路縱擊礮斃騎馬賊首二名賊
陣遂亂我軍奮進殺賊三百餘人賊大敗奔逃
追過洛口河復殺賊六七百人十月二十一日
瑞林等分三路進攻西岡賊匪酣戰三時吳光

亮自山坳突出橫衝賊陣賊乃敗遁共計殺賊三百餘人次日該逆傾巢來撲瑞林等督隊迎戰並令吳光亮乘虛直擣西岡賊巢縱火焚燬賊回顧營壘被焚翻山而逃我軍追殺三百餘人現在洛口西岡均無賊蹤其竄入雩都縣等處股匪經把總藍用光等疊勦獲勝殺賊數百人二十七日福建續至大股逆匪萬餘人由瑞

金直撲會昌縣城趙濟川等率勇出禦殲賊四十餘人劉松屏復帶勇自後夾擊共斃匪一百數十人該逆敗竄彭徑一帶是夜趙濟川等派勇劫營並埋伏打石岡截其下竄之路五更後我軍突入賊營燬火齊施賊衆猝不及防四散奔逃追斬三百餘人踏毀賊營數十座該逆逃至打石岡復被截殺四五百人餘匪由蘇洲遁

去二十八日二隊逆匪復自瑞金竄攻會昌縣
東南兩門趙濟川等分投出戰殺賊二百餘名
賊敗下竄我軍追過蘇洲二十里殺賊數十人
三隊逆匪數萬又竄至會昌縣黃土灘窺伺縣
城趙濟川等分路進攻賊遂敗走我軍追至雞
公灘因伏賊齊出小有挫折十一月初九日趙
濟川等復督隊進勦遇賊於大魚塘地方槍礮

並發殲斃數百人餘匪悉竄安遠瑞金縣城圍
於初三日克復該逆聚衆進圍安遠縣城知縣
張仁法嬰城固守該逆用地雷轟塌小西門城
堞數丈張仁法督勇堵禦燒斃賊匪三百餘人
各門薄城之賊亦被兵勇擊退當將缺口槍築
完固該匪又用地雷轟塌東門城堞數丈悍賊
拌命直上我軍仍將缺口用石堵住時遮克敦

布派兵赴援行至信邑東鄉而安遠之賊已分
股二萬竄踞信安兩邑交界之重石一帶知縣
錢蘭督兵進剿殺賊二百餘名賊匪敗退我軍
追至金雞嶺敗匪復糾集安遠大股來撲我軍
寡難敵衆退守縣城臣現飭遮克敦布派遊擊
瑞林等帶勇一千五百名赴信豐救援遊擊桂
英等帶勇一千名往安遠救援並令知府周汝

欽選帶南康勇三千二百餘名先援信豐次期
安遠一面嚴飭贛南鎮道督飭連界各廳縣一
體堵截道員蕭啟江於十一日行抵石城卽日
赴贛會勦當可聚殲羣醜綏靖地方

耆齡又奏言 臣 接奉

諭旨令普承堯劉騰鶴二軍迅赴九江卽將李續賓所
留兵勇前赴桐城接應 臣 查總兵普承堯所帶

之寶勇知府劉騰鶴所帶之湘勇於克復吉安
後拔營來省 臣籌給餉需飭往九江換防均於
十月間馳抵潯郡分守郡城小池口湖口彭澤
一帶其李續賓留防各營俱遵撤赴北岸防堵
奏入均報

聞

二十八日 己巳 勝保翁同書奏言前因廬賊屢圖

窺撲護城營盤隨時嚴飭在防鎮將實力堵擊
該逆於附近護城之油坊集紮營踞守分股於
曹家巷一帶焚掠總兵吉順等相機迎勦並派
參將李玉珍等分帶隊伍前往梁園遙作聲勢
以扼店埠一路該逆糾衆撲出經吉順等迎勦
擊敗其潛太敗賊竄至舒城者約數千人由桐
城續到之賊亦計五六千人竄至張母橋一帶

聞

圖撲營盤當經團勇分兩路進擊賊亦分兩路
迎拒我軍待其偏近槍礮齊發立斃騎馬賊目
十數人逆衆前後受敵我勇乘勢喊殺殲斃百
餘名逆衆退竄臣等仍飭該文武實力防勦毋
稍疏懈奏入報

欽定勦平粵匪方略卷二百十二 己未年

九年正月初五日 丙子 德興阿奏言查該逆占踞

六合後各隘安設賊卡不時出擾自官軍紮營

緊逼匪蹤稍斂 臣營移紮猴子鋪上月二十四

日派令馬步全隊分路進勦鞠殿華等由南路

進成明等由北路進 臣親督富明阿副將馬德

昭等由中路雙橋前進另派副將魁霖等率領

各隊分段埋伏富明阿馬德昭等馳過冶浦橋
東關賊壘出賊數百人拒敵我軍開礮轟擊斃
賊多名餘悉奔回城內當將賊壘焚燬正在跟
追南北兩門出賊四五百人分股衝突英貴詹
啟綸各帶兵勇迎擊博奇常壽各帶馬隊包抄
臣復派穆克登額策應該逆合趨東門意欲將
中路各軍兜裹富明阿馬德昭奮力抵敵且戰

且退誘賊行過冶浦橋雙橋伏兵同時並起該
逆紛紛敗遁又經馬隊橫衝斜擊該逆拌命過
河各軍截殺斃賊約四五百名落水淹斃者不
計其數生擒長髮悍賊十八名砍獲首級三十
七顆立將三面賊壘一律踏平河東逆卡望樓
並行燒燬訊據生擒逆匪供稱六合賊首僞前
軍巡討黃門浚等聞大軍紮營緊逼已飛信金

陵求添賊黨等語臣查賊占六合縣城惟嚴防東路北路南門濱臨大河該逆踞以爲險臣思督率全軍搶搭浮橋立攻南門或易措手如能截斷南路外援則城中賊勢尤孤刻下六合附城百姓漸已歸來現飭署江浦縣知縣陶金貽會同署六合縣知縣張肄孟辦理團練藉助兵力再行移營進紮以圖攻取

德興阿又奏言十二月十三日賊竄黃厥河經水師開礮擊退總兵陳世忠撥兵策應行至四壩頭地方適遇匪衆回竄該處鄉團協勦擒斬賊匪多名十九日賊匪又至新莊口等處擄掠陳世忠派兵掩捕該逆始則回拒繼則狂奔我兵分路兜勦殲殺殆盡內有僞總制一名查逆情詭譎沿江要口亟宜堵扼六合滑子口與南

岸石埠橋緊對誠恐奸宄偷越已飭知縣陶金
貽嚴密巡查惟據總兵陳國泰稟稱浦口師船
尙嫌單薄請再派撥下游數船赴浦臣卽飭駐
守瓜州之總兵周希濂率帶全幫艇船上駛撥
船四隻派赴浦口餘則分撥泗源溝並令周希
濂親帶各艇駐泊東溝其原防東溝石埠橋之
參將李新明所帶師船卽令駛泊段要口聽調

聞

又南岸留防之勇昨已撥還一千二百餘名渡江餘與副將馬德昭等原帶之兵一千二百名仍留北岸助勦奏入均報

初七日 戊寅 和春奏言提督鄭魁士馳抵甯郡時

西河紅楊樹之賊日在郡城附近之寒亭一帶往來窺伺統計援師暨招集潰勇已不下三萬

人惟新挫之後其氣未復鄭魁士一面申明軍律逐日操演一面派撥道員仲孫懋遊擊楊國正帶兵五千分紮寒亭團山地方仍令副將龍正耀等各軍由廟埠油榨溝等處步步爲營直抵水陽鄭魁士卽統帶親軍移紮梅嶺居中調度其南陵青弋江股匪於十二月初五日竄入涇邑幸張芾豫調周天受一軍已抵甯郡當與

鄭魁士會商令副將米興朝帶隊馳援並飭遊擊馮日坤等會督紳民相機規復周天受親率大軍兼程而進初六日我師四面攻圍該逆奔潰立將涇邑城池收復仍派兵留守以防回竄至南陵被圍日久東西北三面賊營聯屬另股盤踞麒麟橋到處焚掠並欲糾合匪徒自北而南斷我餉道參將吳再升等於初七初十等日

分投迎勦，蹋毀逆卡二道，殲匪數百人。十六日，米興朝由涇邑進勦，又敗賊於陳橋、峨嶺等處。乘勝移紮五里岡。周天受親統官兵駐紮雙坑，與鄭魁士聯絡南陵東路之賊。經參將吳再升等督率兵團屢戰，皆捷。周天受又派兵從寒亭團山兩路擊賊之背。該逆遂於十七、十八日夜間遁往西北一帶。南陵東面城圍已解。臣查皖

南形勢實江浙兩省要害而甯國尤皖南第一
重鎮故各路寇氛皆由皖南窺伺蘇杭臣揆度
事機總宜厚集兵力緊扼中權自徽池以迄甯
太以次掃蕩廓清沿江列戍不獨蘇浙邊鄙無
虞從此會勦金陵辦理亦較有把握鄭魁士深
明全局於一切攻守機宜有條不紊大旨在練
兵教戰先爲不可勝以待可勝更得周天受協

同布置尤於皖南軍務大有裨益惟查金陵首
逆自皖南肆志以後匿不出巢探聞洪賊又復
號召上游死黨陸續調回城中臣已申儆各營
嚴爲之備並由張國樑親駐安德門督飭將士
扼守濠牆以免乘虛外竄至高淳東壩溧水一
帶情形屢據總兵周天培張玉良等稟報一律
照舊嚴防互相策應仍不敢稍存大意奏入報

聞

初八日己卯浙江提督鄭魁士奏言臣前奉和春

檄飭馳往甯國接辦防務當卽冒雨起程於十

一月三十日行抵甯郡知退至甯國兵勇二萬

有奇經鄧瀛米興朝等派在城外紮營二十餘

座並分派防守郡城親歷各營查勘均地居扼

要布置尙屬嚴密惟軍械鍋帳大半遺失並有

集三真圖之四卷三十一
散居村莊者而城內兵勇因無軍器亦居民房
火藥鉛丸查俱不滿千斤卽飭各帶兵官押令
歸營復逐一查覈將尙有軍械者仍留助勦其
軍器全失者遣回江南大營一面飛咨浙省迅
卽籌撥解運以資急需至蘇浙兩省提撥軍械
藥丸節經飛催未見續解到營兵勇餉銀久缺
甚鉅當潰退後衣履盡失歲暮嚴寒困苦益甚

臣目擊情形萬分焦急伏思甯國一郡爲浙江
第一緊要門戶兼之山徑叢雜道路紛歧堵禦
必應慎密全在餉糈充足方能固結軍心現在
甯郡所屬六縣皆有賊蹤得候補三品京堂張
芾不分畛域酌濟軍火並令提督周天受帶兵
一千餘名由婺源來甯適值涇縣失陷經臣與
之面商添派兵勇二千餘名交其帶往並令米

興朝等隨同助剿斃賊多名於初六日將涇縣
克復南陵被賊攻撲雖我軍連獲勝仗而重圍
未解青弋江踞賊雖經擊退西河一帶尚有賊
匪屯集灣沚黃池仍爲賊踞昨接周天受來函
督軍紮營青弋江派遊擊馮日坤一軍由馬頭
夾岸爲營以圖會攻西河鎮臣卽派遊擊冉正
祥等紮營寒亭候補道仲孫懋等紮營團山副

將龍正耀紮營油榨溝總兵蕭知音扼紮新河
莊臣擬卽帶領存城兵勇紮營梅嶺居中調度
相機進攻當茲挫失之後亟應激勵士卒重整
軍威以冀迅圖規復庶援兵不致久羈卽餉項
亦可舒展無如軍械不齊藥丸餉銀尤爲短缺
臣接辦伊始掣肘如斯事關重大不得不據實
瀝陳合無仰懇

天恩俯念皖南軍務緊要浙江門戶攸關

飭令浙江撫臣趕緊運送軍械補給餉需源源接濟勿

再延誤以全大局奏入

上命軍機大臣傳諭何桂清胡興仁曰甯國軍營自潰挫以後器械鍋帳大半遺失現雖經鄭魁士收集潰散與新到各軍分別布置而徒手未能禦侮枵腹尤難荷戈情形萬分危迫該郡爲浙省門戶著胡興仁

遵照前旨將應撥餉需按月如數撥解不得以籌措艱難稍涉遲誤至所需軍火等件並著該撫源源接濟所有由金陵調援甯國各軍及水陽防勦兵勇十一十二兩月分應發之餉統由江南糧臺借給其正月以後餉需仍由浙江支應惟甯防需餉迫切仍著何桂清不分畛域悉心籌畫極力兼顧以保東南大局

局

十一日壬午者齡奏言查福建大股逆匪竄陷瑞

金知縣章澍都司清平自退紮九堡後派弁添募勁勇千餘名並原有兵勇九百餘名會同巡檢張慶譽典史連對調集鄉勇於十月二十五二十八十一月初一等日疊次進剿殲賊一二百名至三四百名不等初三日章澍清平各率兵勇兩路進攻縣城行至離城十餘里賊叢擁

來拒章澍等揮兵大進愈戰愈奮斃賊一千餘
人焚燬賊營三十餘座賊敗棄城逃竄章澍等
率師入城搜斬餘匪數十人逸殺數十人落河
淹斃者不下千人餘匪悉由會昌遁去當將瑞
金縣城收復至安遠縣城被賊兩次轟塌城牆
均經搶築完固署知縣張仁法督同營官黃順
率領弁勇於城內挖梅花坑數處防賊隧道十

一月初十日大南門城牆又被地雷轟陷正在
堵截間小南門又被轟塌兵勇開放大礮斃賊
數十人賊仍冒煙而上我兵齊施火器斃賊數
百人賊始卻走遂卽槍築堵塞該逆復於城之
東南隅開挖地道二處均經張仁法督飭弁兵
由城內挖透殲斃隧中數賊該逆復造呂公車
來攻守堞士卒施放大礮擊斃賊匪十餘人二

十一日夜張仁法料賊苦攻經月勢已疲倦令黃順潛師出襲放火焚營賊倉卒接仗被斬四百餘級逆鋒大挫於二十二日棄營遁去城圍遂解其分擾贛縣長甯邊界者均爲各該縣兵勇擊走其信豐縣圍城之賊經總兵遮克敦布等派兵擊勦於前坑地方及丫叉橋吳家嶺等處均有斬擒逆匪分股由楊柳坑竄入大庾縣

境知府周汝筠調勇往勦行抵新城墟將賊擊退該逆又分股竄撲南安府城十一月二十四日攻陷南岸民城文武各員堅守北岸官城周汝筠當將援應信豐之勇調回二千名二十五日趕至大庾邊界賊匪兩次竄撲新城墟均爲我軍擊敗二十六日賊又犯新城墟我軍出戰新城團勇先敗南康勇亦不支退回康邑邊界

周汝筠復添調團勇馳往堵剿南安被圍緊急
南康勇旣被新城股匪隔絕不能前進崇義縣
派出赴援團勇亦以賊衆兵單未能衝入三十
日該逆用地雷轟塌城牆以致郡城被陷文武
各官不知下落臣查瑞金甫經克復南安旋又
告陷安遠賊雖擊退信豐尙未解圍亟應催集
兵勇攻剿現經飭令周汝筠多集練勇上猶崇

義二縣亦各率團練以勦爲堵合力進攻南安
一面咨會曾國藩飭催蕭啟江兼程赴贛與遮
克敦布兵勇併力勦洗速解信豐之圍會勦南
安迅克郡城其克復瑞金及安遠守城出力人
員容俟查明請獎擬保教諭生員張映薇中礮
殞命相應請

旨飭部照教諭例議卹以慰忠魂奏入

上諭內閣曰福建大股逆匪竄陷瑞金並圍安遠信豐等縣城經署瑞金縣知縣章澍等調集團勇於十一月初三等日進攻當將瑞金城收復其安遠縣城於十一月月初十等日被賊轟塌城牆多次均經署知縣張仁法督勇槍築竭力擊退城圍遂解其信豐縣圍城之賊我軍擊斃於前坑及丫叉橋等地方均有斬擒該逆復分股竄撲南安府城周汝筠飛調各團

勇援應均以賊衆兵單未能衝入致郡城於十一月三十日被陷著耆齡嚴飭各軍併力勦洗速解信豐城圍並將南安府城迅速克復所有克復瑞金及安遠守城出力人員著准其查明奏請獎敘其守城中殲殞命之擬保教諭生員張映薇著照教諭例議卹

二十三日甲午德興阿奏言六合踞逆添調匪黨

五千餘人分紮東南各門上年除夕逆衆出巢

襲我營盤當經擊退正月初二日賊分三路來
撲沿途縱火層啟綸派令兵勇迎向火光起處
分路兜擊環開槍礮該逆望風披靡紛紛敗遁
其分股竄撲新黃巷之賊亦經英貴等伏兵兜
勦轟斃殺斃甚多初四日臣傳齊全隊與鞠殿
華親督進攻諸軍直抵城下開礮轟擊該逆堅
匿不出惟在城上開礮相拒正撤隊間東門出

賊二三千名直撲雙橋我軍列隊橋東誘之使
前該逆堅不過橋馬德昭詹啟綸等各率兵勇
向前迎擊該逆拌命回奔自相踐踏爭入城闔
官軍追至城下連開槍礮轟倒城上望樓擊斃
執旗賊目數名始行收隊初九日臣飭令各營
出七成隊伍列陣前進六合之賊已出六七千
人鱷擁來偪雙橋臣等揮令諸軍分投迎擊槍

敵齊施中隊佯退誘賊左右隊併力包抄富明
阿等復帶馬隊橫衝斜擊賊衆潰亂紛紛敗竄
詹啟綸帶隊追擊殲殺甚多我軍追至冶浦橋
六合東門復出賊數千人將敗賊接入城內續
出之賊排列河邊開放槍礮子落如雨我軍未
能渡河漸次收隊是日約斃賊三四百名據水
師總兵陳國泰稟稱上年十二月二十四日分

派各船進攻九洲賊壘偪近賊巢拋擲火罐
火箭焚燬瞭樓一處該逆開礮拒敵適東南風
大作火勢愈張連燒數壘各軍於火光中施放
鳥槍斃賊無數正欲設法搶渡濠溝忽報下關
賊匪駕船來援官軍恐有疏虞收隊回泊臣查
該逆負嵎踞守此番水陸進剿雖未復城奪壘
亦足以褫逆魄現在六合接壤滁來之路皆經

聞

勝保布置兵勇防守德安兵勇前由臣派防天
長現在勝保調防天長南路東嶽廟如能聯絡
周密可杜逆衆旁竄奏入報

二十四日乙未勝保翁同書奏言接據參將李世

忠稟稱欲平粵逆惟在先斷私礮次及米糧方
可制賊死命並指出大江南北水陸口岸要隘

各處奸商通匪偷販請嚴斷往來絕其接濟詳
閱稟詞不爲無見但袤延數省地方遼闊隘口
過多且私礦關繫尤重盤查口岸固屬緊要而
於各省會及著名鎮市商賈輻輳屯積之所盤
察更宜加嚴非有督師大臣及地方督撫知照
不准採買其經過關津隘卡亦非有印文護票
不准私行放走應請

旨飭下各路統兵大臣及各省督撫嚴定章程實力盤
禁以杜偷販接濟奏入

上命軍機大臣傳諭各路統兵大臣直隸山東山西河
南陝西江蘇安徽浙江江西福建湖南湖北四川各
督撫曰勝保翁同書奏請飭嚴禁偷販私礦等語據
稱參將李世忠詳稟逆匪橫行皆由私礦接濟並指
出大江南北水陸口岸各要隘奸商通匪偷販各情

亟應嚴行查禁以杜私售惟現在用兵地方表延數
省隘口過多私礦販運斷絕匪易其各省會及著名
鎮市商賈輻輳之所尤應詳加盤詰除山西等處產
礦之地嚴禁私礦出售外其各路軍營及用兵省分
非有統兵大臣及該督撫委員解送印文知照者概
不准擅行採買其經過關津隘卡如無印文護票者
卽著查拏懲辦儻有不肖官吏私行賄放者察出嚴

行治罪軍營兵勇如有偷漏硝磺火藥接濟賊營者
卽以軍法從事著官文德興阿和春勝保曾國藩張
芾傅振邦等及各直省督撫嚴定章程實力盤禁毋
稍鬆懈並著和春何桂清等嚴飭地方員弁於東壩
一帶曉諭商民不准在太平關等處販賣貨物使該
逆無從接濟米糧以冀制賊死命

勝保翁同書又奏言查粵賊盤踞廬郡分屯店

集賢堂
三
埠梁園時及半載臣等屢經嚴飭在防鎮將由
護城節節進逼堵剿兼施該逆偵知官軍勢盛
梁園賊遂南退以全力踞守店埠爲廬城犄角
仍糾合潛太賊衆於油坊集一帶焚掠聲言攻
撲護城營盤圖犯定遠臣等以該逆旣思北逞
不如添兵迎剿先發制人因飭總兵吉順等督
率各軍徑攻店埠並令知縣英翰主事黃先瑜

速集團丁隨同進剿復由定遠大營添派副都
統烏爾滾布協領富明阿帶領精壯馬隊先期
馳往爲各軍策應以便分路進攻本月十一日
各軍同時並舉距店埠三里許地方遙見該匪
數千人伏巢以待我軍先令步隊三四百名前
往誘戰逆衆來迎我軍槍礮齊發各路一擁而
進該逆分股迎撲衆軍勇氣百倍直前奮擊富

明阿率領馬隊抄襲賊後合力夾攻逆衆紛紛
回遁突有騎馬黃衣賊目擁衆回拒我軍愈加
奮勇立將賊目陣斃逆衆狂奔我兵緊躡追擊
一氣趕殺斃匪不計其數追至賊壘外濠擁擠
落水者甚多其未及過濠者悉被我軍刺殺無
餘正在催隊環攻忽西南復來賊衆千餘意圖
援應富明阿等會合馬步疾馳迎勦該逆抵敵

不住翻身向竄我軍奮猛追殺兩次約斃匪五
六百名餘賊退竄入巢抵死踞守我軍整隊回
營查全皖境內之賊幾於防不勝防剿不勝剿
臣等設法抽撥官軍相度緩急四路兼顧軍威
得以漸振但必須後路匪勢稍鬆方可專力粵
賊亦必須餉需稍裕庶能堵剿兼籌奏入報

同日張芾奏言池州府屬濱臨大江北距安慶
西達江西池東北而蕪湖以至金陵各路敗匪
總匯於斯誠非勦撫兼施不足以清羣孽上年
四月間有石達開餘黨僞檢點張汰忠率衆自
浙江開化竄婺源窺祁門均被官軍團勇擊卻
五月率黨至池屬建德縣之葛公鎮葛源地方
分紮未及一月欲往楚軍水營受撫適建德士

民汪森等知其悔罪乘機勸諭代爲呈繳僞印
等件又據池州府通判袁慶恩稟報相同 臣卽
飭鳳陽府知府楊沂孫署池州府知府皇甫漢
仕會同妥辦復經署皖南鎮總兵江長貴委弁
馳往與知縣沈昌祚等親至張汰忠營體察情
形並令貴池生員陳鈺宣諭張汰忠如能擊破
賊卡收復縣城卽准免罪張汰忠遂率衆薙髮

於六月間連破建德城外各賊卡並克復建德
縣城據皇甫漢仕等取具張汰忠供結稱係湖
北黃陂縣民向在漢口打鐵營生爲賊所擄偏
授僞職據情乞恩等語臣以張汰忠旣能殺賊
立功自應奏請免罪錄用以示威信惟查建德
爲兩省要害久陷賊中雖經收復尙恐其旋得
旋失且張汰忠自拔來歸卽能洗心革面安見

其衆志悉堅因飭皇甫漢仕等挑留張汰忠降
衆精壯四百餘名餘悉遣散仍令駐紮葛源聽
候調遣以徐覘其誠僞乃自張汰忠歸誠後卽
有曾爲僞官之李濟元張連芳朱第枝等觀感
而興率衆反正數月以來安慶鄱陽之賊糾合
殷家匯等處匪黨屢次進犯冀甘心於建德經
張汰忠會約李濟元等揮衆奮擊所向披靡一

集賢堂不問卷三十一
三
敗賊於赤頭嶺再敗賊於洋湖陂俘斬擒獲難以數計卒以保全建邑臣查張汰忠等悔罪投誠所向有功合無仰懇

天恩俯准將張汰忠以千總補用並

賞戴藍翎其李濟元等擬先予免罪俟續有勞績再請加恩以示區別至籌辦受降撫馭妥協之鳳陽府知府楊沂孫等暨其餘在事出力官紳亦未便沒其

微勞可否擇尤酌保以資鼓勵之處均出

逾格鴻施奏入

上諭內閣曰湖北黃陂縣民張汰忠爲賊所擄偏授僞職上年五月閒率衆來歸攻復建德縣城半年以來屢著功績並有李濟元張連芳朱第枝等觀感而興投誠歸正安慶鄱陽之賊攻撲建德均被擊退斬俘不計其數實屬異常出力張泰忠著加恩以守備補

用並賞戴花翎李濟元張連芳朱第枝並著以把總
拔補俟續有勞績再行保奏以爲自拔立功者勸其
餘在事出力官紳並准其擇尤酌保以示鼓勵

張芾又奏言青陽之賊竄聚楊田埂進撲涇縣
之萬級嶺遊擊吳正熙屢次迎戰復經提督周
天受由青弋江帶隊回涇親駐下坊遙爲策應
雖逆勢稍卻而兵力究未厚集崇覺寺及東沖

泥田等嶺山徑紛歧深虞內犯至婺源賊踞數
月總兵江長貴督率將士直薄城闔惟兵力單
薄祇能顧及東北其西南非有浙兵越境會勦
斷不能制其死命 臣屢催衢州鎮總兵李定太
飭令副將李嘉萬移營前進乃駐軍新建距婺
城尙四十里致該逆恃有奸僧接濟敢於負嵎
久抗現聞侍郎曾國藩派道員張運蘭等分統

勁旅進攻景德鎮累戰輒捷儻敗匪窮無所歸
併入婺源則勦辦更難得手卽旁竄祁門建德
亦恐路雜兵單難籌堵禦臣已飛檄江長貴並
分飭地方文武及現駐葛源之張泰忠等各率
兵團一體嚴防以期有備無患奏入報

二十五日

丙申

胡興仁奏言查南陵踞賊經該處

防兵屢次痛勦仍復徧圍未退自提臣鄭魁士
總統甯國防兵按部整飭逐營操演一面派總
兵米興朝帶隊由南援勦復派遊擊冉正祥等
於上年十二月十七日帶勇扼紮寒亭進攻西
河並派甯紹台道仲孫懋等扼紮團山進攻紅
楊樹以爲南陵聲援並派副將龍正耀等從油
榨等處滾營而進該提督親督兵勇扼紮梅嶺

督飭進剿使灣黃之賊無暇趨併南陵該逆勢
蹙果於十七八等日夜撤東路之圍遁去提督

臣周天受卽飭遊擊謝長禮等帶彪勇扼紮南
陵之麒麟橋以通糧道又派遊擊榮陞等帶所
部兵勇向青弋江進紮該署提督亦帶小隊並
遊擊吳正熙等進紮青弋江築營十座與鄭魁
士之軍互相援應二十二日大股賊匪由西河

南陵兩路來撲我營周天受令馮日坤等率領部卒迎戰西河股匪又派榮陞等迎戰南陵股匪我軍乘雨佯退南陵股匪紛紛進撲直逼隄埂勢欲先占高處周天受率參將馬光宗等伏於隄下登時突起槍礮連環擊斃甚多賊無退路沿隄橫竄欲與西河賊衆併股馮日坤率兵攔擊賊勢瓦解遁入竹林深處遊擊林保等以

槍礮直撲竹林各戰士分投追殺十餘里收隊
回營於時南陵西路之圍已解東北之賊亦大
半退遁正月初三初四等日參將石玉龍等在
萬級嶺一帶屢次接仗斃賊尤多查青弋江乃
宣城南陵涇縣三邑通路賊所必爭我軍旣扼
要衝更宜嚴密防範鄭魁士已將寒亭之軍移
紮通濟橋與青弋江對峙聲勢更爲聯絡從此

聞

兩路會擊南陵之圍可期速解卽灣黃之賊亦可漸期蕩平奏入報

欽定剿平粵匪方略卷二百十三 己未年

正月二十六日 酉 丁曾國藩奏言 臣接奉

諭旨飭令通籌全局 臣才識短淺何足以言規畫就近

處數省而論則安徽軍務最爲喫重江西次之
福建又次之皖南中界一山皖北中隔一湖兩
路賊勢 臣前疏已詳晰具奏近聞福建之賊尙
踞連城江西之賊竄入南安贛州戒嚴定南崇

義相繼失守以臣愚見連城之賊閩省兵力應
足了之南贛之賊人數尙多悍者較少非一支
客軍所能猝辦必須本省兵力輔以團練方可
徐起有功惟安徽賊黨其氛甚惡其患方長大
凡官軍與賊彼此互爲消長斷無中立之理我
能進而勦賊則賊將竭力禦我不暇他竄我不
能進而勦賊則賊將乘隙犯我旁出四溢皖南

無進剿之師則賊必東犯浙江皖北無進剿之
師則賊必北犯齊豫故就一隅觀之則江西之
南贛福建之連城均是賊黨均須兵力不可舍
近而圖遠就全局觀之則兩利相形取其重兩
害相形取其輕又不得不舍小而圖大誠使大
江兩岸各置重兵水陸三路鼓行東下剿皖南
則可分金陵之賊勢即可紓浙江之隱憂剿皖

北則可分廬州之賊勢即可紓山東河南之隱
憂方今湖北全省肅清然與皖境處處緊接防
不勝防者莫如湖北據上游之勢能制皖賊之
死命者亦莫如湖北臣與官文胡林翼等熟商
就現在之兵力稍加恢廓北岸須添足馬步三
萬人都與阿李續宜鮑超等任之中流現有水
師萬餘人楊載福彭玉麟任之南岸須添足馬

步二萬人臣率蕭啟江張運蘭等任之三道並
進夾江而下幸而得手進占十里則賊蹙十里
之勢進占百里則賊少百里之糧卽不甚得手
而上游之勢旣重卽下游之賊不得不以全力
禦我其於金陵廬州兩大營均有裨益此遵

旨通籌全局宜併力大江兩岸之微意也至臣處近日
軍情蕭啟江一軍自拔營南赴雩都據稟南贛

各屬賊蹤蔓延力難兼顧 臣飭令專救贛州以保要郡不必旁顧他處張運蘭一軍自十二月十七日馳抵景德鎮十九日吳國佑小挫一次二十七日張運蘭大勝一次贛州居江西之極南景德鎮居江西之極北相距千餘里 臣駐建昌距兩軍各五百里調度不靈轉運不便且兩處皆孤軍深入賊衆兵單日夜焦思無師可濟

臣前摺聲明蕭啟江之軍或留防南路或隨臣
北行容俟續行具奏近日詳加體察顧此則失
彼顧南則失北與其懸心兩地不若專力一方
已咨商江西撫臣耆齡請其另調勁軍以勦南
贛兼辦團練以散脅從臣卽專辦北路調回蕭
啟江一軍歸併饒州彭湖等處在江西則臣管
北邊耆齡管南邊在皖楚則臣攻南岸都興阿

等攻北岸地有分防斯責無旁貸師有定向斯
士無二心免致到處牽掣一無所成此臣處近
日軍情擬調蕭啟江併赴北路之微意也臣往
歲在軍未聞賊匪能用馬隊近聞粵匪嘗以馬
隊衝鋒擒匪則邊馬尤多李續賓三河之敗卽
係賊馬數千爲湘軍向來所未見昨吳國佑景
德鎮之挫亦爲賊馬所困今欲整頓陸軍不得

不添設馬隊東三省馬隊爲天下勁旅根本所
在不敢多爲奏調臣與湖北督撫函商擬由官
文等奏調察哈爾馬三千匹請

旨飭上駟院押解來南潁亳一帶
有善騎之勇可募名曰馬勇
應卽添練新馬隊二千餘騎
與都興阿之舊隊相輔而行
於九江湖口等處擇平原曠
野馳騁而操習之惟以南人
而騎北馬以勇丁

而學弓箭非倉卒所能奏效臣願竭數月之力
朝夕講求從容訓練期於成熟而止練成之後
以二千匹分江北隸都興阿舒保等麾下以五
百匹分江南隸臣麾下以壯步軍之氣而寒賊
黨之膽餘贍馬匹游牧於黃州鞍轡等具設局
於九江以備隨時添補更換之用仰仗

皇上威福茲事若成皖豫等省軍務可期大有起色此

添置馬隊 臣願自任教練之微意也溯自咸豐
六年洪楊內亂河北肅清武漢再克 臣方慶幸
以爲大難計日可平不謂遷延歲月粵匪未靖
捻匪復滋餉項有日竭不支之勢將士有久疲
思退之心不得不收絃更張亟思所以振之也

奏八

上命軍機大臣傳諭曾國藩曰安徽賊氛甚惡湖北據

皖境上游該侍郎統籌全局意在併力大江兩岸爲節節進剿之計所見甚是惟現在江西南贛等處賊氛尙熾該侍郎未能卽日北行俟南路稍鬆再赴皖楚交界籌辦大局其調察哈爾馬匹一節上年調赴袁甲三等軍營之馬沿途倒斃十之七八一路解費概屬虛糜翁同書因廬營缺馬曾有就地採買之請較之遠路調撥似有實濟本日已諭知官文等設法

籌辦矣將來楚軍東下如馬隊不敷並可由
軍營酌量協撥

上又命軍機大臣傳諭官文都興阿胡林翼曰曾國藩
奏通籌全局須添練馬隊據稱現在賊勢以安徽爲
最重能據其上游而制其死命莫如湖北曾與官文
等籌商北岸添馬步三萬人以都興阿等領其軍中
流水師楊載福等任之南岸亦須添馬步二萬人該

集賢堂
侍郎自率蕭啟江張運蘭等前往統領爲三道並進
夾江東下之舉惟蕭啟江赴援贛州張運蘭專勦景
德鎮兩軍皆距曾國藩軍營甚遠擬商耆齡另調勁
軍以勦南贛該侍郎卽專辦北路調回蕭啟江歸併
饒州彭湖等處商由官文等奏調察哈爾馬三千匹
以備募練馬勇所議軍情均合時勢惟江西現無兵
力可與蕭啟江抽換曾國藩仍須暫留建昌防勦南

路俟賊勢稍鬆再赴江西北境察哈爾馬匹本屬無多節次調往勝保袁甲三軍營沿途倒斃十之七八徒滋糜費不如仍由湖北採買較爲便捷近年粵捻各匪多用馬賊衝鋒官軍自應添備騎兵與步兵相輔而行前此湖北練習馬隊已有成效自可擴充辦理將來楚軍東下如馬隊不敷並可由勝保等軍營酌量協撥

曾國藩又奏言 臣前咨商耆齡撥兵來建昌換防頃准覆函以贛南方棘無兵可撥囑臣暫駐建昌兼防閩賊內竄等語查南路防勦喫緊而連城一股經閩兵阻截難保不回竄江西且臣拔營北行去蕭啟江一軍愈遠聲息難通目下有不能遽行移營之勢自應暫留建昌相機辦理再查建昌甯都各屬別無防兵江閩交界千

里空虛贛南鎮總兵饒廷選帶兵在閩前因患病未痊經督臣王懿德另派豫祺接統連城諸軍入春以來饒廷選病體當已漸愈該總兵係江省地方官曾奉

旨歸臣調度前守廣信衢州著有成效仰懇

天恩飭令饒廷選酌帶所部前來江西或駐紮甯都建

昌或卽赴贛州本任應俟臨時酌奪如蒙

飭調則南路邊陲有備兼可爲閩境聲援奏入

上命軍機大臣傳諭王懿德曰江西南路防勦喫緊贛南一帶無兵可撥贛南鎮總兵饒廷選現在革職留營在閩患病並未帶兵出勦閩省州縣惟連城未復不難剋日殲平該總兵患病諒已就痊著王懿德卽飭酌帶所部兵勇馳赴江西會國藩軍營聽候調度毋稍遲延

曾國藩又奏言據李續宜稟稱李續賓遵

旨進攻廬州因三河鎮爲舒廬衝要賊築僞城一座堅

壘九座九月二十八日進紮三河十月初二日

親攻九壘下之適粵逆陳玉城捻逆張落刑各

率大股來援賊衆十餘萬連營數十里抄大軍

後路李續賓所部除留防九江及舒桐外隨征

不過五千餘人又攻壘血戰銳卒損傷過多遂

飛調防兵策應未及至而賊已來徧初十日派
隊迎擊金牛鎮戰於樊家渡已獲全勝忽左路
出賊數萬乘霧來抄我軍回戈返鬪前後受敵
參將彭友勝遊擊胡廷槐饒萬福力戰死之餘
皆截阻不能歸營李續賓自領親兵救應而僞
城之賊復出與援賊相合我軍四面被圍初更
時最後兩營李續燾彭祥瑞越壘衝出於是賊

踞其壘斷我軍去路或勸以突圍退保無難再
振李續賓誓不生還二鼓向盡怒馬直出赴悍
賊林立處死之臣胞弟曾國華及何忠駿何裕
王揆一李續藝吳立蓉萬斛源等皆死之而副
將李存漢道員孫守信運同丁銳義等猶督守
孤壘以俟桐城援兵至十三日夜子藥水米俱
盡孫守信等死之十九日賊攻桐城李存漢趙

有材謝嗣湘李景均等死之桐城復陷凡湘軍
員弁兵役隨李續賓死者近六千人十一月三
河附近紳民從賊中覓得李續賓忠骸潛送霍
山迎至黃州卽將返葬湘鄉各等情 臣查李續
賓戰績自咸豐三年赴援江西克復太和安福
永興四五兩年攻克岳州武漢廣信等處六七
八等年攻克武漢九江皖北各處此次死事之

烈官文等必詳奏請卹惟臣與李續賓從事較
久相知頗深有不得不瀆陳於

聖主之前者李續賓初援江西嗣隨羅澤南征剿各處
循循若無所知逮岳州大橋之戰塔齊布獨稱
湘勇白旗爲無敵賊亦深畏白旗白旗者李續
賓所部右營也旣而田家鎮之役以少勝衆九
江之敗士卒多逃散獨右營勇丁依依不去然

後衆稱其賢能得士心矣猶復粥粥無能轉戰
江西岳鄂之間經過州縣不見一客稠人廣坐
不發一語自楚軍之興人人皆以節烈相高慷
慨陳詞豫相要約李續賓獨默然深藏初不豫
作激烈自許之言然忠果之色見於眉宇閒遠
近上下皆有以信其大節之不苟臣所立湘勇
營制編隊立哨略倣古法計事授糈皆有定程

行之既久各營時有變更惟李續賓守法五年
始終不變嘗謂臣曰立法者但求大段妥善行
法者當於小處彌縫臣初定湘營餉項稍示優
裕原冀月有贏餘以養將領之廉而作軍士之
氣李續賓統營既多歷年已久節省贏餘及廉
俸至數萬金不寄家以自肥概留備軍中非常
之需咸豐六年冬曾寄銀五千兩於南昌濟臣

糧臺之急七年冬又寄銀萬兩至吉安濟臣弟
曾國荃一軍又寄三千兩至貴溪濟李元度一
軍此外贏餘銀兩亦皆量力濟人不忍他軍飢
而已軍獨飽往者故撫臣江忠源嘗論兵勇利
病勇則畛域不分而患其蹤跡無定此之所革
彼之所收兵則名籍有定而患其界限太分勝
不相讓敗不相救兵則規矩較肅而患無陷陣

剛猛之風勇則銳氣較新而患無上下等威之
辨故用兵以和爲貴用勇以嚴爲貴李續賓馭
下極寬終年不見愠色而弁勇有罪往往揮涕
而手刃之甲寅十月在田家鎮斬退怯之勇臣
奏牘稱其有名將之風故刑人無多而歲久無
敢弛慢至於臨陣之際專以救敗爲務以顧全
大局爲先遇賊則讓人禦其弱者而自當其悍

者分兵則以强者予人而攜弱者以自隨或攜
隨數次弱者漸強矣則又另帶新營以自隨江
楚諸軍每言肯攜帶弱兵肯臨陣救人者前惟
塔齊布後惟李續賓此次三河之敗未始不由
乎此此軍民所尤感泣不忘者也 臣 昔觀李續
賓厚重少文百戰無挫私心慰幸以爲可躋
中興福將之列不意大難未平長城遽隕督 臣 官

文等具奏請卹諒蒙

聖慈矜鑒 臣與李續賓同縣姻戚不敢飾辭溢美亦不敢沒其忠勳謹就夙昔所知瀆陳

宸聽伏乞

飭付史館採入列傳奏入

上諭內閣曰巡撫銜浙江布政使李續賓前在三河鎮剿賊陣亡業經降旨優加褒卹茲據曾國藩臚陳該

員功績具奏覽之益深悼惜李續賓從軍數載所向成功及其見危授命麾下將士無一偷生實有古名將風允宜垂諸信史百世流芳著將會國藩此奏交國史館採入列傳以示褒嘉

曾國藩又奏言接各路函稟三河營壘於十月初十日被圍是夜李續賓怒馬赴敵死之臣弟曾國華義不獨生亦衝騎赴賊中死之幕中諸

友如何忠駿等同時並殉惟孫守信復堅守兩
日至十三夜乃從容就義等情溯查咸豐五年
十月逆賊石達開率衆竄入江西勾結廣東匪
徒周培春等連陷瑞臨袁州三府六年春又陷
吉安撫建三府臣所部諸軍羅澤南旣先赴湖
北周鳳山又敗於樟樹鎮臣不得已率水師赴
援省城而令李元度陸軍進攻撫州維時人心

震驚道路梗阻 臣幾有岌岌坐困之勢 臣弟曾
國華馳赴武昌乞師以救江西經胡林翼奏委
國華統領普承堯吳坤修劉騰鴻各軍赴援遂
由咸甯蒲圻沿途迎勦取道萬載攻克新昌上
高兩月之間連復六縣遂圍瑞州由是江西湖
南始通音問而國華積勞致疾就醫南昌與 臣
握手相見悲喜交集蓋以新募之衆千里來援

節節攻勦摧江西十餘萬之賊鏖戰於酷暑烈日之中艱險備嘗乃有此兄弟會晤之一日也病痊仍回瑞州督勦七年正月臣赴瑞州與國華定計合圍掘長濠三十里斷賊接濟二月丁父憂兄弟奔喪回籍厥後瑞城克復尙未變國華原定規模臣叔父曾驥雲無子以國華爲嗣八年二月降服期滿四月李續賓調赴湖北奏

明留營幫辦相與講求戎政晨夕商酌國華性
好讀史頗懷大志於古人艱危之境反復推究
其得失平昔持論過高臣恆誠之近日議論軍
事漸歸於精細穩實與李續賓兄弟意見多合
十月初九日猶以家書寄臣稱援賊麕至各營
意欲退保國華與主帥堅持不退二人謀合必
不爲衆說所搖等語豈料其發信之次日卽爲

效命之秋而其堅持不搖之計卽爲全軍俱殉
之機也七年五月間欽奉

恩諭有曾國華帶勇援應一門忠義實深嘉尚之褒跪
讀之下感激涕零今幸臨危不苟仰副

聖慈捐糜以報

生成之德在門戶亦足增榮子弟得附忠義之林在臣
心更復何憾特以臣叔父年齒日高倚閭望切

孤姪曾紀壽幼穉何依臣六載軍中愆尤叢集
卽手足私愛亦覺愧負良多建昌去舒城千有
餘里兵力不能遽及山川間隔日月寢淹骸骨
未收遺憾難雪追思昔年若無國華援應臣無
以至今日臣軍無以圖倖全卽江西亦無以轉
危爲安憫念微勞不忍不瀆陳於

聖主之前至於例得卹典應由湖北督撫彙案具奏臣

不敢妄爲乞

恩奏入

上諭內閣曰候選同知曾國華在三河鎮殉難當經降旨追贈道員從優議卹該故員歷著戰功一門忠義著再加恩賞給伊父曾驥雲從二品封典以示褒嘉同日勝保翁同書奏言臣等接據總兵吉順函稱訊據民人闕廣和自店埠逃出供稱粵逆近

因大江阻塞迫令民間派夫挑運糧米自梁山至九洑洲送入金陵數月以來絡繹不絕現復令僞旅帥出夫於烏江開挖新河直抵江浦以便往來遂得橫行無忌等語查臣等祇能由北而南逐節進擣其烏江江浦一帶非皖營兵力所能及自應由和春德興阿就近設法派兵嚴行堵截以期斷賊糧道奏入

上命軍機大臣傳諭德興阿翰殿華毛三元曰勝保翁
同書奏粵逆因大江阻塞迫令民間挑運糧米由梁
山至九湫洲送入金陵復令僞旅帥出夫於烏江開
挖新河直抵江浦以便往來等情逆匪久踞金陵未
能攻克總因賊糧未斷現在勝保駐紮鳳陽距烏江
江浦等處較遠著德興阿等就近派兵於九湫洲地
方嚴行堵截斷賊糧道毋令接濟金陵並撥兵於烏

江一帶實力堵禦毋令逆匪開竅新河橫行無忌如
江北兵力一時未能兼顧卽著咨商和春酌派勁兵
分投堵截毋稍遲延

二十七日 戊戌 胡興仁奏言婺源賊匪恃其西通

景德鎮互爲聲援並有奸民貿易以至久攻未
下副將李嘉萬探知婺城西南之寅川鋪爲奸
民接濟賊糧淵藪於十二月初八日派隊馳抵

該處銜枚疾進該逆守卡者約二百餘名遙見我軍驚惶失措與奸民等四竄上山該副將卽率馬步隊跟蹤前進勦殺數十名生擒十餘名當將寅川鋪奸民貨物及偽衙所藏硝磺火藥十餘處燒燬其婺城之東北兩面自江長貴接統婺防後訪知賊之輜重半在高沙於初十日令署婺源縣朱德汾署守備陳啟熊等率領兵

勇隨參將王恩榮進攻高沙復令遊擊王夢麟
等帶隊埋伏江長貴親帶小隊督勦江長泰帶
領奮勇首先衝入賊巢賊衆蠶擁而出不下萬
衆我軍伏兵齊起陣斬黃衣賊目五名楊名聲
復斬龍旗悍賊一名逆賊大敗回城落河死者
不計其數十七日江長貴又分派各隊會合李
嘉萬進擊高沙轟斃紅衣賊目二名黃衣賊目

一名並以火器焚其望樓城中之賊見我軍面
面偪圍不敢過河但於隔岸山梁搖旗吶喊有
張蓋黃傘賊目親自指揮我軍對準黃傘密燃
大礮但見該逆旗幟披靡羣然鬩散二十二日
江長貴復帶隊誘敵兼勘地勢以圖進偪行近
城濠突有賊乘礮船渡河該署鎮揮擊落水淹
斃甚多自是該逆堅閉不出查婺城之賊經我

軍疊次攻勦賊膽已寒惟逆情叵測且與景德
鎮之賊互相援應非四面攻圍終虞日久竄突
現據李定太函稱擬將衢防並開化大鏞嶺等
隘口布置周妥後卽於正月十一日移紮白沙
督軍會勦如能四面夾擊當可聚殲奏入報